



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

Linee guida per l'utilizzo


Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.

Informazioni su Google Ricerca Libri

La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>




858
P80
S25

JOANNIS JOVIANI
PONTANI
VITA

AUCTORE

ROBERTO DE SARNO

*Congregationis Oratorii Neapolitani
Presbytero.*



NEAPOLI MDCCLXI.

Excudebant FRATRES SIMONII
PUBLICA AUCTORITATE.

EXCELLENTISSIMO MARCHIONI

BERNARDO TANUSIO
FERDINANDI IV.

UTRIUSQUE SICILIÆ REGIS

IN REGNO REGENDO A SUPREMIS CONSILIIS, ATQUE
A SECRETIS IN NEGOTIIS AD EXTEROS REGES,
AD SACRAM DOMUM, SACRASQUE VILLAS,
NECNON AD CURSUM PUBLICUM, ATQUE
AD THEATRUM PERTINENTIBUS,
EQUITI CLAVIS AUREÆ, AC
INTIMO REGIS CUBI-
CULARIO,

ROBERTUS DE SARNO:



Ix prelum evaserat vita hæc; cum e
vestigio ad Te properare, ac tuum
sibi auspiciū, ac patrociniū fiden-
ter exposcere præcipuo quodam jure videba-

tur. Cur id sibi vindicet; aperiam: quod nec temere factum, nec levibus ex causis, quas in operum nuncupationibus plerumque moris est pertexere, oportebit, ut fatearis. Etenim cum egomet mihi mecum vitæ tuæ consuetudinem considero, atque egregia facinora tua cum iis, quæ Pontanus egit, confero, inter se adeo nexa, ac consimilia video, ut cum os istud tuum priscæ gravitatis, & fidei monumentum intueor, illum ipsum intueri, atque inter nos ætatem agere suam ancipiti animo interdum suspicer. Quotus enim quisque est, cui perspectum nondum etiam est Pontanum ad supremos dignitatum gradus evectum ob singularem sapientiam, prudentiam, ac in temporibus difficillimis dexteritatem, Regesque Aragonenses prope decertasse in illo exornando amplissimis beneficiis, & honoribus quantis maximis eum sibi devincientes? FERDINANDUS Rex a Secretis adhibuit, simul & Alphonsum filium litteris, & moribus informandum tradidit: postmodum in Regni negotiis impeditissimis extricandis a consiliis sibi comitem adscivit, quem vigilem, sollertem, prudentemque non tantum intus domique, sed foris belloque expertus est. Verum his immorari piget, cum oratio ad Te labatur necesse est, quem pariter spectata satis doctrina, fides, gravitas, quas

quas in Te fitas prædicabant universi, olim inter belli tumultus intime commendarunt Regi CAROLO omnium retro Principum præstantissimo, ac hominum æquissimo æstimatori, qui munus a secretis Tibi probe demandari autumavit. Hoc in munere quo pacto Te gesseris nihil est, quod hujusce epistolæ cancellis tam difficile concludi queat: vel potius eccuinam inauditum, aut incompertum esse potest, cum ubique locorum perfectæ tuæ sapientiæ, cumulatæque virtutis vigeant monumenta una cum sæculis, ætatibusque hominum duratura. In hac urbe, & in foro quidem litigatorum ambages, & licentiam coercuisti, legumque severitatem pene defluxam vel novis per optimum Regem, Te auctore, conditis legibus, vel veteribus restitutis, revocasti. Ceteris autem hujus Regni Provinciis antehac despectissimis, quæ per Te parta quies, qui civilis cultus, ac nitor? cum id tantopere caveris, ut Juris consulti probatissimi in his locis jus dicerent, ac rei universæ publicæ in angustias redactæ opem ferrent, atque impiorum hominum, qui vel impune discurrentes, aut in insidiis fuc-centuriati bona diripiebant, ac cuique bono insidiabantur, impetus, ac audaciam retunderent. Neque a recti proposito Te unquam dimovit vel alicujus gratia, vel opum conqui-

ren-

rendarum amor, a quo animus abhorruit, cum
id hucusque questum duxeris maximum, hu-
jus urbis, & Regni commodis quam maxime
inservire; adeo ut in Te apte cadat Pontani
effatum illud, qui instigantibus amicis uti di-
tesceret, statim subiciebat: *Egere nolo, opulen-
tus esse recuso*; id quod est sapere, & omnem
omnino maculam effugere. Quare nemo um-
quam a Te rem injustam petere ausus est,
sed emeritam, ac debitam. Hinc factum, quod
cum duobus abhinc annis, magna rerum mu-
tatione impendente, CAROLUS Rex Pientissi-
mus longe gentium ad Iberos profecturus esset
(cujus temporis recordatione adhuc animus
moeret) Tibi unitum concedidit penitiora,
atque gravioris moliminis negotia. Quod vero
unumquemque in admirationem tui traduxit,
id sane fuit Te tam multa, atque aspera ag-
gressum tam celeriter absolvisse. Istæ eximie
acta effecere, ut CAROLUS Rex non modo in-
ter X. Viros hujus Regni Moderatores excel-
lentissimos adlegerit, sed & uni Tibi laboriosas
curas demandaverit. At cum hæc, & alia olim
ursere, ac porro impensius urgeant, inter quæ
vix hiscere ad ducendum spiritum ceteri quivis-
sent, nunquam Te a Musarum quam artifi-
simo consortio avulsum compertum, atque
exploratum est, neque impedimento ullatenus
sunt,

sunt ; quominus & doctis libris impallescas ,
& conventibus litterariis intersis , ac præsis .
Vel in hoc quidem Pontani æmulator extiti-
sti : nam Pontanianam Academiam , cujus ru-
mor olim orbem pervaserat , quæque artes ,
& disciplinas intermortuas excitavit , florui-
se demum visum est sub CAROLI Auspiciis , Te
suasore , restitutam , quam Societatem , an Em-
porium doctissimorum virorum , an quo alio
nomine vocem ? inter quos eminet Doctiss. Ma-
zochius , quem non aliter salutandum reor ,
quam verbis Caroli le Beau Parisiensis Aca-
demiae Scribae perpetui , *totius Europæ littera-
rie miraculum* . Hisce viris Tu non præes tan-
tum , sed & eorum recitationibus ades , ac
sæpius tuam proferas de rebus obscurioribus
sententiam , nihil ut magis illi vereantur , quam
acre , ac defacatum iudicium tuum . Cui sane
quam uni Tibi accepta referimus tot monu-
menta ex Herculanei visceribus effossa , quæ
post tot sæculorum intercapedinem facta testæ ,
nunc sane obmarcuisent , vel pessum ivissent ,
nisi opera intentiore id egisses , ut signa , vasa ,
toreumata , sculptæ gemmæ , atque id genus
alia , suis quæque reposita loculis , diligenter
adservarentur : picturæ vero in æs incisæ Aca-
demicis distribuerentur , qui accommodatis com-
mentariis , aut dilucidis explanationibus eas in-

strue-

struerent ; quarum duo volumina sollerti studio tuo, ac labore in ordinem digesta, atque in compendium coacta, ne spissiora, quam par erat, evaderent, typis magnifice excusa, & sumptu vere Regio non sine ingenti litteratorum hominum plausu, atque oblectatione in lucem prodire, & tertium jam prelo madet. Potiori igitur jure hic proloqui mihi fas sit, quæ olim Petrus Summontius sibi ominatus est, fore scilicet, ut posteritas suæ ætati invidisset, cui frui Pontano licuerit ; quando nobis gratulandum est, quod feri nepotes nos beatos prædicabunt, quibus Te propius intueri contigerit, & ad quos ex tuæ sapientiæ laticibus tot manarint commoda, unde hæc hilariora refulgent tempora. Jam Tanusi Amplissime, id libenter exposui, quod initio receperam, quo non aliis sub auspiciis, quam tuis vitam hanc edendam Tibi admodum suavissem ; si quid amplius verbum adderem apud Te gravem offensionem subire vererer.



Pontani Stemma Gentilitium



MIrari numquam destiti, & caussam sedulo in-
 quirere, cur JOANNIS JOVIANI PONTANI
 de Rep. litteraria benemerentissimi vitam
 nemo unus adhuc dum perscribere accuravit, cum ni-
 bil quidquam egregii viri decori augendo, patriæ or-
 namento, civiumque animis ad virtutem exacuendis
 congruentius fore reputaverim, quam illius res ge-
 stas litteris ære perennioribus consignare. Fateor equi-
 dem non defuisse quamplurimos, qui Pontani vitam me-
 moriæ aliquando prodere polliciti sint, sed horum
 alii obstrictam fidem fallere veriti non sunt: alii
 contra vix pauca protulerunt Joviani facta, veluti
 disjecta membra, ut illum misere discerptum palam
 conqueri me haud pœniteat. Profecto quidquid in
 caussa fuerit, quamobrem ab hoc opere se abstinue-
 rint,

rint , decernere nequeo : acrius tamen pupugit me Pontani aëta silentio contabescere debuisse ; atque hoc monumento carere Neapolitanos , quibus affatim gloriae ac famæ plurimum Jovianus apud exteros peperit , adeo ut quotquot ex locis vel longinquis ad Neapolim confluunt anxie de Pontano rogent , & religione quadam recolendæ ejus memoriæ tacti Ædem ab ipsa constructam invisere gestiant . Hinc retro actis annis cum Philippus D' Orvillus Amstelodamensis ingentis eruditionis vir eam situ squalentem , & illuvie obsitam promercalium rerum officinam factam contemplatus esset , temperare se nequivit , quin cultissimo carmine Neapolitanos distringeret , utpote qui in ossa Pontani impune grassari paterentur . At quatuor abhinc annis cum lis exarserit pro instauranda hac Pontani Æde partim incuria , partim temporis injuria fatiscente , CAROLUS tunc Neapolitanorum & Siciliensium Rex providentissimus imperavit , ut in pristinam dignitatem , ac munditiem aëtatum redigeretur ; & marmora tum græca , tum latina internis hujusce ædis parietibus affixa , vel solo prostrata , quæ aut ob excessas pene litteras incommoda legentibus , vel flagitiose dissecta conspiciebantur , in integrum restituerentur , subjecta etiam græcis lapidibus latiori interpretatione . Sed ne alio deflectere videar , æstuante hac controversia amicorum selectissimi de Pontano , ejusquæ operibus crebra colloquia ferentes hortari , atque latus fodere , ut deside-

fideriis ipsorum litatum irem, & Pontani vitam, de qua meditabar, aliquando elucubrarem: accessit hisce stimulis patris mei auctoritas, & iussum, adeo ut negotium in me ipse susceperim. Interea nihil non rerum fategi, ut quoad fieri posset diligentia ac sollertia Joviani acta vel ex perpeti ejusdem operum lectione depromerem, auctoribusve συγγραφοῖς, vel ex eruditis M. S. probe excussis exciperem. Quandoquidem non piguit temporis, ac operæ plurimum impendisse sordis, ac non indecori pulveris patientissimum in pervolutandis Regiis Tabulariis, nempe ad id, ut non alibi compertum ex sequioris ævi diplomatibus, & publicis instrumentis extendere satis essem. Attigi leviter quibus causis impulsus, & qua labore perfunctus vitam hanc contexere studuerim: licebit postremo bene mihi ominari de hac qualicumque opella, ex qua si minus gloria, gratiæ non parum (quod maximis in lucris ponam) apud cives meos affecuturum reor.



Rev. D. Julius Laurentius Schwabius S. Tb. Professor , & Archiep. Ac. Socius revideat , & in scriptis referat . Neapoli die 28. mensis Martii 1761.

I. EPISC. PHILADEL. VIC. GEN.

JOSEPH SPARANUS CAN. DEP.

EMINENTISSIME PRINCEPS.

Celebriora qua sacra qua profana litteratae Antiquitatis monumenta studiose persequi semper maxima in laude posuit doctorum hominum existimatio : tum vero de patriis potissimum sive originibus , sive praecipuis Historiae capitibus commentari ; praesertim ubi ex tenebris , ac squalore vetustatis excitentur , judicioque acri , & adcurato expendantur , atque instaurentur , longe omnium praeclarissimum autumo . Atqui utrumque istuc praestitit eruditissimus juvenis Robertus de Sarno Congregationis Oratorii Neap. Sacerdos . Namque & aliquot abhinc annis binas edidit numeris omnibus absolutas dissertationes ; in quarum altera Aristaeanam de Lxxviri Interpretatione Historiam erudite excutit ; in altera vero de Haeresi Praedestinariana edisserit : quae Romanis typis excusae non sine maximo litteratae caveae plausu circumferuntur . Tum vero nuper Jo: Joviani Pontani Vitam improbo sanè labore ex abditissimis , iisdemque gravissimis monumentis collegit , quam germana latini sermonis integritate eleganter conscriptam publicae usurae modo concredere postulat . Egregium sane Opus , quod quum Eminentia Tua jubente avidè quidem , nec sine magna animi voluptate perlegerim , typis in publicum quantocius committendum censeo : quandoquidem non ego quicquam in eo offendi Fidei , atque Ethicae Christianae adversum . Optandum sane , ut eruditus juvenis nihil reliqui faciat , quo minus ingenii sui felicitate Pontanianæ Academiae historiam , quam spondet , brevi edat :
quod

quod sane si praestiterit de publica re litteraria plurimum merebitur. Neapoli XIII. Kal. Jun. CIOIOCC LXI.

Eminentiae Tuae

Humillimus, devotissimus, obsequemissimus
Julius Laurentius Selvaghius.

*Attenta relatione Domini Revisoria imprimatur. Datum Neap.
die 20. Maii 1761.*

I. EPISC. PHILADELP. VIC. GEN.

JOSEPH SPARANVS CAN. DEP.

*Mag. Doctor D. Franciscus Seraus in hac Studiorum Universi-
tate Professor Primarius revideat, & in scriptis referat. Datum
Neapoli die 13. Augusti 1761.*

NICOLAUS DE ROSA EPISCOPVS PVTEOL. CAP. MAJ

VITA Joannis Joviani Pontani a P. Roberto de Sarno
Congregationis Oratorii Presbytero edita commendatissi-
ma esse debet cum ab Auctoris exquisita diligentia in eru-
endis colligendisque monumentis ad rem facientibus, tum a
praestantia celebritateque ejus hominis, in quo doctrina,
eruditio, ingenium, humanitas, fortuna demum ipsa im-
pense emicuerunt. Id commentarium nihil habet Regiis pu-
blicisve juribus adversum; ideoque imprimi posse cenfeo.

Neapoli VII. Idus Septembres MDCCLXI.

Franciscus Seraus Professor Regius.

Die

Die 22. mensis Septembris 1761.

Visto rescripto Suae Regalis Majestatis sub die 18. currentis mensis, & anni, relatione facta per Mag. Bonavent. Di. Franciscum Seraum de commissione Reverendi Regii Cappellani Majoris ordine praefatae Regalis Majestatis.

Regalis Camera Sanctae Clarae providet, decernit, atque mandat, quod imprimatur cum inserta forma praesentis supplicis libelli, ac approbationis dicti Revisoris: verum in publicatione servetur Regia Pragmatica. Hoc factum.

ROMANUS Praeses.

FRAGGIANNI.

GAETA.


SCASSA.

Reg. f. 91. a ter.

Carulli.

Athanasius.

JOAN.





Franc. La Marra Neap. delin. et incidit.

JOANNIS JOVIANI PONTANI

V I T A.



Joannes Pontanus (a) Jacobi filius natus est. Cereti (b) in Umbria anno 1426. mense Decembri, & fortasse a. d. VI. Kal. Jan. (c). Majores ejus pulsi e patria ob civium seditiones fue-

re

(a) Ex brevissimo Tristani Caraccioli MS. quod exstat in bibliotheca Marchionis Matthæi de Sarno parentis mei, & in fine hujus libelli typis edendum spondeo, erui majores Joannis cognomen Pontani accepisse ex eo, quod e patria pulsi ob civiles discordias Pontum, qui parum distat a Cereto, confugerunt. Ex hujus viri sententia quisque objicere merito posset Pontani gentem olim aliud siquidem cognomentum obtinuisse: sed in hac temporum caligine quisnam de hoc aliquid certi in medium afferre queat, cum ne vola quidem, aut vestigium apud scriptores?

(b) Benedictus Varchius in *Herculano* pag. 144. asserit Pontanum Hispelli; Trifstanus autem Caracciolus in MS. Ponti ortum fuisse: sed satius duxi adstipulari viris præstantissimis, nimirum Gerardo Joan. Vossio de *Historicis Latin.* lib. III. pag. 607. Lugd. Batav. 1651. Paulo Jovio *Elog. Virorum litteris illustr.* pag. 60. Basilæ 1677. Henrico Wharton in *Append. ad histor. litter. Guilelmi Cave* pag. 187. Londin. 1689. qui scribunt patriam Joannis fuisse Ceretum; atque in hujusmodi sententiam ceteri etiam scriptores pedibus ivere: a priscis usque tempestatibus pugnatum est de maximorum virorum patria, quo non unæ civitates sibi ab ipsis famæ plurimum emendicaret.

Ceretum, quod & Ceretæ, *Cereto* vulgo, castrum Umbriæ ad Neram fluv. propter radices Apennini montis, & in confinio agri Anconitani 15. mill. pass. a Nursia in occasum, Spoletum versus 12. Qui plura de Cereto desiderat, adeat Leandrum Alberti Bohoniensem in descriptione totius Italiæ post pag. 93. Venet. 1631. Italice edita, præter Baudrand, & Martynerium.

(c) Initis temporum rationibus natalitium Joannis Pontani tempus præfigo ann. 1426. re a me bene pensitata. revolvente Pontani dialogum

A

inscri-

re, inter quos exarserunt deterrima dissidia, ita ut in partes scissi mutuis odiis, atque intestinis discordiis perciti ad savitiam obduruerint, & interneciones anhelarint (a).

Ja-

inscriptum *Afinus* tom. 2. pag. 178. Venet. in ædib. Ald. mense Junio anno 1518. tom. 3. ubi verba facit Pontanus de fœdere inter Innocentium VIII. Sum. Pontif. & Ferdinandum I. Neapolitanorum Regem iſto, quod procul dubio contigit anno 1486. ibique semet ipse *sexagenarium hominem* fatetur.

At quonam mense prodierit in lucem Joannes, exprompsimus ab operibus Alexandri ab Alexandro *Dierum Genialium* lib. I. cap. 1. Lugdu. Batav. 1673. Forte autem, inquit, cum natalis sui diem annum Decembrio mense, ut solebat (Pontanus) cum amicis celebrare vult, evenit, ut & nos una cum reliquis mihi conjunctissimis primis ab eo tenebris acciti apud eum conveniremus. Lætor me etiam diem divinasse; nam Joannes ei nomen inditum, ac Ædem præclarissimam Evangelistæ Joanni ipse sacraverat, cujus sollempnis dies VI. Kal. Jan. addictus est.

(a) Isthæc siquidem dissidia legere est in operibus Pontani lib. de Immanitate tom. 1. post pag. 319., quæ graphice, ac diserte more suo describit: *Aviam meam Leonardam, rarissimi exempli matronam, non sine multis lacrymis puer audiebam referentem, cum inter digladiantes quasdam inter se familias inimicitie summis exercerentur odiis, captum quempiam factione ex altera, eumque e vestigio concisum in minutissima etiam frusta, moxque exemptum illi jecur in prunis, candentissimisque carbonibus ab factionis ejus principibus tostum, perquæ buccellas minutim dissectum, inter cognatos ad id invitatos in jentaculum distributum. Quæ aut luporum tam exanhelata rabies, aut savientis pro erepta prole tigridis hanc ipsam superaveris? Allata etiam post degustationem tam exsecrabilem pocula non sine collecti cruoris aspergine, Congratulationes habite inter se, risus, joci, leporesque cibum ipsum condientes. Denique & Diis ipsis propinatum, tanta vindicta sanctoribus. Quod hic exelamem, nihil habeo, ni forte immaniora his, & ab natura hominis alieniora subjunxerim. Majores mei pulsi patria, domesticas ob seditiones, munitionem sibi constituerant in agro, ac solo proprio, turrimque ibi ex lapide edificaverant, qua munita, uxores, liberos, remque familiarem omnem ibidem tuebantur. Indeque adversarios & suis, & clientum, atque amicorum opibus insensus laceſcebant. Forte accidit, quod tunc res sic ferebant, ut sociis ab hostibus suis graviter oppressis viri suppetias ferrent paucis præſidiariis, cum mulieribus, ac parvis liberis relictis, qui munitionibus, ac turri præſidio essent. Hoc comperto,*
ad-

Jacobus pater, qui matrē habuit Cæciliā (a), & generis splendore, & munerum fama maxime floruit: etenim, præter oris gratiam, eloquentiam in ipso commendat filius, eumque ait honore togæ, & rei militaris virtute etiam præcelluisse (b). Is uxorem duxit

adversarii summis conatibus munitiones repente aggressi eas per vim capiunt, ac propugnatoribus cæsis, turrim aggrediuntur. Proavia ibi mea duobus cum parvis liberis se tuebatur. Accedunt germani fratres, factionis alterius principes, hortantur, deditionem uti facias: illa deditionem pollicetur, incolumibus tamen, ac salvis infantulis. Negatur a fratribus conditio. Res a gladiis, ac sagittis ad incendium venit. Ibi infelix matrona, quamquam supra sexum fortissimo pectore, in abditorem sese locum includens cum atroque filiolo, fumo, ac flammis enecta exurit, caruitque fraternam ob impietatem, factionisque immanes animos sepulcro. Quorum ego puer cinerem, factiisque esse poterant, collectos, Christiana matre id procurante, per eos, qui tunc aderant, clientes in sanctum ferendos, ac collocandos curavi. Quamvis autem domesticum hoc factum tacendum fortasse satius fuisse videatur, fateri tamen liceat, ut Auriencia proavia mea nihil muliebri in sexu atas illa fortius, atque in liberos suos indulgentius vidit, ita nihil ejus fratribus fuisse execrabilius, aut humana ab natura diverfius, quin in sanguinem suum ipsam nihil prorsus perniciosius, magisque truculentum, atque efferatam.

(a) Pax umbra, requiesque urnæ, quæ contegit umbram,

Thura adolete, sacri spargite fontis aquam.

Salve avia, æternumque vale: cape grata nepotis

Munera, nec lacrymas sperno, nec inferias.

Cæcilia, & tibi sis tellus levis, & fluat urna

Ambrosia, ambrosius stillet & usque liquor.

Et tibi perpetuum spiret ver, servet & arnam,

Quam tu servasti cum pietate, fides.

Lib. II. Tumulorum pag. 3403. Basil. an. 1556. tom. 1.

(b) Clarissime id eruitur ex tumulo, quem Pontanus paravit patris memoriz. Ibid. pag. 3408.

In tumulo situs est vatis pater: hoc satis esset,

Sed pater ipso suis laudibus auctus erat.

Cui gentilis honor, cui lingua ornatus, & oris,

Atque toga, atque hasta cui vel urnæ decus.

Non est, quod tumulo exoptes: calum ille petivit:

Sed venerare piis ossa reposta locis.

xit nomine Christianam (a) ab Leonarda Pontana ortam (b), ex qua Joannem procreavit, qui ærumnis plena, atque admodum dura usus est prima æta-

Ante diem rapuit Jacobum mors : filius illi

Infans, quæ nequit, dat modo iusta senex.

(a) Pontanus ad feretrum Christianæ matris pag. 3409.

Has te ego ad inferias, mater, voco : tu mea mater,

Accipe cum fletu munera mixta suo.

Te natus vocat ad feretrum : tu munera nati

Accipe, & has lacrymas accipe, & hos gemitus.

Quid natum, mater, fraudas spe? nec mihi flenti

Eximis aut lacrymas, eximis aut gemitus?

O dulces matris vultus, o mollia corda!

Mater adest, matrem jam peto, jam teneo.

Jam ridet nato mater, jam brachia tendit:

Jam teneo amplexus, ipse ego jam teneor.

Heu natum mater, natum fugit immemor! heu nil

Ipsi, nisi manes, & levis umbra sumus!

(b) Tumulus Leonardæ Pontanæ, aviæ maternæ.

Viator, & Genius colloquuntur pag. 3402.

D! manes salvete : an quas hic conditis umbras?

Salve hospes : Sanctam condimus hic animam,

Quis titulus? Leonarda jacet Pontana sepulcro,

Post centum ac denas conditur hic segetes.

Custodes quis vos statuit? Probitasque, Pudorque

Constituit tumulos, an Dea? constituit.

Religio tumulos statuit : juvete puella

Pierides, quoniam cura nepotis erat.

Tu requiem cineri optato, sic fata quiescant

Et tua. Vis ne aliud? Jamque valet, abeo.

Hæc quamvis maxima natu salubriora quæque instillare tenellulo ejus pectori satagebat : *Avia nostra materna*, Pontanus de Liberalitate post pag. 103. probatissima femina referre nobis pueris in admonitionibus salebat exemplum post magnopere divulgatum. Locupletem mulierem, unicum cum haberet filium, eumque patre orbatum, ita illum & teneris educasse annis usque ad adolescentia florem, ut ipsa indulgenti amplum patrimonium turpissimis artibus ante vicissimum annum absumptum, ac dissipatum ab illo fuerit. Adolescentem, cum egere cõpisset, assuesse rapere, furari, jusjurandum vendere. Captum autem a Prætorè, cum ad supplicium duceretur, impetrasse, ut sibi matrem sine teste alloqui in via liceret, quæ, ubi aurem filio admo-

visset,

5

etate : etenim incidit in ea infesta tempora , quibus adhucdum efferata illa animorum divortia vige-
bant.

visset , tum illum mordicus matris nasum apprehensum avulsiſſe den-
tibus , atque in humum exſpuiſſe exclamantem : Sit hoc , cives , pre-
tium maternæ educationis . Discant igitur matres alia liberos ſuos bo-
nis artibus educare . Non Prætor , inquit , ſed mater mæ mea ducit
ad ſupplicium .

Binos alios tumulos reperio apud Pontanum pag. 3403. 3408.
quorum prior dicatus Materteræ , alter Sorori .

Tumulus Nellæ Materteræ .

Nec patria profugus puer , exſuſque bonorum ,

Nella , tibi aut tumulos , aut pia juſta dedi .

Nec pro blânditiis lacrymas , pro munere vita

Mortis dona tuo perſolui cineri .

Nella , vel affectus matris , vel manus obibas ,

Nulla mihi nutrix , Nellaque mater eras :

Nunc procul a patria ſenior jam dona feretri ,

Et juſta , & cineri debita perſolvo ,

Æternum mihi , Nella , vale , ac requieſce ſepulcro ,

Et valeant cineres , & mihi mater ave .

Tumulus Pentheſileæ Sororis .

Septennem te fata , ſoror , rapuere parenti ,

Dum tener in cunis ubere matris alor .

Non ſenſi tua fata , tamen conſueta petebam

Oſcula , conſuetos blanda per ora modos .

Sape ſinum , dulciſque jocos , teneroſque cachinnos ,

Et vultum , & gratis illita verba ſonis .

Sape etiam lacrymis , quod abes , & voce querebar ,

In ſomnis etiam ſape petita mihi .

Et riſi , quod ades , fleui , quod abire parabas ,

Uteraque ex ipſo reppulit ore dolor .

Senſerat hoc nutrix , fingit vocem ipſa ſororis .

Admovit repetens ubera ad ora mihi .

Non potui ſoror in cunis præſtare ſepulta ,

Nunc titulum , & lacrymas , verbaque fratris habe .

Sparge , puer ; viola tumulum : diffundite nardum ,

Fumet odorato myrrhæque , thuſque rogo .

Accipeque & lacrymas fratris , ſoror , accipe queſtus ,

Atque etiam , atque etiam , Pentheſilea , vale .

Præter hanc ſororem , aliam habuit Joannes Pontanus , cujus nomen
latet , qua de ait in *de Liberalitate* tom. 1. pag. 105. Nos ipſi ta-
menſi tenues homunciones , licet inter tantos viros , qui numeremur in-
digni

bant (a). Hac in seditione pater interficitur (b); at sedula matris cura, quæ quatuor, & viginti annos orbara viro fuit (c), ab insidiis, atque adversarum partium immanitate subreptus Joannes Perusium confugit (d). Hac in urbe prima litterarum lineamenta duxit (e) sub perquam optimæ Matris sollertia, quæ inter cetera ei recte casteque loquendi normas, præter morum honestatem, tradere adlaborabat (f). Gram-
mati-

digni, prædiorum, fortunarumque avitarum, totiusque paterna rei usum, atque possessionem sorori nostræ permisimus, consenti bonis iis, quæ Neapoli, atque in Campania labore, industriaque nostra comparassemus.

(a) Pontanus *de Liberalitate* tom. 1. pag. 109.

(b) Ne verbum quidem ullum reperire est in Pontani operibus de patre interfecto, at tamen non e re esse putavi adhærere opinioni cl. viror. Tristani Caraccioli in MS. Paulli Jovii *Elog. Viror. litteris illustr.* pag. 60. Gerardi Vossii *de Historicis Latin.* lib. III. pag. 607. & Henrici Wharton in *Append. ad Histor. Litter. Guilelmi Cave* pag. 187.

(c) Pontanus lib. III. *de Obedientia* tom. 1. pag. 22.

(d) Tristanus Caracciolus in MS.

(e) Pontanus lib. V. *de Sermone* tom. 2. pag. 238. Tristanus Caracciolus ibidem.

Scholæ Perusinae, in primis Academia, humanioribus litteris, atque omnium disciplinarum studiis semper florere: videtis præ ceteris Ughellium in *Append. tom. 1. pag. 67. Romæ 1644.* & Jacobum Middendorpium *de Academiis universi perarum orbis* lib. III. pag. 468. Coloniz 1583.

(f) Talia seræ posteritati mandat Pontanus Lib. II. *Tumulus* pag. 3409. ob grati animi significationem in matrem, cujus in sinu, & indulgentia optime educatus per omnem honestarum artium cultum pueritiam transegit.

Tumulus Christianæ matris.

Optabant tibi, Christiana, Musa

Ad bustum bene, nec mihi negabunt

Ad matris tumulos adesse fœnti.

Hos, lacris precium tibi quotannis,

Ex voto lacrymas, parens, dicamus.

Hos questus tibi pro labore, & assu,

Pro puerperii damus dolore,

Pro casta simul institutione,

Pro

maticam doctus ab Vido Thrasimeno, quem ipse *apprime excultum* salutat, deque ejus valetudine rem sane novam, ac lepidam memoriæ tradit (a). Sed mater Christiana de parva Pontani ætate, ejusque institutione studiosa ac sollicita, cum sciret quotidie ceteris condiscipulis palmam eripere, prudenti sane consilio hilares muliebres motus virili quadam fortitudine comprimebat, & simulatione decora non extollere puerum coram adamabat, sed magis magisque cohortabatur filium ad perdiscenda grammatices præcepta (b). Atque isthæc studiorum semina tamquam in bonum solum injecta continuo lætissimam emittebant

*Pro lingua studiis, bonique cultu,
Et desiderium tui perenne,
Et suspiria pectoris vovemas
Cum luctu, gemitu, dolore, & æstu.
Nec Musa numeros negant querenti,
Quod vivis bene, quod Deos vereris,
Quod, castum colis, & probas modesta.
Hinc te Pierides puella amarunt,
Amavit Dea, virginum magistra,
Atque hinc te ad socios eburos vocarunt,
Inter quos agis, & beata ludis.*

(a) In Pontani operibus *de rebus Cælestibus* tom. 3. lib. VIII. post pag. 227. isthæc leguntur: *Vidus Thrasimenus grammaticus apprimè excultus, quæ tempestate illum audiebam, narrare solebat, graviterque etiam queri, se supra quatuor ac viginti annos quartana continenter laborasse, etsi continentissimis erat moribus, summaque sobrietate: & de Sermone* tom. 2. pag. 238. *Vidus grammaticus, quem ego adolescentulus Perusia audiui, senem jam retinentem tamen dignitatem institutore dignam. De ceteris Joannis præceptoribus nihil in medium afferre audeo, nec aliquid ab scriptoribus, atque MSS. colligere fatis fui.*

(b) Pontanus lib. VI. *de Sermone* tom. 2. pag. 248. *Mater mea Christiana de me admodum puero, cum esset sollicita, sciretque me assiduum agere apud grammaticum, primasque ferre inter condiscipulos partes, nec laudare coram vellet, alibi his adoriebatur: Quid, o fili, de te audio? quod hodie superatus e ludo discesseris in theatra Latinis verbis explicando: alibi, at ego mellinum tibi edulium paraveram, quod sperarem te victorem literaria e concertatione reditu-*
rum,

bant frugem : in eoque ætatis flore mira ingenii celeritas , & ubertas prodibat , lateque fulgebat erectæ virtutis indoles , ita ut , quanta luce , ac fama gentilem ; & domesticam gloriam esset cumulaturus , quisque jam portenderet. (a).

In patriam iterum sese recepit , necdum sedatis rebus ; & dum clandestina non adhuc odia consenuerant . Inde , rei familiaris jactura facta , tot tantisque periculis , ac inopinatis casibus perterritus longe a patria denuo peregrinari cogitur . Sed ad fatis audax inceptum non sine magna ingenii laude ,
quod

rum , redis victus ? Quod igitur tibi paraveram , ad eum sum , qui te vicit , missura . His igitur , atque aliis mater gaudium dissimulabat , dum laudare puerum me coram omnino defugit , Socraticamque per dissimulationem hortabatur ad perdiscendas litteras . Ibidem pag. 241. Narrare quoque solita est Christiana mater , cum noctu adolescentulus lectitarem ad candelam , exstitisse patrem familias , cui gemini essent filii , morientemque illum , tum supellestem multam illis reliquisse , tum olei non mediocrem summam , quo nocturna uterentur ad opera , tenebrasque exigilandas ; alterum itaque ex iis in conviviiis , ac cœnis oleum consumpsisse , exque eo brevi in inopiam redactum : alterum vero dedisse operam litteris , oleoque nocturnis in lectionibus usus quum esset , pervenisse ex eo ad summas divitias ; ceptum igitur cantari per urbem de utroque hujuscemodi carmen : HIC OLEUM , ET SE PERDIT , DUM AD CANDELAS COENITAT : ILLE ARCAM , ET SE DITAT , DUM AD LUCERNAS LECTITAT . Ejusmodi igitur fabellæ cum sint ad bonos mores instituta , atque ad recreandos animos , & delectare debent , & prodesse . Quanto novam , liberalemque ingenii artem mater excogitarat , qua institueret filium ad gloriam omni quidem ævo duraturam ! Exemplum dives , quod utinam hujus inficeti sæculi parentes sectentur .

(a) Haud ambigere quimus , quin Pontani familia & antiquitate generis , & majorum gloria floruerit : vide inter alios , quos hic brevitatis ergo posthabere pretium est , Petrum Summontium *Epist. prælim. lib. I. de Prudentia tom. 1. post pag. 146.* & Henricum Wharton loc. paullo ante recit. Hæc enim familia illustrium Heroum feracitate perquam illustris ; inter horum album Ludovicus Pontanus merito accensendus , sui temporis Jurisconsultorum alpha , qui diem obiit , cum adesset concilio Basileæ ann. 1439.

habi-

quod ad majora adolescentem urgebat, perficiendum aggredi constituit. Joannes enim ad Alphonsum Neapolitanorum Regem in Etruriam adversus Florentinos bella gerentem iter perrexit, quem inaudiverat ingeniorum æstimatorem, & litterarum tutelam (a); quocum non multo post Neapolim venit (b). Ipse mox in gravem morbum incidit; verum Julius Fortis Messanensis (c), qui ab Alphonfi Regis censu, &

a ra-

habito, & Octavius, sive Octavianus Pontanus, qui legatus missus est Basileam Summo Pont. Pio II. atque denatus ann. 1460. qui, si plus vitæ datum esset, in amplissimum Cardinalium collegium coopatus fuisset, hujus rei fundum do Apostolum Zenum in *Vossian. Dissertationibus* Italice conscriptis tom.2. pag.174. Venet. 1753.

(a) Ubique gentium Alphonfi nomen de litteris optime merentis inicaluerat, ad quem ea fortasse fama ductus se contulit adolescens: *Alphonfus*, Pontanus *de Liberalitate* tom. 1. post pag. 109. adolescentulos quosdam cum intellexisset ob parentum inopiam, quibus cæperant disciplinis continuare operam non posse, eos in Galliam ulteriorem Parisios misit, pecunia statuta, quæ illis suo ex ærario suppeditaretur. Patrum, avorumque memoria clari quidam viri, alii Perusia, alii Paduæ prædia ab se emptia gymnasiis dedicaverunt, e quorum fortunis paupertas adolescentium sustentaretur, qui philosophiæ, aut civilis juris cognitioni operam darent. Nam aut beneficentius, aut utilius excogitari liberalitatis genus potuit? Hoc autem quid est aliud, quam dare operam, ut multi semper sint, qui rerum civilium, ac naturæ perscrutationi vacent? quam nolle pati ob ignorantiam rerum cognitione dignarum caligare respublicas?

(b) Fallus est hic Tristhanus Caracciolus, dum in MS. scribit: *Venit ergo ad nos pene adolescens tenuissima in re a Perusio*; longe enim diversa habentur apud Pontanum lib.I. *de Prudentia* tom. 1. pag. 166. *Adolescentulus patria cedens propter civiles dissensiones, magna rei domesticæ jactura facta, ob adversariorum impotentiam ad Alphonsum me Regem in Etruriam contuli adversus Florentinos bellum gerentem, & cum illo haud multo post Neapolim*. A Perusio ergo Pontanus in patriam remigravit. At quonam anno ad nos venit, neutiquam exploratum est; aperte tamen constat non ante primum & vigesimum ejus ætatis annum; prælium enim inter Alphonsum, & Florentinos contigit ann. 1447. Ammiratus *hislor. Florent.* Italice scripta lib.XXII. tom.2. p.2. pag.53. Florent. 1641.

(c) Pontanus tamen in *de Liberalitate* tom. 1. pag. 109. habet,

B

Maf-

a rationibus erat , adeo Pontanum coluit , ac tutatus est , ut adolescentulo , cui angustior supellex tunc erat , eo quod ingenium dives , ac erectam indolem ad maxima quæque pronam demirabatur , omnem opem , ac pecunias suffecerit : hinc fortunam , quam deinde subiit amplissimam , magnam partem Julio acceptam referre opus est (a).

Eadem tempestate Antonius cognomento Panormita floruit (b), vir præcellentis ingenii , consiliique , quare apud Regem Alphonsum gratia , & dignitate pollebat plurima , qui utpote bonarum artium , & litterarum amantissimus , Pontani indolis felicitate illectus est , & nativa potissimum in pangendis versibus gratia , quibus mirum in modum Panormita delectabatur : & jam tum , quantus futurus esset vates Joannes , augurabatur ; quare apud eruditissimos viros se in eo egregiæ virtutis semina intueri sæpe prædicabat .

Quo

Massanensis , at typographi noxa factum : legendum est enim *Messanensis* ; sane Caracciolus de Julio Forte in MS. affirmat : Cum esset Siculus , ejusdemque Antonii (Panormitæ) conterraneus .

(a) Pontanus de *Liberalitate* tom. i. pag. 109. *Adolescentes quoque , quorum angustiores sunt res , & in quibus ingenii vis , & indoles aliqua ad virtutem præluceat , pecuniis sustentare vel in primis commendandum videtur . Quid enim vel privatim beneficentius fieri potest , quam vadamem ad virtutes viatico suo juvare ? aut publice utilius , quam sua pecunia , suæque opera id prestare , ne natura bona hominum ope destituta pereant ?*

(b) Antonius Bonania , verba sunt Mongitoris in *Bibliotheca Sicula* tom. i. pag. 55. Panormi 1708. *passim Antonius Panormita dictus , ex nobilissima Beccadelli familia ortus , quam Panormi Bononiam dicimus , ex quo e Bononiensi urbe originem traxit : antonomastice Panormita vocatus a patria Panormo , ubi natus , quod immurmeri testantur auctores . Reliqua , quæ ad Panormitam pertinent , libens prætereo , nam carissimus ex fratribus meis germanis primus Andreas brevi publica luce donabit Antonii Panormita Vitam .*

Quo factum est, ut Julius Fortis, qui Pontano indigenti alias benigne fecerat, hortatu Panormitæ penes se detinuerit, eique munifice vestes, victumque præbuerit (a). Inde nobilis inter æquales coepit ferri, & longe clarius exsplendescere, quam ceteri æquo animo tolerare possent, nam tantam artium bonarum studiis præstitit operam, ut annos natus vix quatuor & viginti, etiam inter senes, eosque, qui in litteris consueverant, judicaretur excellere (b).

Interim Alphonsus Rex an. 1451. ad Venetorum Senatum oratorem misit Panormitam, qui itineris comitem Pontanum adhuc ætate florentem (c), annos nimirum quinque & viginti natum sibi adjunxit. Hujus legationis finis subdubius, an cum Venetis foedus ferendi gratia, an Liviani corporis partem ab eisdem efflagitandi, cujus Historici amore Rex mire æstuabat. Joannes

(a) Procul dubio longe a vero abludit Tristanus Caracciolus dum adstruit cura, & opera Panormitæ in amicitiam Fortis Pontanum venisse, cum statim ac Neapolim advenit, Julio Forti innotuerit, quin in sat affectissima valetudine ab eo opem ac suppetias habuit: perquam aperta sunt Pontani verba de *Liberalitate* tom. 1. pag. 109. *Neapolim cum venissem, gravi morbo correptus, ita quidem a Julio Forte Messanensi, qui Alphonsi Regis censui, rationibusque præpositus erat, adjutus, ac sublevatus sum, &c.* Jure igitur in animum induxi, ut scriberem: Quo factum est, &c.

(b) Pontanus de *Prudentia* tom. 1. pag. 166.

(c) Tristanus Caracciolus, qui hæc narrat, minime tradit, quæ potiori ex causa ad Venetos legatus fuerit Ant. Panormita. Credat quivis, non ego, Panormitanæ legationis causam, ut Livii corporis *Asiæ-Lavor* a Venetis exponeret, quamquam hoc commentum nitatur duorum virorum testimonio: quorum alter est Philippus Thomasinus in *T. Livii vita* pag. 72. Amstelæd. 1670. ubi asserit Alphonsum Regem ad Venetos misisse Panormitam, quos verbis suis deposceret T. Livii corporis partem, eumque Patavinos cives brachio Romani Historici donasse, quod honorifice a Rege acceptum fuit; at dum animo meditabatur exstruere regia munificentia cimeliarchium, diem obiisse, & brachium acquisivisse Panormitam, quod deinceps Pontanum

nes ubique civitatum, quas adibat, ingentem eruditionis, ac doctrinæ famam colligebat, eratque ob suavissimam animi indolem perquam omnibus gratus, quin in dies, longeque gentium inclaruit Pontani nomen: quod statim Florentiam urbem, quam ob ingenuarum artium domicilium Italiæ Athenas dixeris, pervolavit, atque omnium civium ore Pontani laudes publice, privatimque effundebantur: cum primis Cosma Medices

num sibi comparasse, ab eoque compositum in urnula, & hac inscriptione decoratum: T. LIVII HISTORICI BRACHIUM QUOD OLIM ANTONIUS PANORMITA A PATAVINIS IMPETRAVERAT JO. JOVIANNUS PONTANUS MULTOS POST ANNOS CONDIDIT. Alter Laurentius Schraderus Halberstadien. Saxon. in lib. *Monumentorum Italiae, qua hoc nostro seculo, & a Christianis posita sunt*, post pag. 231. Helmæstad. 1592. libentissime adstruit se αὐτόπτην in sacra Pontani æde hanc ipsam epigraphen legisse, at extrema verba parum immutata profert, MULTOS POST ANNOS HOC IN LOCO PONENDUM CURAVIT. Verum horum exterorum scriptorum biga facile sibi imponi passa est, & quantis eorum opinio urgeatur difficultatibus, (ne eam turpi mendacio incusem,) cuique dignoscere proclive est, ac expeditum; multus essem, si tantæ hallucinationis argumenta attexerem; sed isthæc meus germanus in *vita Antonii Panormita* me monuit se collegisse, queis porro exploderet hanc fabellam.

Ceterum, præterquam quod nusquam suorum voluminum Pontanus hujus Liviani brachii commemorat, in hujus inscriptionis verbis nihil quidquam nativi Joannis nostri leporis inest, Antonius ipse Panormita in lib. *De dictis, & factis, &c.* licet bene multa aggerat de ingenti, perditoque studio Alphonsi Regis in Livium, atque in *epist. Campanarum* 45. ad eundem Regem Florentiæ scripta jam Veneta legatione functus, de Livii elegantissimo volumine, quod magno venibat, 120. aureorum scilicet pretio: in binis hisce laudatis locis, quod maxime intererat, miro silentio hoc de Livii brachio usus est. Sed cur his immoror, quando ipse Panormita legationis causam clare indicat, aperitque? hæc enim habet *epist. Campanar.* 40. quam Alphonso Regi miserat: *Peracta sunt jam omnia, ni fallor, cum fide, & diligentia, qua Venetiis, & alibi a me effici debuerunt ex mandato Celsitudinis tuæ. Perstat quidem Princeps iste, & Senatus in proposito suo, pacemque expetunt potius, quam bellum.* Idipsum ait alia in epistola ad Paschalem Venetorum Ducem, quæ legitur in volum. *epistolar. Regis Ferdinandi, & alior.*

pag.

ces (a), vir gravis annis, & auctoritate pollens, ob res etiam domi, militiæque gestas clarissimus, nec minori litterarum gloria nobilis, cum lætiffisset Joannis versus, quos in Venetos luserat, asserere nil veritus est, hunc juvenem tantum famæ, ac laudis affecuturum, quantum ei merito post attribuit longa doctissimorum virorum posteritas. Cum autem a legatione Panormita Neapolim repetisset, Pontanum numquam a se dimisit, captus & humanitate viri, & doctrina, quem tanti faciebat, ut benigne volumen illud, *de dictis, & factis Alphonsi Regis Aragonum*, largitus sit (b). Præterea Panormita jam senior sciscitantibus amicis de re litteraria, ITE AD JOVIANUM, continuo reponebat (c).

At

pag. 310. Hujuscemodi fœdus inter vos, & Alphonsum istum est, me, & Ludovico Magistro Muntesiæ Oratoribus, ac Regiis Procuratoribus in ista præclarissima civitate vestra.

(a) Male *Mediceus*, ut non pauci opinantur; *Medices*, & *Medicus* legitur apud Scriptores οὐρχιδης, quorum luculentiores editiones revolvere mihi cordi fuit. Aretinus præfatione in Dialog. de præstantia sui avi, scribit, *Ad clarissimum virum Cosmam Medicem*; & pag. 38. Igitur ex Medicorum familia insigni Cosma Joannis filius ætate nostra vir admirabilis prodiit; & Verinus poeta, dum agit de origine familiæ Medicorum, canit.

. . . . Ex Appennino, celsaque ex arce Magelli
Nobilitas Medicum Thuscæ descendit in urbem.

(b) Apostolus Zenus Voss. dissertation. tom. 1. pag. 307. verba refert MS. Petri Cennini: *Quisquis* (loquitur de opere Panormitæ) hunc libellum aut viderit, aut legerit, sciat emendatum esse, atque ab eo suppletum, & transcriptum exemplari, quod Antonius ipse Panormita genere Siculus, operis auctor, dono dedit Joanni, seu potius Joviano, sic enim mavult appellari, Pontano Umbro viro doctissimo.

(c) Pontanus de Sermone lib. VI. post pag. 247. Antonius Panormita, qui oblitteratam, nedum languescens in Italia Poeticam restituit in antiquam pene formam; cum a studiosis per sæpe hominibus de perveteri, dubitataque sive Poeta aliqua, sive Oratoris interrogaretur sententia, quadam etiam cum frontis hilaritudine, ac si memoria diffideret, Ite (respondebat) ad Jovianum, adeo etiam senex, & primarius vir in Alphonsi Regis aula.

At Pontanus his honorum significationibus nil elati de semet cogitabat, sed in amicorum consuetudine, quibus florebat plurimis, eadem animi mente utebatur, juxta ac si esset iis ingenii dotibus, & summorum virorum gratia desertissimus. Verum ejus familiarissimi his moribus tanta moderatione temperatis tracti mutuis studiis ipsum dignitatibus, atque honestissimis muneribus amplificandum allaborabant. Hinc factum, ut Maximus (a) Pontanum delegerit, quo ab epistolis uteretur: atque cum de ejus admiranda ingenii vi, virtutisque præstantia magis magisque increbresceret rumor, Antonius Ulcinus Celtiber, qui publicum munus (b) ab secretis epistolis explebat, Regi Alphonso cum primis carus, earumdem scribendarum socium acciverit: mox omne muneris sui opus lubens Pontano imposuit, qui ejus officii partes ita exsequi curavit, ut propediem omnes ea in re longa experientia viros subactissimos superaverit. Interea, si quid sibi temporis ab ea officii cura suppeteret, studiis litterarum impendebat; cum sollemne ei esset effari, se *nescire manum de tabula* (c). Neque ei dies occiderat, quin in ligata, vel soluta oratione aliquid scriberet; hinc harum lucubrationum Attica dulcedine eruditissimi quique omnes capti ad eum confluebant; atque sæpe privatim invisebant *enarrantem poetas, & historicos plerique decuriones, & nobilitatis principes viri* (d).

Ejus

(a) De *Maximo*, præter nomen, cetera nos omnino latent, cum id solummodo meminit Tristanus Caracciolus: *In contubernium Maximi ab epistolis assisti curarunt* (amici).

(b) Quodnam fuerit hujus Ulcinii munus, paucis hisce verbis nobis aperit Tristanus ibidem: *Rescriptiones epistolarum, aliaque illi ministerio decencia injungere perseveravit* (Antonius Ulcinus Pontano).

(c) Lilius Gregorius Gyraldus *Dialog. 1. Poet. suorum tempor.* pag. 523. Lugd. Batav. 1696.

(d) Tristanus Caracciolus in MS.

Ejus doctrinæ celebritas eo increbuit, ut Alphonſus Rex ſibi apprime conſulere exiſtimaverit, dum ex bene multis viris, quibus ætas illa florebat doctiſſimis, Pontanum optavit, qui Carolum Navarium (a) adoleſcentulum, fratris filium inſtitueret, atque erudiret. In hujus aula Regis erat quidam Petrus Torilla, penes quem totius regiæ familiæ regimen, & poteſtas, Navarii adoleſcentis morum cuſtos, & formator, vir ſat tenax ſententiæ, difficillimaque natura: at Pontanus perquam gnarus idonei ad agendum temporis, ad arbitrium iſtius aſperſimi viri ſe effinxit, & ſine ulla offenſione ſummam illius benevolentiam ſtudit retinere. Sed an. 1458. Alphonſo Rege e vivis ſublato, neceſſe fuit, ut Navarius in Celtiberiam rediret, ubi ejus pater Joannes degebat. Præceptoris cura liber Pontanus animum applicuit ad conſcribendarum epiſtolarum opus apud Antonium Ulcinium Celtiberum, quod non omnino interea temporis intermiſerat: quin & in adventu Hippolytæ Sfortiæ, quæ Alphonſi Ducis Calabriæ uxor fuit, inter eos, qui a ſecretis epiſtolis erant, primas obtinuit. Atque Antonellus Petrucius (b), vir multiformis fortunæ, qui tunc apud Regem pollebat pluri-

(a) Miror maxime, cur Triſtanus Navarium hunc in MS. Joannem appellarit, cum omnibus exploratum ſit non Joannis, ſed Caroli ei nomen inditum fuiſſe. Videſis Jacobum Wilhel mum Im-hof *Hiſt. Italia, & Hiſpania genealogica* pag. 64. Norimbergæ 1701. & *Chronica MSS. Italice* lib. 8. in fin. quæ exſtant in biblioth. Marchionis de Sarno parentis mei.

(b) Iſte ex infima fortuna ad ſummum honorum gradum evectus fuit, quem *Principem divitiarum* appellare nil dubitat Panormita in *epiſt. ad Petrum Compatrem*, quæ exſtat in vol. *epiſtolar. Regis Ferdinandi*, & *alior.* pag. 417. At demum ob Majeſtatis crimen capital fuit, eique collum ferro diſſectum. Qui de Petrucio plura optat., Camillum Tutinum conſulat in lib. *de Varietate Fortune* pag. 80. Italice conſcripto.

rimum, & rerum summam, ac consiliorum moderabatur, tanti Pontanum ducebat, ut in affatim arduis regni negotiis ejus mentis sententiam expeteret, quam expeditissimam, ac sapienter omnia explanata, ac saluberrima nanciscebatur (a).

Ferdinandus Rex, qui & virtutis, & eruditionis Pontani tot argumenta jampridem perceperat, ac ingenium ad optima quæque paratissimum, (Panormitæ enim opera (b), qui ipsum ab adolescentia juvit, coluitque, hujus Principis domum adiit, atque gratiam demeritus est), Alphonsum ei instituendum tradidit, & in rerum administratione a secretis delegit (c); hoc enim magistro, ac duce filium procul dubio magnum fore Principem sperabat pater. Hisce binis amplissimis muniis in Regis aula Joannes floruit, quem jam perfectissimam ejus virtus ad honestiora decora urgebat, quæ quidem ipse numquam appetiit, cum ei ultro paterent.

Sequenti anno bellum inter Joannem Andegavensem, Regemque Ferdinandum Alphonfi filium exarsit: hic, eo quod Pontanum noverat vigilem, sagacemque, secum in castra tulit: & quoniam sollertissima ingenia, & ad maxima quæque nata quovis in munere valent, & vigent, sicuti domi Joannes egregia virtutis specimina dederat, ita militiæ partes suas ea ratione implevit, ut unus inter omnes emicuerit: quamquam, uti ipse testatur, eo in bello gravissimos labores, atque
æru-

(a) Apud eundem Caracciolum isthæc omnia.

(b) Henricus Wharton *in append. ad histor. litter. Guilelmi Cave* pag. 187.

(c) Pontanus *de Fortitudine* lib. I. post pag. 49. Franciscus Asulanus *in epist. ad Averoldum Presulem Polensem*. Raphael Volaterranus *Paralipom.* lib. 38. post pag. 457. Basileæ 1544. Henricus Wharton *ibid.* & Apostolus Zenus tom. 2. pag. 175.

ærumas maximas percellus sit (a), quas quidem vir summus, fortasse honestatis ergo, silentio præterit: in castris semper non parum probitatis, ac fidei desideratum est. Eo tempore in Trojæ Apuliæ urbis obsidione, militibus regiis captandæ prædæ intentis, nam hostes turpi fuga castra deseruerant, obsessi occasionem nacti clam eruptione facta, parum abfuit, quin prælium restituerent: at Rex per Pontanum, quem secum ducebat, multa ab ducibus peragenda curavit; atque, restitutis ordinibus, impetum hostium fregit: utinam Jovianus, sicuti more suo tam acre bellum graphice descripsit, ita etiam ea consilia, easque curas nos edocuisset, quibus duces adjuvit, ac in illis arduis rebus consuluit (b). Sed non multo post, cum Arx Sancti Angeli juxta Sipontum se dedisset, missus est ab Rege cum præsidio Joannes, ut eandem reciperet cum thesauris in ea servatis: atque Principis jussu in castris commoratus est, quo ducibus adesset copiarum in administrandis rebus (c). Et licet sæpius ab hostibus captus, ab eis tamen summis honoribus affectus est, ut ipse fatetur, atque dimissus (d). At, quod maxime mirum, inter armorum strépitem, si quid paullulum supererat temporis, scriptioni, aut litterarum studio impendebat (e), ita ut Musæ viderentur ejus caræ comites, ac subsequentes. Hujus belli historiam sex in libris intexit, atque sine ulla gratiæ suspitione, aut similitudinis res gestæ ornate narrantur, estque oratio, uti

(a) Pontanus *de Prudentia* lib.I. tom. 1. pag. 166.

(b) idem *de Bello Neapolitano* lib.IV. pag. 298.

(c) idem *ibid.* lib.V. tom. 2. post pag. 307.

(d) idem *de Obedientia* lib. V. tom. 1. pag. 45.

(e) idem lib. I. *de Prudentia* tom. 1. pag. 166. ait. *Inter quæ tamen diutius versatus non pauca etiam scripsi.*

uti expetitur, tracta & fluens (a).

Cum revertisset Neapolim e castris Ferdinandus, adeo Pontanus increvit apud hunc Regem gratia, ut difficilioribus Regni negotiis explicandis ipsum præposuerit, perfectam quamdam maturitatem in ejus consiliis expertus. Sed, uti assolet, maximam fortunam, præsertim si non careat principis benevolentia, præmi invidia, Alphonsus ægerrime ferebat patrem in ardua quaque re Pontani sagacitate uti; quare contra tantum virum accusationes, ne dicam contumelias, ferere ausus est: at id facinus ingentem ejus animum haud flexit, at potius erexit: cumque illud munus recusandi æqua sibi ratio nondum videretur, majori diligentia, ac fide obire studuit famæ

(a) Pro re nata epistolam adnectam Petri Summontii, tom. 2. post pag. 251.

P. Summontius Reverendissimo, & Illustrissimo Francisco ex Picothomineis Aragonio Bisinianensi Episcopo S.

Historiam belli Neapolitani, quod Ferdinandus Aragonius cum Joanne Andegaviensi quondam gessit, ad te nunc mitto, Antistes optime, ita quidem nondum omnino expositam, ut scriptore ab ipso reliquam invenio. Leges autem hic egregias gentis tue laudes, utque Maximorum Pontificum lumen, secundus ille Pius tuus, ut innumerabiles alias taceam virtutes, regna etiam integra parare amicis consueverit. Is enim, mortuo Alphonso Rege, cum tantam illam procerum, ac populorum a Ferdinando ejus filio defectionem, qua sanctissimi patris equitas erat, fere jam non posset, ita Ferdinandi rebus favit, ut & bellum omne suis ipse præcipue auspiciis confecerit, & pacatum tandem ei tradiderit regnum. Quod vero ad historia fidem attinet, Pontanum scito singula hæc non rerum fama collegisse, non hinc, atque illinc emendicasse, sed interfuisse ipsum rebus fere omnibus. Nec est, quod miretur fortasse quispiam, novis eum agere interdum verbis, qualia sunt dignitatis illa, Comes, Marchio, Dux, Princeps, ceteraque rerum, ac locorum hujus temporis nomina, cum explicari aliter res ipsa non potuerint. Quam ille usurpationem licet necessario, atque consulto his temporibus ab ipso receptam, sæpe tamen, dum viveret, ut erat Latinitatis observantissimus, excusabat. Tu qua par est, in auctorem gratia munus hoc accipias, Pontanoque tuo, tuus enim dici jure potest, per quem tuum Picothomineum genus, tum vero
Rex

famæ suæ inferviens, ac reipublicæ commodis. Quoniam autem filii inelegantem indolem, patrisque indulgentiam noscitabat, in more ei erat dicere se contra criminationes illatas *maximum patronum* nactum esse: *quod Rex*, uti ipse de se narrat, *dictum vehementer admiratus*, scire ab eo cum pertenderet, *quinam is patronus esset*, PAUPERTATEM, o *Rex*, reposuit, *ea me adversus accusationes & tuebitur vestras*, & *liberum, absolutumque in judicio sistet* (a): quæ verba optarem, ut a quovis viro aulico sæpius revolverentur: interea demirabitur posteritas, quantum decus ea fidei integritate, ac frugalitate sibi quæsit Pontanus.

Sed temporis ratio postulat, ut sermo instituatur de Pontani Academia, cujus ingens rumor orbem afflavit. Paucis ante annis Alphonsus I. Neapolitanorum Rex, de litteris maxime meritis, in animum induxerat in principe hac urbe Academiam (b) instituendi, in eamque præclara quæque virorum capita, qui gloriæ stimulis incitantur, invitandi: idque oneris Antonio Panormitæ imposuit. Regis optatis is benigne paruit, certatumque est ab undique gentium eruditissimis hominibus, quibus ætas illa ab ingeniis, ac virtute felix florebat, huic consociationi nomen dare: quos inter accensus Pontanus, cum inter reliquos veluti grande sidus eluceret, paullo post primum locum obtinuit, & adhuc vivo Panormita, omnium sociorum suffragiis Academia præficitur. Eo in munere sapientissimas

con-

Rex magnus vobis affinitate conjunctus celebratur, debere ipse cum vobis nunquam desinas. Vale.

(a) Pontanus de *Magnanimitate* tom. I. post pag. 229.

(b) An isthæc Academia, post inventas bonas artes in Italiam, aut princeps fuerit, aut saltem inter primas accensenda, asserant alii, cum pigeat me ea de re quid certi eloqui, ne in patriam studio aliis civitatibus invidiam creem.

condidit leges (a), quibus tam illustris virorum coetus (b), in dies augesceret, atque in longum ævum vigere posset; interque ea scita illud adnumerandum, ut collegæ novum, ac elegantius nomen sibi apponerent, quæ-

(a) Bernardinus Tafurius in libello Italice conscripto *de scientiis, atque artibus*, &c. Neap. 1738. profert, quæ Antonius Galateus in epist. MS. ad Hieronymum Carbonem scripsit: *Academicam nostram, vivo adhuc illo sene Antonio Panormita, cui bonæ litteræ tantum debent, Pontanus legibus, ac institutis adornavit, & auxit*. Hinc falsus est Hyacinthus Christophorus, qui in anteloquio libelli *de Constructione Æquationum* adstruit, Academiam post Panormitæ obitum Pontanum alumnum instaurasse.

(b) Non tenue onus mihi subeundum fuit, quo Academicorum nomina colligerem, inque bonam feriem ad eorum memoriam & laudem dispescerem.

ANTONIUS PANORMITA ACADEMIÆ INSTITUTOR.

JOANNES PONTANUS ACADEMIÆ PRINCEPS.

Ægidius Viterbiensis, inde Cardinalis.

Alexander ab Alexandro patricius Neapolitanus.

Alphonſus Januarius Petri filius patricius Neap.

Andreas Contrarius Neap.

Andreas Matthæus Acquivivus Hadriensium Dux patricius Neap.

Angelus Colotius Bassus Ælinæ Urbis inde Episc. Nucerinus.

Antonius de Ferrariis vulgo Galateus Salentinus ex Galatanæ oppido.

Antonius Garlonius Allifarum dominus Neap.

Antonius Tebaldus Neap.

Aulus Pyrrus Cicada patricius Consentinus.

Bartholomæus Scala Florentinus.

Basilius Zanchius Bergomas.

Belyfarius Acquivivus Neriti Dux Andreæ frater patricius Neap.

Chariteus, cujus nomen ignoratur Neap.

Ferdinandus Havalus Marchio Pescariæ patricius Neap.

Franciscus Ælius Marchesius Salernitanus.

Franciscus Puccius Florentinus.

Franciscus Pudericus Henrici filius patricius Neap.

Gabriel Altilius Lucanus postea Episcopus Policastrensis.

Henricus Pudericus patricius Neap.

Hieronymus Angerianus Neap.

Hieronymus Borgia Neap. inde Episcopus Massæ Lubrensis.

Hieronymus Carbo patricius Neap.

Hieronymus Seripandus patricius Neap. dehinc Cardinalis.

Jacobus Latomus Belyensis.

Ja-

quasi si ab ceterorum hominum multitudine sejuncti
 unis litteris, ac sapientiæ studiis vacarent: idque in
 causa fuit, ut ipse in posterum salutatus sit JOVIANUS,
 & Jacobus Sannazarius ACTIUS SYNCERUS, ceteri-
 que

Jacobus Sadoletus Mutinensis deinde Cardinalis.
 Jacobus Sannazarius patricius Neap.
 Janus Anysius Neap.
 Joannes Albinus Venetus.
 Joannes Cotta Veronensis.
 Joannes Elysius Calentius Appulus ex Amphrasta oppido.
 Joannes Pardus Hispanus.
 Joannes Pierius Valerianus Bellunensis.
 Joannes Sangrius patricius Neap.
 Junianus Maggus sive Majus Neap. Sannazarii præceptor.
 Lucius Crassus Neap.
 Ludovicus Montaltus Syracusanus.
 M. Antonius Flaminus Forocornelienfis.
 M. Antonius Michaelius Venetus.
 Manilius Rhallus Græcus.
 Marinus Tomacellus patricius Neap.
 Maximus Corvinus Neap. inde Æterniensis Episcopus.
 Michael Marullus Tarchaniota.
 Nicolaus Grudius Rhotomagenfis.
 Paullus Præficius patricius Atellanus.
 Petrus Bembus Venetus inde Cardinalis.
 Petrus Gravina Panormitanus Canonicus Neap.
 Petrus Gulinus sive Compater Neap.
 Petrus Jacobus Januarius patricius Neap.
 Petrus Des Severinus patricius Neap.
 Petrus Summontius Neap.
 Rutilius Zeno Neap. deinceps Episcopus S. Marci.
 Scipio Capycius patricius Neap.
 Suardinus Suardus Bergomas.
 Thomas Fuscus Neap. postea Episcopus Cymeliensis.
 Trifstanus Caracciolus patricius Neap.
 Trojanus Cabanilius Montellæ Comes patricius Neap.

Hi sunt, quorum catalogum intexere allaboravi ex ope-
 ribus Joannis Pontani in suis *Dialogis*, Jacobi Sannazarii *Eleg.*
 in *Maledicos* lib. I. Paulli Jovii *elog. Virorum litteris illustr.* Lili
 Gregorii Gyraldi *Dialog. I. Poet. suorum tempor.* Hyacinthi Christo-
 phori ibid. Petri Jannonii tom. 3. lib. 28. pag. 474-75. Neap. 1723. &
 quamvis haud ulla mentio apud laudatos scriptores de Aulo Pyr-

que alio etiam nomine donati (a). Peccarem sane, si quosdam elegantes Academicorum mores præterirem. Adlecti siquidem novi focii caput corona ex lauro cingebatur, & ejus nomen omnium votis in albo inscribatur: inde convivio excipiebant, laudum carminibus novum illud cognomentum honestabant, eodemque salutabant; indictaque ei lege, ut in unaquaque litteraria congressione ea laurea uteretur (b): hos ritus deinceps quosdam etiam eruditorum coetus aliis in urbibus imitatos esse legimus.

Locum, quo conveniebant hi selectissimi viri, in nostræ hujus urbis parte celeberrima, atque in ipsis Pontanianis ædibus exstitisse certo novimus, inibi quæ porticus, horti
amoe-

ro Cicada, attamen haud temere adnumeravi inter eos, qui Pontanianam Academiam adornarunt, fretus auctoritate doctis. Marchionis Salvatoris Spiritei lib. de *Scriptoribus Consentinis* pag. 23. Neap. 1750. Italo sermone elaborato. De hisce viris Academicis, & de ipsa Academia historiam *sur Oup* me daturum spondeo.

(a) Joannes Pontanus Neapoli, ac Pomponius Lætus Romæ primi fuere, qui excogitarunt sollemnem morem nomina immutandi, qui adhibendus erat, cum quispiam inter doctissimorum hominum cœtum adscribendus esset, uti refert Ludovicus Castelvetrius in *poetica Aristotelis expositione* Italice conscripta pag. 198. & 99. Basil. 1581. Haud piget, quæ apud Paulum Jovium *elog. Pomponii Lati* pag. 12. exstant adjicere, qui scribit, hunc ritum ægre tulisse Paulum P. II. qui animum acuit in Pomponium, suosque socios Platinam, & Callimachum, qui *veterum ingeniorum illustria nomina sibi ipsis indiderant, quum in cœtu sodalium laureati Musas colerent. Qua novitate nominum Pontifex ... vehementer offendebar, quasi id esset occulte conjurantium tessera ad obeundum insigne facinus. Quin e Venetiis Romam pertractus Lætus ad dicendam causam fuit. Qui plura optat de his, consulat Bapt. Platinam de vitis Pontificum Rom.* pag. 259. Lovanii 1572.

(b) Federicus Ubaldinus in *vita Angeli Colotii Episcopi Nucerni* pag. 10. Rom. 1673. scribit. Primum lauro caput cingebatur, Academicorum mox suffragiis faventibus, nomen in album referebatur, deinde convivio exceptus, Academicis carmine novum cognomentum laudantibus, eodem salutabatur, conditione adjecta, ut lauream semper capite retineret inter Academicas exercitationes.

amoenissimi, & deambulatio, quæ eam regionis partem belle exhilarabant; nunc ob ædificiorum incrementa, ac rerum, & variorum dominorum vicissitudinem immutata omnia intueri est: & sæpe in ipso Pontani fanulo se collegisse socios satis superque constat (a). In elegantem contentionem ventum est, Lyceine, an Academiæ cognomento locus esset condecorandus; sed eos in Platonem religio, & hujus divini viri memoria, atque in Aristotelem philosophorum maximum officium ab utroque nomine deterruerunt (b). Et quidem in institutionis initio ad Antonii Panormitæ nominis blandimentum audit PORTICUS ANTONIANA (c); inde Pontano primas regente, ab omnibus PONTANI ACADEMIA vocitata. Quoniam Panormita modo erga tam illustrem cœtum se gesserit, & quale eruditionis suæ specimen dederit, prostat nobis insigne documentum; scilicet multa ipse dicere aggressus, plura quidem ab aliis sciscitabatur, quam doceret; solitus præter hæc differentes severitate quadam Socratica irridere: interea auditores domos redibant nihil certi eorum, quæ in quæstionibus agitabantur (d). Contra Pontanus suo

(a) Pontanus *de Prudentia* lib. I. tom. 1. pag. 147. ait: *Senes tamen sumus, philosophamurque, & quidem cum paucis, ac nunc domestica in porticu, nunc fanulo in hoc, deambulationeque; & Alexander ab Alexandro præcipuus Pontani cultor Dierum Genialium cap. 1. pag. 1. Arcesebat, inquit, plerumque nos in hortos amænissimos, ubi adiculas habebat Jovianus Pontanus in nostra Parthenope. Ex hisce omnibus evidenter colligitur falsum, quod nonnulli asserere non dubitarunt locum Academiæ fuisse domum quamdam Pontani, ad quam se rusticandi causâ conferebat.*

(b) Pontanus ibidem: *Ne Lyceum tamen appellaremus, tanti viri memoria nos deterruit, quodque etsi nequaquam in Academia, &c.*

(c) Idem in *Dialogo Antonius* tom. 2. pag. 68.

(d) Idem ibid. *Ipsam autem Antonium, quamquam multa dicit,*

fuo dicendi lepore, & eruditionis maturitate socios ita illiciebat, ac intentos detinebat, ut sæpe per omnem diem loquentem ipsum hilariter exciperent (a). Argumenta differendi in Academia non solum ab veterum Græcorum disciplinis, verum & ab Latinorum penu desumpta (b), nam cuiusque facultatis summos viros in ea adscriptos novimus ex historia, eorumque præconia passim lectitare est (c). Agebant sane *verecunde*, & *parce*, nec tam *argute*, *examinatèque*, quam *aperte*, atque *experienter* (d). Quantum ab ea hominum societate emolumenti in rem litterarum publicam invectum sit, is unus ignorat, qui Pontani nomen nondum audiit.

Cum autem seipse omnino Musis despondisset, nunquam de uxore ducenda cogitarat, ratus libero lectulo nihil jucundius: & fortasse animi menti obversabatur effatum Henrici Puderici ex patriciis Neapolitanis; hic ad amici nuptias accitus comitem optavit Pon-

plura tamen sciscitari, quam docere solitum: nec sane probare, quæ dicantur, quam Socratico quodam more irridere differentes. Auditores vero ipsos magis voluptatis cuiusdam eorum, quæ a se dicantur, ple-nos in domos dimittere, quam certos rerum earum, quæ in questione versentur.

(a) Teste Alexandro ab Alexandro loco laudato ingentis famæ, & doctrinæ viro, a quo laudari in lucro ponendum: Illoque conveniendamus compluribus, quibus bonarum artium studia, eademque disciplina, atque non absimilis discendi facultas erat. Detinebat, demulcebatque nos vir ille sancti dulcissimus, egregia quadam, & illustri oratione, sermoneque perquam lepido, & venusto, totos plerumque dies: tantum in eo comitas, tantusque lepos erat.

(b) Pontanus de Prudentia lib. 2. post pag. 147.

(c) Isthæc leguntur apud Hyacinthum Christophorum ibidem: Ex qua (Academia) literati viri velut ex equo Trojano exeuntes, undique bonas artes propagarunt, adeo ut per eam Poesis, Rhetorica, Historia, Jurisprudentia, Grammatica, Critica, & deinceps Philosophia, Medicina, Geometria, Astronomia, ceteraque liberales discipline perfectiores, & cultiores evaserint.

(d) Pontanus ibid.

Pontanum : at Pontano interroganti, cur socio indigeret, reposuit Pudericus, *nolo solus in amici funus prodire* (a). Id consilii ad extremum usque ætatis retinisset, nisi domestica quies, & solitudo tunc temporis sat molesta ad connubium impulissent: hinc amicis postulanti- bus, cur nuptiarum onus tandem subiisset, a quo semper abhorruis, respondit, ne iterum sub cura cujusdam pueri, quem ipse alebat, ægrotaret (b). Qua de re an. 1461. filiam Elissæ Agnesæ summæ virtutis matronæ, quam ipsemet Pontanus sanctissimam appellat (c), Adrianam, vel Ariadnam Saxonam uxorem sibi delegit patricii Neapolitani generis adolescentulam annos septemdecim natam, formæ elegantia nobilem, atque moribus integerrimam (d), præter opulentissimam dotem, quam viro largita est (e): de ejus integritate morum, & elegantia jampridem erat certior Joannes, cum nimirum Navarium institueret: quin & Rex Alphonsus I. paucis ante annis Pontano ipsi commendaverat (f). Ab ea quatuor suscepit filios Lucium Franciscum, Luciam Martiam, Aureliam Domitillam, atque Eugeniam (g). Quam ardenti studio

(a) Pontanus *de Obedientia* lib. II. tom. 1. pag. 21.

(b) Tristanus Caracciolus in MS. scribit: *Poscentibus amicis, cur quod diu obstinate abnuerat, nunc tam repente aggrediretur, respondit, ne iterum sub cura Joannis (puer is erat, quem alebat) ægrotaret.*

(c) Pontanus *de amore conjugali* lib. I. pag. 3323. Huic Elissæ inscripsit Pontanus tumulum, qui existat *Tumulus*. lib. II. pag. 3402.

(d) Tristanus in MS.

(e) Paullus Jovius *elog. Pontani* pag. 60.

(f) Tristanus ibid.

(g) Raphael Volaterranus *Paralipom.* lib. 38. post pag. 457. ait de Pontano: *Prole infornatus; unicum enim habuit, cumque ad litteras indocilem, cui etiam superstes fuit.*

Adscribere quidam inter Pontani filios Philippum Pontanum, attamen in universis operibus numquam ejus meminit Joannes,

dio in familiæ suæ cultum, honestatemque flagra-
verit Jovianus, multis verbis præstare potis essem:
attamen satis testium mihi visum est versuum partem
inferne adscribere (a), quos reperies veteribus, ac salu-
berrimis monitis refertos, tantaque venustate affluentes,
ut quisque dignos reputet dubio procul, ut iterato le-
gantur; quæ quidem monita absens ipse impense u-
xoris animo ingerit, inculcatque. Oritur siquidem,
uti

cum ceteros natos oblitus non sit. Quin & Philippus in supremis
suis tabulis, quarum exemplar in publico Archiepiscopii tabulario
in Volumine Visitat. Card. Josephi Spinelli servatur, & non semel
Joannis Pontani nomen indicat, verum numquam eundem patrem
salutat. Sed quid multis, quando ipse Pontanus *Eridani* lib. II. pag.
3620: cum Adriana mortua, conquerens de Lucii filii obitu, canit:

Non heres mihi, non nostro qui sanguine crescat,

Quique suum blanda voce salutet avum....

Non spes ventura prolis: tuque, o mea conjux,

His succurre malis, & mea damna leva.

Lubens quivis mecum conjurat Philippum non Joannis natum,
sed gentilem fuisse, & fortasse patrem habuisse Thomam, vel Jaco-
bum Pontanum, qui in subscribendis Regiis diplomatibus Joann-
is absentis vices implebat; non una enim id genus diplomata in
R. Cameræ Archivo visuntur adhuc. At quoniam ipse Jacobus co-
gnationis, vel agnationis gradu Joannem attigerit, ignotum; ve-
rum de Thoma Pontano isthæc illeivit Jovianus lib. de *Principe* tom.
1. post pag. 87. *Thomas Pontanus gentilis meus, vir doctrina, & mul-*
tarum rerum usu clarus; quem discere solitum accepi, urbium, regno-
rumque pestem esse ambitionem. At id unum nobis exploratum est
sacræ Joannis Ædis heredem scriptum fuisse Philippum, qui inde
suo testamento cavuit, ut quidquid ad illius Ædis cultum necessum
esset, nam se ad id ab Joviano adstrictum noverat, perficeretur.

(a) Pontanus de *Amore conjugali* lib. I. pag. 3331.

Sed tamen, ut partesque meas, & jura tuerer,

Neve absens videar non memor esse domus,

Hæc obeunda tibi constanti pectore mando,

Officii quæ sint munera certa tui.

Primus bonos, pietasque Deo, templisque dicatis:

Hoc primum discant pignora nostra, vide.

Templa adeant caste, castisque piiissima votis

Dona ferant, gaudet simplicitate Deus.

Tum

uti par æquumque est, ab in rem divinam sollerti cura: inde qui animi cultus tuendus, qui corporis non fucatus nitor, edicit: quæ domesticæ adolescentularum ingenuarum exercendæ industriæ, quænam vitanda consuetudo, ac libertas: neque præterit, quo pacto etiam bonitas valetudinis servaretur. Hac sane diligentia, indulgentiaque parens absentia suæ, ac pueritiæ liberorum consulebat, hocce præceptorum firmissimo præsidio munie-

*Tum colere antiquas artes; maternaque iussa,
Atque agili discant carpere pensa manu.
In digitis acus, ante pedes intexta quasi
Viminaque, & fuso flamina torta levi....
Dum tenera est ætas, dum mens patiensque magistri,
Tum proprias artes quisque docendus erit.
Ergo dum molles animi, nunc imprime, mater,
Quæ pietas; quæ lex, fasque, pudorque jubet....
Nos pudor ac probitas, nos vita ruga severa,
Nos labor infomnis, mensaque parca decet.
Ocia nequitiam suadent, dat luxur amor.
Fomenta, in venerem, sæve Lyæe, rapis.
Dicitur & fontes, fontanaque namina amasse,
Quæ Dea tutelam virginittatis habet.
Laneos latisses odisse, & pocula Bacchi,
Pocula virginibus perniciofa suis....
Corrumpunt male dicta animum, moresque verendos,
In veros sensus sæpe abiere joci.
Lascivos igitur cætus, lascivaque verba
Pignoribus nostris rite cavenda vide....
Templa pudicitiam maculant, ni rite peractis
Rebus abis, templi noxia sæpe mora est.
Rustica nec mihi sit, nec sit mihi blanda puella.
Quamquam rusticitas labe vacare potest.
Blanda prociæ facile est, & amata ad ludricæ velox
Sit procul, o procul, o blanda prociæque mihi.
Non quales ageret, didicit numerosa choreas,
Sed quos exigeret Laodamia coles....
Est oris quoque lex; est & sua cura capillo,
Quam tenuisse decet, præteruisse nefas....
Ante Helenam nulla crines emere puella.
Troja docet, quantum non sua forma nocet.*

Nec

niebat: non veritus, quin omnia optatis suis responderent, quando noverat, & matris operam, fidelitatemque, & nihil esse filiis suis amabilius, quam imperium, ac nomen maternum.

Præ ceteris natis, quanto maximo amore Pontanus Lucium Franciscum complexus sit, testes divites sunt nativa elegantia plena illa carmina *Neniæ* inscripta, quorum exemplar ante Pontanum prorsus ignotum, atque eorum ipsum *εὐπερῆσαι* juratus quisque salutet (a). Is Lucius uxorem habuit, cujus nomen nos latet: ab eaque Tranquillam suscepit puellam suavissimam, quacum lufitare solitus avus jam senior, & non uno etiam carmine honestavit (b). Lucium ipsum pater in philo-

*Nec faciem, nec colla prius, nec pectore norant
Pingere, nec fuso consuluisse genis....
Quid tibi præcipiam molles vitare fenestras,
Ad culpas aditum laxa fenestra facis....
Cogite fallaces, animus ne peccet, ocellos,
Cogite, liberos ne peritura cadat.*

(a) Jacobus Gaddius de *Scriptoribus* tom. 2. pag. 164. ait: In *Hendecasyllabis* non raro vincit Catullum, in *Tamulis* plures poetas, omnes in *Neniis*. Apponam ex duodecim hanc plenam leporis, & elegantiz. Lib. II. de *amare conjugali* pag. 3357.

*Pupe meus, pupille meus, complectere matrem,
Inque tuas propera, papule care, sinus.
Pupe bone, en cape, care, tuas, mi pupule, mammas,
Papule belle meus, bellule pupa meus.
Suge, canam tibi neniolaam, ne nenia nonne
Nota tibi, nate, est nenia neniola?
Pupe meus, pupille meus, ne nenia nonne
Nota tibi, nate, est nenia neniola?
Belle meus, mellide meus, ne nenia nonne
Nota tibi, nate, est nenia neniola?
Somniculus tibi jam lassus abrepis ocellis,
Dum tibi, nate, placet nenia nota nimis.
Pupe meus, dormisce meus, ne nenia nastro
Da noctem nato, nenia, somniferam.*

(b) Pontanus in lib. *Versus Jambici* pag. 3520. alloquitur Tranquillam.

loſophia, omnium bonarum artium parente inſtituit,
eique inſcripſit quinque libros, quorum tituli *Urania*,
& librum unicum *Meteororum* ad miraculum doctos, &
expolitos: at ſati improbitate anno undetrigeſimo æta-
tis raptus eſt 1498. immenſo patri deſiderio ſui reli-
cto (a), quamvis triſtiſſimo mœrore jam antea Jo-
via-

quillam neptem de morte Lucii Franciſci.

Tranquilla, quid rides mali tui inſcia?

Avum quid ad riſum allicis jociſ tuiſ?

Jocaris amens in paterno ſunere?

Sapere ſed hoc eſt: vita namque omniſ merus

Luctus, mera eſt miſeria. Ride neptula,

Furare penſulum hoc novercæ, & quantulum eſt,

Ipfum hœas tibi: offulam ægritudini

Subduc, & hanc, ut iſta, quamvis parvula,

Lux in tenebris emicet: nox cetera eſt.

(a) Id omne teſtantur binæ elegantiffimæ epigraphæ, quas ejus
memoriæ, ac ſepulcro Joannes ſacrarat, quæque ſculpta ſunt in
Pontaniana Æde, atque lib. II. *Tumulor.* pag. 3413. præter alias,
quæ leguntur in *Jambicis*.

Has aras pater ipſe Deo, templumque parabam,

In quo, nate, meos contegeres cineres.

Heu ſati viſ lava, & lex variabilis ævi!

Nam pater ipſe tuos, nate, ſtruo tumulos.

Inſerias puero ſenior, natoque ſepulcrum

Pono parens? heu, quid ſydera dura parant!

Sed quôdcumque parant, breve ſit: namque optima vitæ

Pars exacta mihi eſt; cetera ſunus erit.

Hoc tibi pro tabulis ſtatuo pater, ipſe dolorum

Heres: tu tumulos pro patrimonio habe.

*Vixit an. xxix. men. v. d. iiii. Franciſco filio Pon-
tanus pater a. Chriſti MCCCCIIC. d. xxiiii. Aug.*

Has, Luci, tibi & inferias, tibi & annua ſolvo,

Annua vota pius heu mihi cum lacrymis!

Hæc, Luci, tibi, & ad tumulos, poſtrumque feretrum

Dona pater multis perluc cum lacrymis!

Hæc dona, inferiaſque heu; heu, hunc, nate, capillum,

Inſanamque comam accipe, & has lacrymas!

Hiſ lacrymis, hiſ te inferiis, hoc munere condo:

Nate, vale æternum, o & valeant tumuli.

Quin

vianum affecisset Lucia Martia , quæ tredecim post annis decessit (a) . Aureliam natu majorem sibi despondit Paullus de Caivano duplici Regio munere insignis , cui & dos dives data (b) ; quo mor-

*Quin & hient tumuli , & tellus hiet , & tibi me me
Reddat , & una duos urna tegat cineres .*

Pontanus pater L. Franc. fil. infel.

(a) Tumulus hic etiamdum exstat in Pontani Sacello , & Tumulo-
lor. lib. II. pag. 3400.

Liquisti patrem in tenebris , mea Lucia , postquam

E luce in tenebras , filia , rapta mihi es .

Sed neque tu in tenebras rapta es : quin ipsa tenebras

Liquisti , & medio lucida Sole micas .

Calo te natam aspicio : num , nata , parentem

Aspicias ? an fingit hac sibi vana pater ?

Solamen mortis misera te , nata , sepulcrum

Hoc tegit , haud cineri sensus inesse potest .

Siqua tamen de te superat pars , nata , fatere

Felicem , quod te prima juvenia rapit .

At nos in tenebris vitam , luctuque trahemus ,

Hoc pretium patri , filia , quod genui .

Musa , filia , luxerunt te in obitu , ac lapide in

hoc luget te pater tuus , quem liquisti in squalo-

re , cruciatu , gemitu , heu , heu ! filia , quod nec

morienti pater affui , qui mortis cordolium tibi

demerem , nec sorores ingemiscenti , quæ collacry-

marunt misella , nec frater singultiens , qui siti-

ti ministraret aquulam : non mater ipsa , quæ col-

lo implicita ore animulam exciperet infelicissima :

in hoc tamen felix , quod haud multos post annos

te reviderit , tecumque nunc cubat ; ast ego felicior ,

qui brevi cum utraque edormiscam eodem in con-

ditorio . Vale , filia , matrique frigescenti cineres

interim calefac , ut post etiam refocilles meos . Joan-

nes Jovianus Pontanus L. Martiæ filia dulcissima

posuit , quæ vixit an. XIII. men. VII. d. XII.

(b) Privil. 21, 1486. post pag. 118. in Cancellaria. Paullus de Cai-
vano Consiliarius , & Squadrerius Regis Ferdinandi I. erat , qui
& dotem accepit mille quingentorum ducatorum de carlenis argenti
boni , & justî ponderis ad rationem decem liliatorum pro quolibet
ducato consistenti in Alphonfinis ducatis auri carlenis coronati argenti.

mortuo, nunquam adduci ipsa potuit; ut alteri nuberet, quamquam pater impelleret, sæpe reponens, neminem placitum sperare æque similem Paulo (a). Eugeniam vero duxit M. Bartholomæi de Constabulis Beneventani civis filius (b), ex qua nulla orta est proles (c). Pontanus quamvis in amore timidus, ac suspiciosus (d), cum Adriana tamen fidissima conjugē vitam annis undetriginta conjunctissimam, nec sine laude virtutis vixit, uti affatim testantur libri *de amore conjugali*. At ea medio fere ætatis cursu, annorum scilicet sex & quadraginta obiit Kal. Martii an. 1491. (e). Qua de re Jovianus, uf-

(a) Pontanus *de Sermone* lib. V. tom. 2. pag. 238. *Aurelia natu major, amisso Paulo marito, cum a patre ad alterum virum, torumque hortabatur secundum: quin tu, inquit, pater, non te nuptias secundas inis? quia (respondit) nullam matri tuæ similem me reperiturum confido. Id ipsum (respondit) me me versat, pater, quod mihi placitum Paulo æque similem sperem neminem. Hac ipsa cum vix duodecim annorum filiam marito despondisset, jubente Federico Rege, eaque a viro parum pro ætate, atque urbanis moribus deliciose tractaretur, interrogataque quamnam uxorie filiola cum marito ageret? mihi, inquit, mortuus est conjux, filia vero nullo modo vivas.*

(b) Ex *Registr. Privil.* pag. 151. in *Archivo R. Cameræ*.

(c) Pontanus ibidem: *Eugenia filia, eaque sine liberis; cumque aliquando ea suis e scriniolis protulisset imagunculas quasdam venustissime effigatas, quanto, inquit melius, o filia, & patri, & viro, & tibi ipsi consultum esset, si harum similes aliquas ex utero tuo proferres.*

Pontanus pater duo Epithalamia in filiarum nuptiis cecinit, quæ exstant lib. III. *de amore conjugali* pagg. 3363. & 3368.

(d) Quot animi perturbationibus urgeretur ob uxoris insignem *ζηλοτυπία*, adis *Bajarum* lib. I. pag. 3470.

(e) Quanti eam duxerit maritus, funebri carmine, & soluta oratione leporis plenis palam fecit, quæ & in Pontaniana *Æde* prostant.

*Illæ tori bene fida comes, custosque pudici,
Cuique & acus placuit, cui placere coli.
Quæque focum, castasque lares curavit, & aræ
Et thura, & lacrymas, & pia ferta dedit.
In prolem studiosa parens, & amabilis, uni
Quæ studuit caro, casta placere viro.*

usquedum ei superstes fuit, non solum quotannis, uti mos est, sed & singulis quibusque mensibus Adrianæ conjugis caste, religioseque recolebat memoriam, quæ adeo ejus obversabatur menti, ut per omne vitæ curriculum sociam laborum, ac fidam comitem haberit (a).

Cum

Hic posita est Ariadna, rose, violaque nitebant,

Qua posita est Syrio spiret odore locus ()*.

Urna crocum domine fundat, distillet amomum

Ad tumulum, & cineri spica Cilissa fluat.

Quinquennio postquam, uxor, abiisti, dicta prius

Ædícula, monumentum hoc tibi statui, tecum quo-

tidianus ut loquerer, nec si mihi non respondes,

nec respondebit desiderium tui, per quod ipsa me-

cum semper es, aut obmutescit memoria, per quam

ipsa tecum nunc loquor. Ave igitur, mea Adriana,

ubi enim ossa mea tuis miscuero, uterque se-

mul bene valebimus. Vivens tecum vixi an. xxix.

d. xxix. Victurus post mortuus aternitatem aternam.

Joannes Jovianus Pontanus Adrianæ Saxoniæ uxo-

ri opt. ac bene merentiss. p. quæ vix. an. XLVI.

men. vi. obiit Kal. Mar. an. MCCCCXXXI.

(*) Versus hic omnino immutatus exstat in Joviani carminibus lib. II. *Tumulor.* pag. 3412.

Qua posita, & lacrymis hic mihi surgat honos.

(a) Hæc verba de *Prudentia* lib. III. pag. 181. legentium oculis subjiçunt singularem amorem, quo matronam tantam profecutus est Pontanus: Eodem enim hoc die, his iisdem Kal. (Martii), nono ante anno Adrianam amisi conjugem, & laborum sociam meorum omnium, & molestiarum levatricem. Verum enim illam nec ego amisi, quæ mecum assidua est, nec ipsa me deseruit, aut ut non aqua laborum solet, aut peram fida comes itineris, ac vita hujus meliorem ad vitam contendens. Nec volens illa quidem, sponteque armis his humanis cessit, sed abiit, potius ut vocata, sed discessit, ut arcessita, & tamquam meliore vita digna emigravit in calum beatam illic cum calibus vitam actura. Quo circa abesse tantum debet, ut lacrymosus mihi dies hic sit habendus, ut & religiosus habeatur, & sacer. Nam de meo, ut videtis, instituto, rebus sacris rite ter peractis, quod ex quo meo illa e sinu in calum abiit, pie, casteque servatum est, servabiturque quamdiu illi superstes ero, non anniversaria, ut multi, sacra, sed mensura in ejus memo-

tians

Cum autem diem Adriana obiisset, alteram conjugem Jovianus jam senior duxit Stellam nomine (a), domi Ferrariensem, obscura, an præstanti cognatione, ignotum, at morum honestate, & in domesticæ rei cura, inque viri cultu prudentem, ac attentam. Illam mire Pontanum deamasse scimus, ne dicam deperiisse; hinc appositissima specie præstitisse quisque facile conjiciet: & tam

viam celeberrima, quæ post illius obitum, non mentiar, si dicam maxima, verum tamen eloquar; si dixerim unica est mihi voluptas, atque levatio. Nam quoties Kal. ipse adveniunt expectata, desiderata (dicam verius) suspirata adveniunt, videor mihi illam alloqui, illius ore, oratione, conspectu frui; commendare illi rem domesticam, capere cum ea rerum familiarium consilium, in illius denique administratione, prudentissimisque consiliis conquiscescere. Sed cum ea felicissime jam sit actam. Cujus exemplo admoniti nos quoque, quæ vira ad felicitatem est una; & contemplantur virtutem, & calum ipsam inquirere ne desinamus.

(a) Nollem, ut quis Stellam Joviani amicam fuisse existaret; tum eo quod nec profapiam novimus, neque cognovimus, tum quod maxime in eam amore tenet aruisse videtur: eum ex ipsis carminibus ei illam nupuisse arguimus: etenim ex versibus ad Pontanum quillam neptem paulo ante pag. 29. appositis Stellam *nocturnam* Lucii Francisci dicit: præterea in epigraphe Lucii Stellæ filii, hanc ipsam matrem appellat: addas in carmine *Erkani* lib. I. pag. 3562. ait Pontanus:

Ad cenam me Stella vocas, & gaudia lecti:

Mensa mihi posita est, compositisque torus:

Ipsa ministrabis simul, & simul ipsa recumbes, &c.

quæ omnia uxoris munia sunt. Neque me turbant, quæ de ea asserit Petrus Summontius Pontano carissimus in *explanatione aliquot locor. in fin. volum. poet. Joviani* pag. 3705. nimirum in deliciis habuisse Stellam mulierem Ferrariensem; cum in sanctiori Latinitate isthæc verba nil indecorum præferant, idque unum expressit Summontius; scil. scilicet, anxium, ardentemque in Stellam amorem: & quantum Latine studuerit Petrus, is ignorat, cui ejus scripta nunquam evolvere datum est: quod autem in deliciis habere æque sit & diligere; vadem habeo Tullium, qui ad Att. lib. 6. epist. 1. paulo ante finem scribit: *De publicanis quid agam, videris querere, habeo in deliciis, obsequor, verbis orno, efficio, ne cui molesti sint.* Neque quis præterea obstat Pontanum Aureliæ fili-

tam ingentem amorem duobus elegiarum more suo blandissimarum libris celebravit, inscriptis *Eridani*, eo quod Stella Ferrariæ orta, qui fluvijs eam regionem magnam partem interfuit: ab ea Lucilium filiolum habuit, qui quinquaginta post diebus naturæ cessit (a). At pater juxta ac maritus infelicissimus Stellam etiam fato ereptam cum lacrymis composuit, elogioque honestavit (b).

Sed jam ad graviora negotia maturesceniem Jovianum vocabat publica regni tranquillitas, cui ut optime prospiceret Ferdinandus Rex anno nimirum

1463.

liæ non alias post Adrianæ obitum nuptias initurum spondisse, vide supernas, adnotat. pag. 31. litt. (a), cum homines quamvis prudentissimos tenax hæc in re propositum immutare vel indignamur, vel demiramur. His animadversis, nemo Pontano molestus erit de certis Stellæ nuptiis. Amasse vero Venerillam elegantissimam adolescentulam habeo ex *Tumulor. lib. I. pag. 3379.*

(a) Lucilii tumulus, in cuius nomine, & dierum vitæ numero argute ludit, visitur, in Pontani sacra Aede.

*Lucili, tibi lux, nomen dedit, & dedit ipsa
Mater, Stella, tibi, Stellaque, luxque simul.*

*Eripuit nox atra, nigra eripere tenebra,
Vixisti vix, quot littera prima notat.*

*Hos ne dies? breve tam ne tibi lux fulsit? & atra
Maternum in nimbis sic tenuere iubar?*

*Infelix fatum, puer, heu male felix, heu quod
Nec puer es, nec lux, nec nisi inane quid es!*

Floreat ad pueri tumulum, verbalet & urna ()
Lucili, & cineri spiret inustus odor.*

*Dies I. non implesti, filiole, breve natura specimen,
aeternus parentum mæror, ac desiderium.*

(*) Aliter legitur versus hic in volum. Pontani. poes. pag. 3415.
Sit vobis ver perpetuum, ac sine nubæ, puella

(b) Tumulus Stellæ Ferrariensis. *Tumulor. lib. I. pag. 3394.*

*Sit vati fas, Pierides, quæ lucida fulget
Stella polo, hanc proprio condere sub tumulo.*

*Stella tibi tumulus cælum est: hac te regit urna.
Teque per & tumulus, te per & urna nitet.*

Stel-

1463. ipsum delegit, ut secretiora quæque rerum moderaretur (a); itaque ad hunc supremum regni Magistratum evectum gratulati sunt universi existimantes par tanti viri meritis, ac virtuti pretium: præsertim cum id munus, præter fidem optimam, magnitudinem cogitationum requireret, & in utraque Pontanus eminebat. Sane mihi piaculo esset, si de summa Joviani integritate, atque abstinencia præconia non attexerem: ipse enim amicorum carissimis, qui ejus moderati animi sensa noverant, hortantibus, ut eo in munere tandem ditesceret aliorum premens vestigia, urgetque fortunam, respondere sollemne habuit, EGERE NOLO, OPULENTUS ESSE RECUSO (b): sententia speciosis verbis condecoranda, præsertim viri in tanta amplitudine honoris. Conscius Ferdinandus Rex tam mirandæ Joviani frugalitatis, pisonis simillimæ, (licet hic optimis temporibus vixerit), & utpote Princeps sapientif-

*Stella nites urna, radios tibi, & urna ministrat,
Præbet & hos tumulus, & tumulo ipsa nites.
At nec Stella jacet tumulo, sed splendet in urna,
Splendet & in tumulo, nam polus est tumulus.*

(a) Vide Commune 6. Regis Ferdinandi I. an. 1463. post pag. 11. in Archivo Cancellariæ.

Animadvertendum ea tempestate non unum existisse magistratum a Secretis Regis, qui mos hodieum viget: imo Alphonsi I. Reg. quatuor floruisse constat: hinc ipso Rege Ferdinando I. diplomata ab Antonello Petrucio etiam subscripta adhuc prostant in Archivo R. Cameræ.

(b) Pontanus in Dialogo *Ægidius*, tom. 2. post pag. 169. *Tempestate hac nostra qui apud Reges, regulosque magistri fuere epistolarum, utque hodie dicuntur Secretarii, summum in modum locupletati sunt omnes, præter Jovianum hunc, qui hic adest, quam ad rem ab amicis, familiaribusque assidue cohortatus cum esset, nunquam a proposito dimoveri potuit, illud in ore semper habens, egere nolo, opulentus esse recuso; qua ratione non modo cupiditati imperavit, pecuniarumque appetitioni, verum ipsis etiam Regibus in re publica moderanda.*

tissimus norat in proverbium abiisse, *virum bene frugere omnia recte agere*; ea de Pontani virtute Regia liberalitate mereri coepit, ut non uno præmiorum genere magis testatam fecerit: nam præterquamquod civitate Neapolitana donavit (a), indixit, ut e Regis vestigalibus ei quotannis bina pensio solveretur (b). Præterea ædificium quoddam quadrangulum, & in sublime editum *Turris Arcus* dictum, in præclarissima nostræ urbis regione situm eidem impertiit, remissa etiam pecunia Fisco solvenda illius Turris adipiscendæ gratia (c); inde *Pontania-*

(a) Camillus Tutinus *de origine, & institutione Sedilium* pag. 209. Neap. 1644. Ital. conscript.

(b) Vide *Exec.* 25. an. 1462. 63. 64. post pag. 43. & *Exec.* 1. an. 1465. ad 67. pag. 212. in Archivo in R. Cameræ. Unam ex his pensionibus fuisse *unciarum* quadraginta, alteram sex & viginti, & *tarenos* 20. *Unciæ* autem pretium, fuisse sex nostratium *ducatorum* ex altero diplomate eruitur: *Motu proprio, & gratia speciali addimus, concedimus, & stabilimus eidem Joanni Pontano ad vitam ejus decursum alios centum sexaginta ducatos ad rationem tarenorum quinque pro ducato quolibet, videlicet Uncias viginti sex, & tarenos viginti.*

(c) Vide *Introitum magni sigilli* an. 2. indict. 1468. 69. post pag. 100. Archivo R. Cameræ. De hac Turri isthæc juvit me collegisse. Camillus Tutinus ibid. pag. 16. scribit ipsam initio Ulcanorum familiam possedisse; inde Fisco addictam, Ferdinandum Joviano obrulisse, & *Pontanianam* dictam. Joa. Antonius Summontius in *Hist. Urb. & Reg. Neap.* Italice exarata addit tom. 3. pag. 376. Neap. 1748. VI. Id. April. an. 1564. eversam fuisse efflagitante Maria de Aragonia Marchion. *Vasti*, quæ juxta eam Turrim ædes suas habebat. Pontanus ipse in Dialog. *Ægidius* tom. 2. pag. 155. exstructam refert prope suam domum, atque ita describit: *Turrim suspicimus quadrangulam eam quidem, atque in sublime editam, imminentemque quadruvio, atque in loco urbis maxime celebri, & nobili, vocitantque eam Pontanianam.* Quidam ex nostratibus scriptoribus nugas oggerunt, uti idem Summontius ibid. atque appellatam *Turrim Arcus*, quod quatuor fulciretur arcubus: quidam vero sicuti scribit Tutinus loco laudato, quod ea in regione antiquus Neapolitanorum Magistratus *Ἀρχαὶ* degeret, quando nempe nostra in urbe Græca vigeat institutio. Verum nemo ambigat *Turrim* dictam *Arcus*, eo quod plurima ædificiorum pars ejus

niana Turris nomen acquisivit, ab aliis possessoribus solo æquatum: Longius progressa est Regis largitas, & binis aliis muniis ipsum honestavit, quorum voces utpote barbarica ætate investas, atque veteribus Latinis ignotas margini subteximus (a).

Inter reliqua Alphonſi I. Regis præclara monumenta posteritati prædicanda accenseam, quod fisci Principis tribunal instaurandum, inque ordinem cumulate decorum restituendum aggressus sit: jussit siquidem, ut illud quatuorviri regerent ob vestimenti peculiaris genus *togati* dicti, duoque *non togati*, quibus omnibus is, qui *Magni Camerarii* vice fungeretur, præflet *Locumtenentis* nomine; & quo magis incresceret ejus loci decus, & amplitudo, factum est, ut eorum curæ, ac sapientiæ commendaverit, ut non solummodo Regiis redditibus providerent, sed & in quibuslibet *feudorum* litibus dirimendis jus dicerent. Qui secuti sunt Principes tanti Regis exemplum imitati, quo talium magistratuum potestati, ac dignitati faverent, quas cumque contentiones, in quæ fisci jura interessent, ad eorundem consilium relatum iri edixerunt (b). Inde Regis Ferdinandi I. ævo horum virorum numerus ad sex & viginti auctus est, quorum plerique omnes scientiæ, & generis splendore nobiles. Hos inter allectus Pontanus (c), suo Antonio Panormitæ successit, ejusque par-

regionis *arcubus* innitebatur, quorum bonam partem adhuc cernere est.

(a) Nimirum *Scribe* munus in Regia *Cancellaria*, & *Afforum Magistri* in oppido Salæ in Lucania. Ex *Volumine part. Regis Ferdinandi I.* an. 1493. pag. 204. in *Archivo R. Cameræ*.

(b) Angelus de Constantiis in *hist. Reg. Neap.* Italice conscripta lib. XVIII. pag. 407. Neap. 1735. Petrus Jannonius tom. 3. lib. XXVI. pag. 388.

(c) In *comp. Creden. Jacobi Cavalli* an. 1475. 76. in *Archivo R. Cameræ*. Et Pontanus in *Dial. Asinus* de se ipse tom. 2. pag. 178.

partes implevit an. 1471. (a). At crescente in dies eo in munere Pontanianæ virtutis, ac ingenii fama, ipse an. 1479. ad honestissimum *Locumtenentis* magistratum evectus est (b); tot etiam meritorum ratione habita, tum quod non sine multorum periculorum patientia, summaque fide in omni bello adversus Andegavenses Ferdinando Regi insignem operam præstiterat, tum quod ejus filii Alphonsi Calabriæ Ducis, jubente patre, in tot belli expeditionibus lateri adhæserat (c), consultis facta conjungens, emendansque matura virtute sua, quæ ancipitis erant fortunæ. At longo annorum intervallo durasse in castris semper ægre tulit Jovianus, uti scimus ab numerofo, & pleno querelis carmine ad uxorem (d).

Trium post annorum tractum, nempe 1482. exitiale bellum conflatum est Venetos inter, & Herculem I. Ferrariensium Ducem; hic etenim pactorum fidem posthabuit, quibus juraverat, quibusque pacis foedus inter Venetos, & Estenses Principes sancitum fuit. Deterrimi hujus belli turbo summa immanitate desæviit ob grande odium, quo in Ferdinandum Neap. Regem exarserant Veneti, quod hic Princeps Ferrariæ Duci filiam suam Heleonoram nuptui dederat, quod conjugium ipsi iratissimo animi mente tulerunt

178. inquit: *Sexagenarium hominem, Regiis actionibus Præsidentem, moribus tam compositis, institutis tam rigidis.*

(a) Vossius *de Histor. Latin.* lib. III. pag. 607. inquit Jovianum in *Regii scrinii magistri munere*, quod & idem est, ac *R. Camera Præfidis*, Antonio Panormitæ successisse; id autem accidit an. 1471. nam certo constat eo tempore Panormitam decessisse.

(b) Nicolaus Toppius *de origine omnium Tribunalium* tom. I. pag. 166.

(c) Pontanus *de Prudentia* lib. I. pag. 166.

(d) Idem *de Amore conjug.* lib. I. pag. 3321.

runt (a). At quasi totius Italiæ fortuna incolumis servata est unius Pontani opera, & consiliis, viri, ubi res exigeret, providentissimi, agendique scientissimi, ita ut *in ipso belli ardore secuta pax fuerit cum Italiæ totius quiete, & otio* (b).

Non minus acre bellum tribus post annis conflatum est. Pont. Max. Innocentius VIII. Ligur ex Cyborum profapia deliberatum habuit, ut Ferdinandus præter asturconem (c) reliquum annui pensi Romanæ Sedi solveret, quamvis hoc antecessores Pontifices Paulus II. & Sixtus IV. quod in Hydruntino bello contra Turcas maximas impensas egerit, remisissent; quare cum equam illam solummodo obtulisset Regis nomine Antonius Alexander, Innocentius recusavit (d). Hac de re bellum in Italia iterum recrudit: at priscæ gravitatis, ac eloquentiæ heros Pontanus, cui uni id negotii concreditum est, omnia ad concordem amicitiam, firmamque pacem facillime composuit, atque ita, ejus verbis utar, *Regias res prope afflictas magna sua cum gloria, majori populorum tranquillitate non restituit modo, verum etiam stabilivit* (e). At quis in transcurso tam arctati voluminis laudibus extollere audeat

(a) Ludovicus Antonius Muratorius *Annal. Italiæ* tom. ix. an. 1482.

(b) Pontanus *ibid.*

(c) Vulgo *Chinea*.

(d) Camillus Portius *de conjuratione Procerum Reg. Neap. contra Regem Ferdinandum I.* Italice scripta pag. 11. Rom. 1565. Petrus Jannonius lib. xxviii. tom. 3. pag. 464. Ludovicus Antonius Muratorius *ibid.* an. 1485. & 1486.

(e) Pontanus *Dialogo Asinus* tom. 2. post pag. 177. & *de Prudentia* lib. I. tom. 1. pag. 166. Foedus hoc firmatum fuit Romæ pridie Id. Augusti an. 1486. coram Regis Hispanorum legatis, Archiepiscopo Mediolanen. & Comite Tentiliæ, vicesque Neap. Regis implente Pontano ipso: Camillus Portius *ibid.* pag. 63. Jannonius *ibid.*

deat grave responsum ipsius Innocentii, atque Romano Pontifice dignum, & Joviano honestissimum Cardinalibus redditum de pacis securitate metuentibus? *At neutiquam falsos nos habuerit Jovianus Pontanus, quicum de concordia agitur: neque enim cum veritas deflueret, ac fides, qui ipse numquam veritatem deseruit, ac fidem (a).* Interea Romæ commoratus Joannes usus est familiaritate doctissimi Federici Urbinatium Ducis, quocum sæpe de re litteraria egit, cujus rogatu e Græco ore in Latinum transtulit centum sententias Ptolemæi contra fidem ab aliis jam antea conversas: is Pontanum suspiciens Græca longe callentem, ut etiam quibusdam commentariis, quo majori luce ditescerent, eas ornaret, flagitavit: morem gessit Jovianus, eidemque Duci primum librum inscripsit: isque labor adeo cordi fuit Joanni, quod primus id periclitatus fit, ut non parum laudis ab eo aucupari optaverit (b).

Roma Neapolim reversus Joannes una cum Jacobo Sannazario, quem itineris, ac laborum comitem habuit (c), post tot egregia virtutis specimina, ac res præclare gestas, ob foedum majestatis crimen Antonello Petrucio a supremo magistratu dejecto, totius Regni administer renunciatus est (d); at is fortunam
muta-

(a) Idem lib. II. *de Sermone* tom. 2. pag. 203.

(b) Idem *Comment. in centum sententias Ptolemæi* tom. 3. lib. I. pag. 2.

(c) Pontanus Dialogo *Asinus* tom. 2. post pag. 178.

(d) Id clarissime teneo ex loco Pontani *de Prudentia* lib. I. pag. 166. tom. 1. atque a subscriptionibus diplomatum in R. Camera a morte Petrucii: hinc vehementer decipitur Camillus Portius ibid. qui nihil hæsitans chartis illevis *Pontanum Petrucio non successisse*; quare ira percitus senex, ut Portius ait, ambitiosus, benefactorum obliviosissimus contra Alphonsum Calabriae Ducem Dialogum *Asinus* exaravit, in quo allegorice ingratum omnino, deque se male meritum hunc Principem mordet.

mutavit, non animum: in eo enim munere, ingentique curarum pondere tanta fide, ac honestatis gloria se gessit, rexitque, ut de se merito ea prædicaverit, quæ, quisquis eximio id genus officio fruitur, instrui abunde, atque utinam etiam æmulari possit: ita domi, militiaque me ipsum gessi, ut primum locum in deliberandis, & consultandis rebus, capiendisque consiliis per multos annos tenuerim, ea cum integritate, & fide, ut meis de administrationibus neque tunc sit questus, neque hodie (scilicet cum vitam privatam, & quietam degeret) queratur ullus (a). Hic non importunum reor, si appendam tantum virum de Regia dignitate, exantlatis tot laboribus, meritissimum sat ægre tolerasse se in petitione unius ex Comitatus Caleni, vel Polycastri posthabitu, a quibus depulsos viderat Franciscum, & Jo. Antonium, Antonelli Petrucii filios ob majestatis crimen, atque digna, crudelique morte interfectos: quare haud irarum patiens famosum illum Asini (b), scri-

(a) Pontanus de Prudentia ibid.

(b) Mihi visus est Dialogi Asinus scribendi rationem divinasse Bernardus Christophorus in MS. quod Doctiss. Ludovicus Sabbatinus de Anfora Episc. Aquilanus servat, quodque mihi lubens, ut exscriberem, indulgit: In locum Antonelli, inquit Christophorus, idest pro primo Regis Secretario Pontanus ipse destinatur, & eligitur, & Alphonsus, cum per ea tempora in Castro Capuano bibliothecam parasset, cui præfecerat Jo. Albinum, inter preciosiora Pontani imaginem collocari fecit, quam quidem singulari reverentia ob beneficia accepta exteris ostendebat, nec ultra progressa est Regis munificentia erga Pontanum, namque ad Velinos Polycastrensem Comitatum complurimis oppidis constantem Joanni Carafa dono dedit, Caleni (vulgo Carinola) aliis largitus est, nulla Pontani mentione habita, nisi quod tantum, quod de jure debebatur in locum Petrucii substituitur. Quod quidem ægre ferens Pontanus Dialogum confinxit, quem Asinum appellavit, sive de ingratitude, ubi ab eo singulari fide, atque virtute tractata, exantlatosque labores luculenter expressit, summoque felle referti.

sive de ingrati animi vitio Dialogum conscripsit : vel magnis animis difficile eo tacere, cum doleant.

Pontanus ad cujusvis virtutis exemplar natus infigne etiam religionis specimen exhibuit : itaque an. 1492.

(a) Ædem V. Mariæ, atque Joanni Evangelistæ sacram excitandam curavit, eam quidem elegantissimi ingenii, & ultra quam ejus ætatis ars ferebat, quæ a transalpinis gentibus jam pridem barbariei plurimum contraxerat. Sane adhucdum invisitur quadrangula specie, & *Romana*, sive *Composita*, ut ajunt, structura, quadratoque lapide nostrate fusco, & duriore exstructa; binis januis altera ad orientem solem, altera ad meridiem apertis, selectoque marmore distinctis. Exteriorem faciem octo memorabilibus sententiis (b) ab antiquitate petitis

(a) Annum hujus Templi dedicati ab Pontanianis nanciscimur lapidibus ejusdem exempli utrique januæ superpositis.

D. MARIAE DEI MATRI
AC D. IOANNI EVANG.
IOANNES IOVIANVS PONTANVS
DEDICAVIT
AN. DOM.
MCCCCLXXXII.

I
(b) IN MAGNIS OPIBVS
VT ADMODVM DIFFICILE
SIC MAXIME PVLCRVM EST
SE IPSVM CONTINERE
III
IN VTRAQVE FORTVNA
FORTVNAE IPSIVS
MEMOR ESTO
V
SERO POENITET QVAMQVAM
CITO POENITET
QVI IN RE DVBIA
NIMIS CITO DECEARNIT

II
HOMINEM ESSE SE HAVD
MEMINIT
QVI NVMQVAM INIVRIARVM
OBLIVISCITVR
IV
INTEGRITATE FIDES
ALITVR
FIDE VERO AMICITIA
VI
FRVSTRA LEGES
PRAETEREVNT
QVEM NON ABSOLVIT
CONSCIENTIA

NEC

titis in marmore scalptis exornavit, præter dedicationis verba, & stemmata sui, & uxoris cognomen-
ti. Pars omnis interior uno nec inconcinno fornice cooperitur: unaque ara exornatur sub imaginibus V. Mariæ, & bini Joannis Baptistæ, & Evangelistæ in pariete affabre depictis. Undique intueri est sacræ Ædis muros scriptis a Pontano lapidibus vel prorsus, vel versa oratione comptos ad suorum famam inibi compositorum (a): quibus accensenda illa inscripta Petro Compatri (b), viro eruditio-

VII
NEC TEMPERITAS
SEMPER FELIX
NEC PRVDENTIA
VBIQVE TVTA

VIII
IN OMNI VITAE
GENERE
PRIMVM EST
TE IPSVM NOSCERE

Quatuor, quæ desiderabantur sententiæ ab vetustis auctoribus excryptæ sunt, quarum prima legitur apud Plutarchum in *Laconis* vita, easque in templi facie, quæ orientem spectat incidendas curatum est.

IX
EXCELLENTIVM VIRORVM
EST IMPROBORVM
NEGLIGERE
CONTVMELIAM
A QVIBVS ETIAM
LAVDARI TVRPE

XI
NON SOLVM TE PRAESTES
EGREGIVM VIRVM
SED ET ALIQVEM
TIBI SIMILEM
EDVCES PATRIAE

X
NOS POTIVS NOSTRO
DELICTO
PLECTAMVR
QVAM RESPVBLICA
MAGNO SVO DAMNO
PECCATA LVAT

XII
AVDENDO AGENDOQVE
RESPVBLICA CRESCIT
NON IIS CONSILIIS
QVAE TIMIDI
CAVTA APPELLANT

(a) Superius scriptum est de filiis, ac uxore pag. 29. lit. (a) 30. lit. (a) 31. lit. (c) 34. lit. (a)

(b) Hisce verbis sat ponderosis, & commentario dignis commendavit Pontanus æternam amicissimi, atque summæ honestatis viri memoriam.

QVID

ditione, ac pietate (a) eximio, quocum conjunctissime vixit Pontanus tribus & quinquaginta annis. Affixis

QVID AGAM REQVIRIS TABESCO
SCIRE QVIS SIM CVPIS FVI
VITAE QVAE FVERINT CONDIMENTA ROGAS
LABOR DOLOR AEGRITVDO LVCTVS
SERVIRE SVPERBIS DOMINIS (1)
IVGVM FERRE SVPERSTITIONIS (2)
QVOS CAROS HABEAS SEPELIRE
PATRIAE VIDERE EXCIDIVM (3)
VXORIAS MOLESTIAS NVMQVAM SENSI (4)
PETRO COMPATRI VIRO OFFICIOSISSIMO
PONTANVS POSVIT CONSTANTEM OB
AMICITIAM ANN. LIII.
MDI. XV. KAL. DEC.

(1) Reges Aragonenses intelligit, in quos iratissimus vivebat Jovianus, a quibus summum magistratum adeptus, merito inde dejectus est: de hoc summi viri crimine, ac fato mox dicturus.

(2) Quid valeat vox *superstitio* apud Pontanum, consalatur lib. de *Liberalitate* tom. I. pag. 109. Quidam referre amant ad Dialogum *Charon*.

(3) Quæ calamitas, ac clades Neapolitanas provincias, ac ipsam principem urbem pessumdaret, Pontanus ipse nos docet de *Sermone* lib. I. tom. 2. pag. 185.

(4) De uxore ducenda numquam in animum sibi induxit Petrus Compater, de quo apposite narrat lepida quædam Jovianus de *Sermone* lib. IV. post pag. 231. tom. 2. *Hortabatur homo minime malus Petrum Compatrem ad uxorem ducendam. Has inter adhortationes, qui pone eum stabat, juvenis argutus cum sternuisset, nihil ipse respondit; tum ille, quid malum, & amico, & honesta suadendi non respondes? ad ea tum Compater, nec mihi, inquit, nec uxori male auspicaturus sum. Cum enim e duobus conjugium (ut scis) constet, Hispani quidem augures, ubi unum sternutamentum tantum fuerit, & malum illud, & portentosum profitentur: meis igitur nuptiis infelix absit auspicium.*

(a) Pontanus ibid. lib. VI. post pag. 250. *Paullo enim ante quam animam ageret (Petrus Compater) multa cum de Deo, deque animorum differuisset æternitate, sic denique ad astantes nos, quos valere jubebat, conversus, & tamquam ultimo in actu constitutus, lingua etiam hebescente, dixit: Omnes quidem sermones inter notos, at-*
que

fixis quoque vetustis marmoribus Græce, & Latine inscriptis vel aliunde collectis, vel potius in hoc fanulo excitando in fundamentis repertis (a). Pontanus quæsitissimi ingenii pavementum stravit figlino opere encausto pictum, exquisita varietate nobile ob sua stemmata, & uxoris, omnisque prosapiæ, imo & ob imagunculas majorum suorum, præter flosculos, & parile hujus generis ornamentum. Consuluit etiam, ut inferne grande hypogæum fabreficeret, in quo ex familia denati conderentur, apposita in scalarum introitu brevi epigraphe, uti suus erat mos, ad antiquitatis indolem (b).

Neque in hoc Pontani pietas destitit, sed ut cultus, & hujus parvi Templi cura ad omnem posteritatem servaretur, ditandum ratus est annuo nummorum aureorum bis centum & septuaginta censu (c),
quæ

que amicos esse suavissimos, illos vero multo suaviores, quorum materia Deus esset. Quocirca nos ipsos exhortatus prius, post etiam per Deum ipsum obtestatus rogabat, uti amicitia memores, quoties conveniremus, nostra omnis oratio a Deo inciperet, desineretque in Deo.

(a) Cl. Jacobus Martorellius Græca monumenta interpretamento honestavit, & Latialia bonam in partem, uti ait, ab inficetis hominibus infracta supplemento adjecto, quo par fuit ordine, collocavit. Sed quæ præstitit ipse, quæque dicenda uberius hac de sacra Æde, extremo huic libello adglutinata reperies.

(b) AB HOC PONTANORVM
CONDITORIO
NE MAS NE FEMINA
EX AGNATIONE
ARCEATUR

(c) Cæsar Engenius Caracciolus *Neap. Sacra*. Italice scripta pag. 65. Neap. 1624.

quæ tunc ætatis erat benemerenti uberrima voluntas. Præterea Joviani animus ad quæque recta facienda semper pronus adolescentularum honestarum periculo ob egestatem providit, cavitque, ut ab fani hujus curatoribus quotannis puellæ regionis, in qua situm est, haud levis dos, nimirum sex & triginta nummorum ex auro, diceretur (a), idque pium opus etiam disertis expresserat verbis æternitati sane commendandis: *Quid enim aut Deo potest esse acceptius, quam imbecillum sexum adjuvare? aut gratioris, utiliorisque in civitate exempli, quam prohibere, ne, quod unum, ac præcipuum mulieris bonum est, pudicitia, egestate expugnata, diripiat?* (b). At proh rerum, temporumque vices! tam præclarum munificentiae Pontanianæ, ejusque nominis monumentum, quod exteri factum, rectumque in ævum voluissent, vel ætatis malignitate, vel curatorum parum sincera fide maxima annorum intercapedine situ squalidum, sentum, omnique religione desertum emarcuit, non sine doctissimorum hospitum ad illud invisendum longe gentium confluentium indignatione ad nostrum civium ludibrium (c). Donec tandem in hac temporum felicitate ad Caroli tunc Neap. nunc Hispanorum Regis providentiam provocatum est, cujus justo, pollentique imperio an. 1759. Templo prisca dignitas adscita fuit ingenti civium, & convenarum gratulatione, ac præconiis.

Juxta

(a) Engenius ibid.

(b) Pontanus de *Liberalitate* tom. 1. pag. 109.

(c) Inter externos longe gentium, qui Pontani virtutem, & sapientiam sunt admirati, & pæne dixerim, nobis invidere visi sunt, cum primis Philippus D' Orvillius, vir ingentis eruditionis accensendus, qui hanc Pontani Ædem docto, & laborioso carmine honestavit, quod in fine adjiciam, & Ædis faciem Amstelodami ære incidendam curavit.

Juxta hoc suum gentile fanulum Pontani domum exstitisse adhucdum fama perennat, & ex monumentis certi fumus (a): illam & dignitatis plenam dicas, quippe quæ in nostræ urbis regione multis nominibus clarissima sita, præsertim ob Græcanicum nomen *ῥητορικῆς* *Ἀρετῆς* (b): quam domum amplitudine sua plurimum loci spatium impeditivisse opus est, cum porticu, ambulatione, hortis, egregiaque Turri cincta decoraretur: præterquamquod illa frequentem summorum virorum coetum Academicas exercitationes celebrantem excipiebat (c). Domus introitum illustri tituli monumento honestaverat Pontanus, in quo cuique arridet, quod inter cetera se ipse dicit *prisci reliquias temporis* (d).

At

(a) Pontanus Dialogo *Ægidius* tom. 2. pag. 155.

(b) Quantæ celebritatis sit ea vox ab *Ἀρετῆς*, *Luna*, uti omnibus notum, unde nati apud nostrates olim Græcos *Ἀρετῆς* *ῥητορικῆς*, docent, qui patriarum antiquitatum sunt promicondi: eos hanc urbis nostræ regionem occupasse præter cetera firmat lapis, qui Græce loquitur, quem & Capacius affert, eaque de re nos admonet *Hist. Neap.* pag. 75. Quin & via prope Pontani Templum adhuc audit *via Luna*, uti habes a plerisque rerum nostrarum scriptoribus.

(c) Revivenda, quæ de Academia diximus pag. 22.

(d) Pontanus ibid. *Ejus ipsius Joviani hæ sunt aedes, ejus ipsius Turris, ac frequentata porticus. Titulum jam examino oculis, acie jam percurro, jam recito.*

HAERES SVCCESSOR DOMINVS HARVNCE AEDIVM
QVIQVI FVTVRVS ES NE TE NE PVDEAT VETERIS
NEV PIGEAT DOMINI HAS QVI SIBI PARAVIT COLVIT
IS LITTERAS COLVIT ARTES BONAS COLVIT ET
REGES COLVERVNT EVM PROBI IVVENES SENES
PROBI PROBAVERVNT ET DOMINI INTEGRITATEM
PIDEM MORES ANIMI BONOS ETENIM TALIS FVIT
IOVIANVS PONTANVS PRISCI RELIQVIAE TEMPORIS
VIXIT IPSE ET SIBI ET MVNIS SIC VIVAS IPSE ET TIBI
ET TVIS SIC LIBERI SVPERENT QVI SI LAPIDI HVIC
INIVRIAM INIVRIVS FECERIS IRATI DII SINT TIBI.

At nunc ob rerum alternationem, & dominorum vi-
ces ne vestigium quidem intueri datur (a) : imo in-
fractus & ipse titulus, quamvis ei, qui injuriam fe-
cisset, diras irarum plenas a Superis Jovianus obnun-
ciaverit.

Nunc mihi mens suggerit, ut de sua *Antiniana*
villa pauca adscribam. Inter occiduam, & boream
plagam collis amoenissimus Neapoli imminet, qui vulgo
Antinianus audit, a quo non procul *Patulcius* est (b).
Eo in colle ad rusticandum Pontanus elegantissimam
villam sibi construendam accuravit, donavitque nomi-
ne *Antiniana*, uti plus simplici vice carminibus com-
mendat (c); & mira illa ingenii ubertate eam fingit
Nympham, & decus *Heroionon* (d). In eam se ab ob-
stre-

(a) Celanus noster, licet ejus fides sæpe sublesta sit, ille vit. tom. 1.
par. 2. pag. 148. Neap. 1724. Pontani domum heredum nomine alios ac-
quisivisse; inde possedisse *Regentem Ravitum*, mox *Spinellorum* gen-
tem, demum illam nactum esse *Theora* Principem. Præter hæc
Celanus adjicit in hujus Principis domo vividam Pontani e mar-
more effigiem conspici, at quamvis a me curatum sit perquirere, ut
eam intuerer, certior sum, aut id finxisse, aut aberrasse.

(b) Petrus Summontius *explanat. locor. aliquot*, &c. quam legere
est in fine Joviani carminum pag. 3705. In monte, qui Neapoli ab
occidente imminet, locus est *Antinianum* nomine, nec procul inde est
Patulcium, ubi sepulcrum ostenditur *Virgilij*: quæ duo loca sub *An-
tiniane*, & *Patulcidis* Nympharum nomine Pontanus sæpenumero
celebrat.

Collis *Antinianus* corrupto nomine pro *Antanianus* fortasse,
quod sit contra *Anianum* lacum, nam antequam effoderetur crypta
Neapolitana; per ipsum collem via silicibus strata ad ipsum la-
cum, & ad Puteolos adibant: aut potius *Antonianus*, quod ini-
bi villam *Antonius* triumphator habuerit; eumque Neapolitanos, Cu-
manosque invisisse inquit *Tullius* ad *Atticum* lib. X. epist. 13. *Pa-
tulcius*; inde Nympham facit *Patulcida* uber indoles Pontaniana,
eo quod is collis longissime planus sit, & late pateat.

(c) Videbis inter cetera versus *Lyricos* pag. 3529. usque ad 3534.

(d) Pontanus *Lepidina* in *Pompa* VI. pag. 3220. canit:

Ecce

strepentibus curis plerumque recipiebat, quam & a militia regressus salutabat (a). Quantis in amoribus ipsam habuerit, quantisque deliciis honestaverit, ejus carmina abunde præstant, & præter salientes, & vivaria, in viridicata sylva cuniculos, lepores, capreolos, apros ipsos, qui sunt venationis, & epularum suavitas, concluderat: additis hortis myrtorum jucundissimis, & longa citriorum serie odoris, quæ poma adeo sibi cara, esuque grata, ut de eorum cultura binos carminum libros mira felicitate, ac fluenti facilitate adornaverit, *Horri Hesperides* inscriptos (b). Neque ipse unus his apparatissimis deliciis fruebatur, sed cum amicorum selectioribus, quos sæpe ad prandiorum, coenarumque hilaritatem carminibus invitabat (c), & mensa doctis fa-

*Ecce venit formosa, venit decus heroinon,
Et myrto dives, serpillisque inclita virgo,
Clara thymo, longeque etiam clarissima melle
Antiniana, ruunt hujus fama undique amantes,
Et bona pars sine dote petunt connubia Nympha,
Ipsa seni blandita, senem cupit, hujus ab ore
Et choreas agit, & carmen meditata per hortos
Lata canit: stupet ad sepem mirata juvenus.
Hinc sola incedit, passuque elata superbo,
Invitatque senem, & suspiria ridet amantum....*

(a) Idem de *Amore conjugali* lib. II. pag. 3342.

(b) Eisdem libris inscripsit Pontanus *Francisco Consaga Marchioni Mantua*.

(c) Jovianus ad Hieronymum Carbonem, *Eridani* lib. I. pag. 3588.

*Fistilibus si cœna placet tibi, candide Carbo,
Cœna parata tibi est, ruræque nostræ patent.
Et penus, & virides horti, genitæ & umbra,
Quasque suas pandit citra sylva comas.
Vina mihi deprompta, & lecta, & grata bibemi,
Aurea sive probes, sen magis nigra placent.
Lenis aquæ, simplexque latex, & fertilis urna:
Certe ut inde merum, pugnet ut inde latex.*

facetiis, coëtoque sermone bono, qui mos longe ab hodierno comissantium luxu exsulat, condiebatur: prandiorum apparatus Catullianis gratiis contra ipse in subiecta poesi describit. At malignitate fortunæ Pontanianum hoc prædium paucis post annis ab ejus obitu a prisca hilaritate descivit, omniaque vepribus, dumisque exhorruere, ut jure tantam indoluerit vicem festi-

*Vernarum mihi fida manus tibi nota ministret,
Marmaricosque agitet barbara turba choros.
Fistilibus tibi mensa, abacusque nitescet acernus,
Nullus in extersa non erit ade lepos.
In primis frons læta, & grati ad pocula lusus,
Et culti, & nulla rusticitate sales.
Principio gravidis ponentur læta canistris,
Quæ tulit autumnus, quæ meus hortus alit:
Rosida erunt, matura & erunt, & sole recocta,
Quæque sua carpsit Antiniana manu.
Hinc ponetur avis, fallacis præda coloni,
Præmaque, cui nomen ficus amata dedit.
Pingui jure natet, salsaque immista suilla.
Condiat & tritum læta patella piper.
De lanio nihil hic, nihil e caupone morare,
Rura dabunt, quicquid nostra culina coquit.
Altilis inde capus, raptique a matre columbi,
Anser & implumis, & bene pastus anas.
Post tener, & lactens, & primis cornibus hædus,
Quem corno, & ceraso farserit apta manus.
Forsitan accedet callosum tergus & apri,
Aut celeris catuli, devia præda, lepus.
Certus at in verubus fumat jam porcus, obeso
Et turdo, & merulis, atque palumbe satur.
Cuique suus præsto sapor, aut quem cærule limon
Temperet, aut quem dant punica pressa, liquor.
Seu quem bacca liquat myrti, liquat herba virentis
Serpilli, aut dulci corna recocta sapa.
Paltrius accedat tecum: te culta Patulcis,
Illum pro foribus Antiniana manet.
Nec desunt vina, & lances, mensamque secundam
Qui curent, missas nec sine lege dapes....*

festivis verbis Sannazarius (a). Verum Petrus Oso-
rius Defigueroa, vir ingenii ad maximorum hominum
memoriam honestandam inclinantis, eorumque vesti-
gia prementis, hujus Pontanianæ villæ possessor, quod
noverat ipsam tot sapientibus viris, & duobus Re-
gibus celebratam in antiquum nitorem restituit an.
1626. quo & genio suo, & amicorum indulgeret,
teste scripto marmore, quod adhuc contra sæculi eda-
citatem in vestibulo domus viatoribus se prædit (b).
At ætate nostra intueri est eo in amoenitatis prædio
omnia situ obsita, ac squalore, & vix unus, aut al-
ter loci dignitatem nescit, ac reveretur.

Præter hæc Jovianus quotannis domi suam natalem
diem, nomenque jucunde celebrabat una cum doctis-
simis amicis, convivis, & bene acceptis, quos eru-
dita, & suavi per omnem diem consuetudine detine-
bat (c). Quin & Martinalia, quam vocem ipse castæ
Latinitatis more cudit, familiaribus indicebat (d): nam
cui-

Tu modo linque forum, linque & vadimonia Carbo.

Tantisper, tibi dum rustica cœna datur.

(a) Jacobus Sannazarius in: *Arcadia* Ecloga XII.

Antiniana, e tu perchè degeneri?

Perchè ruschi pungenti in te diventano.

Que' mirti, che fur già sì molli, e teneri?

(b) Pro foribus hujus prædii, quod hodie dum *Diana* Ducis est,
hæc habes:

PRAEDIA AEDES ANTINIANAE OLIM IO. IOVIANI PONTANI

FERDINANDO ALPHONSOQUE REGIBVS AC SAPIENTIBVS.

H. CELEBRES.

HEV TEMPORVM INCVRIA ATTRITAE

DON PETRVS OSORIO DEFIGVEROA.

POMARIA VIVARIA PALATIA

GENIO SVO CANDIDIS AMICIS CVNCTIS MERENTIBVS.

LAETIORA LATIORA RESTITVIT A. D. MDCXXVI.

(c) Alexander ab Alexandro *Genialium Dierum* lib. I. pag. 1.

(d) Pontanus *Bajarum* lib. I. pag. 3467.

cuique nostrum fat notum diem VII. Non. Novemb. D. Martino Ep. Turonensi sacrum multis civitatibus expectatissimum opipare, ac jucunde consumi (a). Ita Pontanus huic hilari instituto indulgens indolem suam vincebat ad asperum quid magis pro nam, quam ad jocos, ac festivitatem (b). Hanc animi aliquantulam duritatem, sive gravitatem dicas, quibusdam oblectamentis leniebat, præsertim *Asterione* suo, catulo, quem in deliciis habuit, & quocum joculari solitus: illum fortassis eo nomine decorandum voluit, quod quadam albescente macula ad astri speciem frontem insignem gereret: inde, morte obita ipsum inter cælestes orbes selectis carminibus collocavit (c).

Redeundum mihi est ad seriem annorum, quo vita
tan-

(a) Morem majoribus, ac selectioribus dapibus hunc diem celebrandi a Gallis nos accepisse docet ipse Pontanus *Eridani* lib. I. pag. 3583. Minime prætermittendum est doctiss. P. Carmelum in lib. Italico scripto *de variis ritib. sacr. & profan.* tom. 2. pag. 85. in longiori diatribe de origine horum *Martinalium* in Pontanum furenter iratum assurrexisse: *Qui non è altresì da taccere lo sbaglio, o la malizia del Pontano, che in guisa molto peggiore (d' Arrigo Stefano) favella della festa di S. Martino . . . l' errore di chiamarla festa di S. Martino è del volgo, non sapendosene l' origine.* At parcius, ac decentius tanto viro, præsertim poetæ, licet nimium lusciantis, personam induto, non autem historici, id objectare quivisset. Ceterum lubens ferat Carmelus, si pro Pontano breviter reponamus, nos longe demirari, ne addam, subirauci eam in elegantem sane diatriben non corrogasse, quæ doctiss. Card. Baronius tom. 7. an. 580. pag. 583. lit. E. Romæ 1596. *de Martinalibus* congeffit, & potis erat Antonius Vulpus, qui carmina Joviani ei suffecit, subdere etiam, quæ Baronius collegerat: profecto misius in poetam nostrum se gessisset Carmelus.

(b) Pontanus Dialogo *Ægidius* tom. 2. pag. 156. *Ego meopte ingenio minus sum jociis deditus, ac festivitati.*

(c) Idem in *Urania* lib. III. pag. 3005.

tanti viri ordine incedat suo, a quo parum ejus sacra Ædes, nec non domus, & Antiniana villa veluti distraherat: etenim urgent jam graviora. Ab Pontano in eminenti a Regis secretis magistratu maximis sanctimonie experimentis datis, Alphonsus Calabriae Dux imperium Regni adeptus post Ferdinandi parentis fatum an. 1494. tantum virum eo in munere confirmandum huic maximæ curæ parem voluit, ratus præmium pro ingentibus meritis (a). Quanti fecerat Pontanum Alphonsus tum ob ejus doctrinam, miramque prudentiam, tum quod lubricum adolescentiæ suæ, uti antea dictum est, sapientissime rexerat, sat mihi eloquentiæ optarem, quo palam id facerem: unam ex multis his honorum significationibus proferre mihi satis sit. Exstruxerat is Princeps *Prætorium* (b), tum ob loci amoenitatem, tum ob liberalem cujusvis cultus magnificentiam, præter grandem librorum vim, spectabile, uno lapide procul ab Neapoli situm, cujus adhuc superant prægrandes reliquæ via, quæ Nolam ducit, in quo æneam Pontani statuam inter ceteras delicias collocavit: inde ad tanti Ducis amplitudinem,

ac

(a) *Ex Regist. Cur. 4. Regis Alphonsi II. an. 1494. pag. 121. & 196. in Cancellaria, a quibus monumentis certi sumus Pontanum supremo a Secretis Regis magistratu floruisse: quæ quidem monumenta consulenda mihi tradidit libentissime Antonius Claritus Reg. Camerae Tabularii custos, rerum medii ævi callentissimus.*

(b) *Duas Regias domos, sive Prætoria animi gratia exstruxisse Alphonsum II. ait Jo. Ant. Summontius histor. Neap. lib. V. tom. 3. pag. 434. alterum intra urbis mœnia, in regione, quæ audit Duchesca, cujus tamen nulla supersunt vestigia: alterum haud procul ab urbe, quod perperam salutant palazzo della Regina Giovanna: in hoc siquidem Pontani statua ostendebatur, teste divite Francisco Asulano in Epist. ad Averoldum Præsulem Polensem apposita initio Joviani oper. Alphonsus enim junior Neapolitanus Rex, cum prætorium prope Neapolim exstruxisset, &c. Æneam igitur imaginem illam erectam*

in

ac gazas invisendas viris principibus festinantibus, nil pretiosius, ac carius se habere eisdem dictitabat, quam magistri sui imaginem, verbis usus splendidissimis, quæ, licet aliena, peccarem fane si minime attexerem: *Is est, quem in omni genere amplissimum esse & volumus, & judicamus. Is est, quem præceptorem habuisse loco summi beneficii, & honoris ponimus. Is est, cui summa omnia tribuimus. Hunc unum ex omnibus Italiæ doctissimis viris. ita fictum habere volumus, ad nostraque secreta admittere solemus, tum propter excellentem litteraturam, vitæque integritatem, & morum sanctimoniam, tum etiam propter incredibilem constantiam, & gravitatem, atque singularem in rebus gerendis industriam, & fidem. Hæc res est, quam postremo spectandam omnibus exhibemus, ut omnium honorificentissimam, & carissimam (a). Insigne, & antiquum Ducis in magistrum, tantæque dignitatis virum remunerationis exemplum. Ejusdem in Pontanum officii æmulatorem se præstitit Federicus Princeps Alphonfi frater, nam dum exercitum ducebat, ingressusque cum esset Pontanus prætorium, in quo Præfecti omnes consedebant, assurrexit Pontano Federicus, & tacere omnes jussit, en adest, inquiens, MAGISTER (b).*

Jovianus auctoritate, ac fama nobilis, & solummodo eum Regis fastigio præumbrante (c), tot claritatis suæ
lu-

in prætorio extra urbem certo scimus. Piget me Asulanum appellasse tunc temporis Regem ipsum Alphonsum, cum esset Calabriæ Dux, uti ex Angeli Costantii *histor. Neap.* lib. X. pag. 244. atque ex Summontio *ibid.* colligimus.

(a) Asulanus *ibid.*

(b) Pontanus *de Sermone* lib. V. tom. 2. pag. 240.

(c) Apostolus Zenus contra omnem historię fidem in *Voss. disert.* tom. 2. pag. 175. scribit Pontanum Neapoli *Præregia* functum auctoritate, quo de magistratu ne verbum quidem reperire est.

luminibus turpi facinore obstruxit, ac fortunam pessumdedit: & quis postea non presentibus adversa, contrariaque expectatis aut speret, aut timeat? Etenim cum sequenti anno Regno se abdicasset Alphonfus, secessit in quasi peregrinum otium (a), dominationemque filio Ferdinando II. reliquit, qui Pontanum in summæ dignitatis, qua fungebatur, gradu retinuit (b): mox Carolus VIII. Gallorum Rex, fugato Ferdinando, Regnum indeptus est: & antequam Neapolim ingrederetur, nuncium præmiserat, qui suo de adventu cives commonefaceret: atque huic continuo Pontanus Regni claves obtulit, Capuani, ut ajunt, etiam Prætorii, sive Castri, ea siquidem tunc erat Regia domus, potestate concredita (c).

At Carolus sibi metuens ob quorundam Europæ principum fœdus, qui una conjuraverant, bellumque paraverant, ut statim ipsum e Regno deturbarent, (in quo parumper commoratus est) in Templum maximum se contulit, quo majorem more, ac instituto Regiis ornamentis decoraretur. Tunc sane Jovianus, quem selegerant, ut ordinis populique verbis in eodem Templo oratoris partes implet ad dicendam novo Regi felicitatem, vel dolore injuriæ, quod Caleni, aut Polycastri dominium consequi haud quiverat, quod appetierat, vel quod veteri, ignotoque nobis in Aragonenses odio flagrabat,

(a) III. Non. Febr. Alphonfus e nostro littore solvit versus Mazaræ oppidum in Sicilia, ubi in Montis Oliveti Cœnôbio vitam sancte, casteque vixit. Franciscus Guicciardinus *hystor. Ital.* lib. I. pag. 57. Venetiis 1568. Ludovicus Antonius Muratorius *An. Ital.* tom. 9. an. 1495.

(b) Joannes Antonius Summontius *ibid.* lib. VI. pag. 510.

(c) Camillus Tutinus *ibid.* pag. 247.

bat, vel ut egregie de Gallis mereretur, vi eloquentiæ, qua ipse vigeat uberrima, hos Reges conviciis proscidit, veluti immemor satietatis gloriæ, ad quam ipsum provexerant: e contrario quantis maximis laudibus ad gentem Gallam extollendam aggressus est (a). Sed humanis rebus animi volubilitate, quæ sæpe ad infamiam homines trahit, illud non potest; etenim ab foederatis principibus exactis a Regno Gallis, quod cum iterum recuperasset Ferdinandus junior, studio in Jovianum ad invidiam converso, a quovis munere deiecit, in cuius locum Chariteus susfectus est (b). Profecto fero sensit Pontanus neutiquam in Reges exsuendam esse fidem, ob tale facinus haud parva nomini suo turpitudinis macula illata.

De privata tanti viri vivendi ratione dicturo multa mihi suppetunt, at omnia tam festinanti neque vacat eloqui, neque, cui vacat, posset. Ipse porro anticipites reliquit posteros, in florenti fortuna magis, an in adversa commendandus: uti olim de Junio Bruto certatum est, utiliore se in castris præstitit, an meliorem in toga. Quanam liberali, ac magnifica animi moderatione se ab ea fortunæ abundantia privatum tulerit, laudandum sane, si meam dicentis infantiam ipsius Pontani eloquentiæ posthabeam (c).

Por-

(a) Franciscus Guicciardinus ibid. lib. II. pag. 80. Paullus Jovius *Elog. Sannazarii* pag. 96.

(b) Ex diplomatibus autographis, quæ domi servat Ant. Claritus, ac mihi humanissime legenda præstitit, novi Chariteum Pontano successisse, eaque ita subscripta deprehendi: *Rex Ferdinandus. Chariteus Secretarius.*

(c) Pontanus *de Obedientia* lib. I. tom. 1. pag. 7. *Nec pro honoribus; magistratibus, imperiis ita contendere velitis, & digladiari, ut aut honestas deferatur, aut non interdum deponendi plus valeat, quam accipiendi ratio, quod viri fortis est, vereque magnanimi, non in honoribus, aut magistratibus decus illud positum judicantis, pro*

Porro Jovianus, quem jam Carolus VIII. urbe potitus a Regiis, ac Regni administrandis rebus omnino dimoverat (a), jampridem animo præconceperat, quin & curaverat ab amplissima principum consuetudine abesse, seque a tot publicis negotiorum molestiis abducere, quieti potius sibi visum consulere, quam famæ: hinc cum ter se ab Ferdinando I. Rege honesta missione donari expetisset, quo functus splendidissimis jam ministeriis tandem uni otio, & litteris vacaret tranquillus, postulationi nil pronus is princeps voti, consiliique compotem numquam fecerat Pontanum (b) usus tam navo prudentique adjutore ad publicam rem regendam.

Itaque ea ingenti curarum mole subductus vir priscæ hilaritatis ad privatam domesticamque vitæ rationem aggressus est, de æquabilitate, & constantia semper meritis, & qui in quibusvis ærumnis invictam animi celsitudinem gessit; hac in re mira ejus eloquii vi utendum reor, in cujus verbis inest sane nil fucosæ veritatis

ni-

quo præstantibus viris omnis solet esse contentio, sed in honestate, & pulchritudine animi, qui non ad opinionem vulgi, sed ad conscientiam seque, suæque ipse referens, non videri quidem, sed esse talis vult. Scit enim nihil fictum, nihil fucatum posse cum fortitudine convenire, in qua sint stabilia, & firma omnia, contra in illis levia, & caduca. Cavere etiam studiosissime oportet, ne secundis elati, & rerum copia affluentes, in luxuriam, superbiam, impotentiamque dilabamini, qua vitia fortibus viris omni sunt studio fugienda, quippe quibus illud propositum esse semper debet, ut nullis animi perturbationibus, affectibusque vincantur. Quid enim turpius, quam quem adversa nequit fortuna frangere, eum frangat secunda? aut qui mortis, quæ cum decore futura sit, non cesseris, cedat ira, libidini, inclementia, crudelitati? Hæc præcepta servansem, licet fortiter, viriliterque & vivere, & mori: contra vero adversantem eis, abjecte, inconstanter, effeminate.

(a) Pontanus de Prudentia lib. I. tom. 1. pag. 166.

(b) Idem ibid.

nitor: Quo in otio, & Calitibus ipsis mihi frui videor, & in ea tranquillitate vivere, ut & nunc demum & mihi ipsi, non Regibus videar omnino vivere. Possum itaque ex me ipso fidem vobis facere, bene constituto homini nihil esse optabilius, quietius, felicius, quam ubi ab negotiis, civilibusque administrationibus honeste secedenti otium contigerit, in quo mente fruatur, idest divinorum Numinum familiaritate, atque amicitia (a). In eo vitæ genere a Regum negotiis procul beatissimum ab iis amotum adeo numquam poenituit, ut an. 1501. magistratum, in quo maximas sibi quævisset opes, ab Ludovici XII. Gallorum, & inde Neap. Regis Præfecto oblatum lubentissime recusaverit, testatus senectutem se non locupletiores, sed occupatiores acturum, quando benignitate Superum sibi honestæ satis fortunæ suppetebant (b). Ratus igitur id temporis idoneum studiis litterarum indulgendi, totum sese iis abdidit: hinc clarissimis viris Tristano Caracciolo, & Francisco Puderico hortantibus (c), qui fuere par selectissimum amicorum, quinque libros *de Prudentia* scripsit, eisdemque dicavit. Et ut Andreæ Matthæi Aquivivi Hadriensium Ducis optatis responderet, grande volumen *de Rebus Cælestibus* absolvit, quod ob publici ministerii onus spatium annor. 20. intermiserat (d). Ejus ingenii ubertas protulit etiam libros sex *de Sermone* annos natus tres & septuaginta (e), quos inscripsit eloquentissimo Jacobo Mantuano e Divi Dominici familia. Denique vir scribendi quæque capacissimus ætatem

(a) Idem ibid. post pag. 166.

(b) Idem dialogo *Ægidius* pag. 170. tom. 2.

(c) Idem *de Prudentia* lib. I. tom. 1. pag. 147.

(d) Idem *de Rebus Cælestibus* lib. I. tom. 3. pag. 97.

(e) Idem *de Sermone* lib. I. tom. 2. pag. 185.

tem an. 75. transgressus dialogum *Ægidius* nomine exaravit (a), eo quod Ægidio ex Eremitis Divi Augustini, viro ob multiplicis doctrinæ famam spectatissimo, hinc ob merita ejus Julii II. Pont. indulgentia universo suo Ordini præfuit, atque ab Leone X. inter Cardinalium virorum Senatum allectus, nuncupaverit (b).

Quoniam autem viri ad tantæ virtutis, & doctrinæ exemplar geniti amicis sibi simillimis non carent, nunc urget opportunitas, ut de bene multis maxima fama, & generis splendore, quibus Jovianus semper effloruit, paucos seligam, atque arcta brevitate recenscam. Quorum princeps sit, qui illum in præcipuo honore habuit, & familiarissime a juvenilibus annis usus est, Antonius Panormita: huic Pontanus dialogum inscripsit *Antonius*. Neque prætereundus Laurentius Valla, cujus nomen in eruditorum censu tantum inclaudit: hic cum Neapolim Alphonsi I. Regis honestandi gratia advenisset, Joviani adhuc adolescentis indolem demiratus, cum eo plurimam sancivit amicitiam (c). Par carius amicorum præ Sannazario, ac Pontano haud scio an invenire sit in historiis: in eo siquidem Actius requiem plenam oblectationis reperit. Quantum

(a) Procul dubio evincitur hac tempestate, nimirum an. 1501. *Dialogum* hunc scripsisse, nam pag. 156. loquitur de Petro Compatre nuper mortuo. Vide hujus libelli pag. 44.

(b) Paullus Jovius in *elog. Ægidii* pag. 103.

(c) Pontanus de *Sermone* lib. I. tom. 2. post pag. 193. scribit de Laurentio (quem Vallensem appellat): *Homo maxime studiosus, quem senem adolescens ipse noverim, cumque e Roma se Neapolim contulisset ad Alphonsum Regem, & inviserim etiam reverenter pro illius, meaque ætate, & plures post congressiones maxime familiares, ita ab eo discefferim, uti ex eo de me nisi pleno, atque amico ore locutus fuerit numquam.*

tum otii , & temporis hi duoviri una contriverint , palam omnibus est . Quo cultu illum profecutus sit Syncerus , is unus non noscit , qui in hujus carminibus hospes sit , in queis , præter multas egregiæ existimationis significationes , *senem sanctum* salutat (a) . Vicissim in Pontano parilis in Actium elucet amicitiae virtus , qui dialogum *Actius* cognomento conscripsit , nobisque sistit de poeticis numeris , deque historiae legibus perquam egregie edisserentem : quin ad eundem in Gallia commorantem paullo ante obitum extremam suarum epistolarum , quod a Petro Summontio teneo (b) , misit (c) . Vixit etiam conjunctissime cum Alexandro ab Alexandro , admirandæ eruditionis viro , qui non semel in immortalis *Dierum Genialium* volumine Pontani sui commemoravit . Non obliviscendus Joannes Ber-

- (a) Lib. I. Eleg. IX. v.97. *de studiis suis , & libris Joviani Pontani* .
 (b) Ex verbis Summontii tom. 3. pag. 299. *Pontani epistola , qua de veterum libris judicat per Actium Syncerum inventis* . Hanc ne sine dolore legas , ultimam , lector , scias post innumerabiles alias , quas tum publicis , tum privatis de rebus , immortalitate dignus vir ille olim divinitus scripserat .

(c) Non abs re futurum reor epistolam hanc subijcere , quæ ibidem legitur .

Pontanus Syncero animi firmitatem D.

*Quæ ad Pudericum scripsisti , ea me mirificum in modum delectarunt , sunt enim plena pietatis tuæ erga vetustatem , ac diligentia . Quo circa vel aventissime exspecto videre Ovidianos illos pisciculos in Euxino ludentes , Meotideque in palude . Quod vero ad venationem attinet , visus est mihi vates ille lepidus , numerosus & cultus , deque eo , si recte memini , fit ab Apollinare mentio in hendecasyllabis . Rutiliani illi versiculi enodes sunt , & nitidi , cultus vero ipse peregrinus , potius quam urbanus , ne dicam arcessitus . Sed de his omnibus , cujus erit judicium rectius , aut probatius , quam tuum ? Ego , ut dixi , mirifice exspecto Ovidianos illos *ἄλωτας* , nobis incognitos , præsertim sub quadragesimale jejunium . Tu vale , & in isto voluntario exsilio , seu potius peregrinatione dignam nobilitate tua fortitudinem retine . Neapoli Idibus Februarii MDIII.*

Bernaudus, qui sibi famæ plurimum, ac laudis depeculari visus est, quod binas litteras a Joviano, quarum adhuc prostat exemplar (a), acceperit. Angelus Colotius Bassus non modo coluit Pontanum vivum, sed & eidem mortuo statuam erigendam in animum induxit (b). Addas Petrum Summontium Joviano carissimum, quocum in Antiniana villa sollempne habuit sermones, qui de rebus naturalibus versarentur, ferere (c): nec non Aldum Manutium, virum de re literaria cum paucis egregie meritum, cujus doctrinam cohonestavit Jovianus, dum librum decimum *de Rebus Cælestibus* ejus nomine insignivit, & non unum ingenii sui opus ejus typis edendum concredidit (d). Quanta cum Petro Bembo etiam benevolentia magnitudo intercesserit, neminem latere reor: etenim ipsi librum septimum *de Rebus Cælestibus* inscripsit. Deum tanti æstimavit Jovianum Franciscus Pudericus Neap. Patricius, ut in isthæc plena amoris verba toties proruperit: *Aspicite virum hunc, amici, dum licet: hujus, dum licet, aspectu ensaturate oculos, non multos dabitur intueri Pontanos* (e). Longior sane abiret sermo, si præterea, quæ arcta viguit consuetudo, adjiciam cum Francisco Gonzaga Mantuæ Domino, Roberto Salernitanorum Principe, Consalvo Ferdinando Magno, Paulo Cortesio, Antonio Gueguara Comite Potentino, Cosmo Puccio Florentinorum Præfule,

(a) In fine opusculi Bernaudi *Zorica* inscripti. Neap. per Joannem Jacobum Carlinum.

(b) Petrus Summontius in *epist. ad Angelum Colotium Bassum* apposita initio Pontani oper. *de Immanitate*.

(c) Pontanus *de Rebus Cælestibus* lib. VIII. tom. 3. post pag. 219.

(d) Petrus Summontius in *epist. ad Actium Syncerum*, quam legere est in volumine Joviani carminum Neap. edito an. 1505.

(e) Petrus Summontius in *epist. adnexa dialogo Actius*.

fule, quos omnes aliquot opusculorum nuncupatione honestavit.

At quamvis amicorum copia dives esset Jovianus, atque præter Reges, in primisque Alphonsum II. Calabriae Ducem, cujus nomen libris *de Fortitudine*, ac *de Principe* ornamento est, atque fere universis floruisse, quos in Academicorum albo superne adscriptos vides: intemperatam tamen, ut ita dicam, & veterimam benevolentiam locavit in duoviris elegantissimi leporis Marino Tomacellio Neapolitano Patricio, & Petro Compatre, quem ut ait ipse, laborum socium, ac studiorum habuit (a). Quanta fuerit urbana, liberalis, ac festiva trina horum senum doctissimorum societas, quantaque hilaritate affluerit, intelliges summa animi voluptate ex Pontani eloquentia, ac verbis, quo si mea scribentis nil sapiant, his condiantur: *Considerant mecum meis pro foribus idem hic Marinus, & Petrus Compater homo jucundissimus, magna senectute tres, cano capite omnes, nullis dentibus, multis tamen, ac prope tercentenis annis. Præteriens igitur adolescentulus demiratus cum esset treis annosos vetulos, albertibus capillis, maxime hilari vultu, & joculari cum prætereuntibus, & arridere salutantibus, hic Marinus in ipsa illa adolescentis admiratione tanto cum lepore Virgilianum effudit illud,*

*Tercentum nivei tondent dumeta juvenci,
ut risum non tenuerint, senem qui audierunt, eo in sensu tam opportune, adeo præter expectationem, ac perquam concinne modulantem. Isque confestim risus ingeminatus est, nam derisui cum haberetur a nobis, qui præteribat juvenis obeso corpore, obesiori ingenio, ma-*
nime

(a) Pontanus dialogo *Ægidius* pag. 156. tom. 2.

nime obefis moribus , tum a festivissimo , & perquam-concinno juvene Petro Summontio , & festivo admodum , & pervenuste injectum est Virgilianum aliud , quamquam dimidiatum e Georgicis , Longamque trahens inglorius alvum : ut protractus risus fuerit in Cbaritei adventum , qui animadvertens senum trium tam aequalem canitiem , quid , inquit , hic ad fores ? an inallescere cupitis ? cum Alpes videamus nivibus oppletas undequaque concanescere (a) .

Hac vivendi ratione octo annorum curriculo , a publicis molestiarum curis absolutus , usus est sapientissime , nempe vel in cultu amicorum , vel in rei publicæ adjumento doctis libris , ac laboriosis scribendis . Interea mortalitatis memor Hieronymo Borgio , quem in quavis arte bona instituerat , breve hoc elogium , ac ponderosum sepulcro suo insculpendum commendavit (b) , quod adhucdum in ejus sacra Æde visitur : VIVUS DOMUM HANC MIHI PARAVI , IN QUA QUIESCEREM MORTUUS , NOLI OBSECO INJURIAM MORTUO FACERE , VIVENS QUAM FECERIM NEMINI : SUM ENIM JOANNES JOVIANUS PONTANUS , QUEM AMAVERUNT BONÆ MUSÆ , SUSPEXERUNT VIRI PROBI , HONESTAVERUNT REGES DOMINI . SCIS JAM QUI SUM , AUT QUI POTIUS FUERIM . EGO VERO TE HOSPES NOScere IN TENEBRIS
NE-

(a) Idem de Sermone lib. IV. tom. 2. post pag. 228.

(b) Apostolus Zenus in *Voss. Dissert.* pag. 178. dum de Joviani obitu loquitur , his Hieronymi Borgli verbis utitur , qui lib. IV. hist. MS. de bellis Ital. ait : *Antequam decederet , Hieronymo Borgio suo alumno hoc epitaphium supra sepulcrum sculpendum dedit : Vivus domum hanc mihi paravi , &c.* Quisque videt , quam contraria sint , quæ exhibet Morerius in magno *Lexico hist.* Pontanus s' étoit fait élever un tombeau magnifique ; mais il oublia de mettre dans son testament , quelle epitaphe on y devoit graver des quatre , qu' il avoit composées .

NEQUEO, SED TE IPSUM UT NOSCAS, ROGO. VALE (a).
 Demum annos natus septem ac septuaginta paullo post
 Alexandri VI. Pont. fatum diem supremum obiit, nempe
 an. 1503. media autumni tempestate (b), æterno
 suæ

(a) Exstant in lib. II. *Tumuloz*. pag. 3430. hi sepulcrales versus, quos etiam sibi condidit Pontanus procul dubio ad musas excolendas, quosque, utpote sat elegantes, & feracis ingenii vim præferentes, adscribendos reor:

*Dic age, quid tumulos servas, Dea? nostra tuemur
 Jura. Deos cinerum num quoque cura tenet?
 Hac mihi prima quidem cura est. Quid concutis alas
 Usque? Fugo tenebras; quo vigeant tumuli.
 Quid sibi, qua collo pendet tuba? Nomen amico
 Dat cineri, ad tumulos hac ego gesta cano.
 Dic agedum, manes cujus hi? Vatis, at urnam
 Officio posuit docta Minerva suo.
 Hos tumulos Jovianus habet: qua fersa vivescant,
 Lecta suis manibus disposuere Dea.
 Sed manes ne quere die: per amœna vagantur
 Præda, sonat rigus sicubi murmur aquæ.
 Nympha adsunt, & adest dulcis Charis: aurea cantu
 Fila movent: leni concinit aura sono.
 Nocte illum complexa fovet nitidissima conjux,
 Fervet, & a nulla parte refrigit amor.
 Hæc illi comes in tenebris, quas vincit amoris
 Lucia fax: gemina luce coruscat amor.*

(b) Non unus mihi testis suppetit, quo ætatem hanc obitus Pontani firmem: præsto est Hieronymus Borgius in MS. ibid. *Paullo post Alexandri (VI.) obitum medio autumno magnus Pontanus ad immortalem vitam migravit.* Idem sentit Paullus Jovius, qui & mensem indicat in ejus *Elog.* pag. 61. *Fato autem functus eodem mense, quo Alexander VI. vita excesserat.* Arridet id, quod chartis suis mandavit Schraderius *Monument. Ital. Lib. I.* pag. 231. qui affert carmen, quod tunc temporis Pontaniano Templo adscriptum asserit:

foLVItVr eXCeLLens fatIs IoVianVs In aVras,
 at LIbros nVnqVaM parCa aboLebIt Iners.

Ex hisce versiculis, si simul coagmantes, quotquot vides majora elementa, atque ab littera M incipias, annum 1503. quo quidem mortuus est Pontanus, extundes. Hinc quisque demirabitur Vossium de *Scriptor. Latinis* pag. 607, hæc scripsisse: *Obiit autem* (Pontanus)

suz virtutis desiderio relictō: illatusque in gentile monumentum, quod vivens sibi paraverat (a). Piget me haud invenisse, qua honestatis pompa, ut moris est, tot amicorum maximi nominis pietas funus illius decoraverit. Sed ab locuplete teste scimus, quantis mœroris, & lacrymarum officiis tanti viri mortem prosecuti sunt ejus familiarissimi, ita ut & litteris luctu plenis absentes certiores fecerint se sapientissimum, jucundissimum, ac carissimum senem, Academiæ suæ patrem amisisse complorantes (b). Virilem prolem non reliquisse Jovianum certo constat (c); duos enim natos habuit Lucium Franciscum, & Lucilium, quos vivus composuit felices (d).

Haud mihi allaborandum fuit, ut corporis formam ex
fui

etatis suæ 78. Christi an. 1503. eopse mense, quo Papa Alexander VI. decessit: pro certo enim habetur Alexandrum VI. undec. Kal. Septembr. an. 1503. e vita cessisse. Jure igitur asserui Pontanum annos natum septem, ac septuaginta diem supremum obiisse media autumnii tempestate an. 1503. fretus præsertim auctoritate Hieronymi Borgii, qui & morienti Joviano assederat.

(a) Quis autem non satis diu indoleat, neque in Pontani fano, neque in hypogæo ejus cineres, perquam sollerti cura adhibita, reperiri haud quivisse: sicuti uxoris Adrianæ, & filiæ Luciæ ossa inventa sunt, & decentibus loculis composita. Porro quis mihi intercedat, quin suspicer ad superiorum temporum dedecus, ab sacra Ædæ omni religioso cultu amoto, propterea quod in hypogæo perditissimos homines, ac capitales se oculuisse narrant, quibus in more est omnia sursum deorsum pervertere, quieto Pontani cineri injuriam fecisse?

(b) Bernardinus Tafurius in libello Italice conscripto *de Scientiis, atque artibus*, &c. pag. 150. affert verba Antonii Galatei in epist. MS. *de morte Pontani ad Hieronymum Carbonem: Potuisses unquam, mi Carbo, credere quot lacrymas, & gemitus attulerint mihi primo aspectu tam tristes, ut scribis, & ut par est, litteræ tuæ, in quibus sapientissimi, jucundissimi, ac carissimi senis, patris Academia nostra Joviani Pontani mortem deploras.*

(c) Vide adnotat. hujus libelli pag. 26.

(d) Legas, quæ diximus pag. 29. lit. (a) & pag. 34. lit. (a).

fui ævi historicis scrutarer, cum Jovianus ipse illam bonis eloquii sui coloribus illeverit: *Fuit itaque bona, & recta statura, fronte lata, calvo capite, superciliis demissioribus, acuto naso, glaucis oculis, mento promissiori, macilentis malis, producta cervice, ore modico, colore rufo, adolescens tamen perpalluit, reliquo corpore quadrato. Unum nunc illi male contigit, nobis amicis non incommode, quod pede altero debilius cum sit factus, in deambulationibus remissior futurus est* (a). Verum ipse, quamquam non unas Pontani effigies vividas cives se nactos esse jactent, eam huic libello affigendam ratus sum perquam germanam, utpote Sannazarius exprimendam curaverat, quæ sane aut omnino, aut maxima ex parte respondet his Joviani verbis; & quo pacto eam fortuna mihi obtulerit, infra adjectum est (b). Elegans, & temperatum
ipsum

(a) Pontanus dialogo *Antonius* tom. 2. pag. 89.

(b) Scio multas Pontani effigies a possessoribus civibus, & peregrinis ostentari, vel pictas, vel fictas, & quisque suam nil dubiam inculcare satagit: attamen ego hac in re deprehendi omnes simul conferens tot vixisse Pontanos, quot imagines nobis objiciunt; etenim nullum vidi inter ipsas inesse instar, utpote ab alienis, diversisque personis expressas. Præ ceteris illa celebratissima est, quæ in templo Olivetanorum visitur in Sacello Gentis Oriliæ, ubi Christi Domini Sepulcrum intueri est, atque deprædicant Nicodemum exhibere nobis Jovianum, Josephum vero ab Arimathæa Sannazarium, ex argilla ad humanam, quanta est statura, effictos: quin in libris id nostros posteris tradere nil pudet. Porro non tanti erat opinionem hanc tamdiu præjudicatam continuo exfuisse, quando quisque novit hanc Josephi effigiem tanto absimilem Sannazarii protomæ ex marmore, quæ in ejus miræ artis sepulcro imposita est, quanto ipse vir Arimathæensis erat Actii vultui dispar. Non me fugit hujus erroris tam constantis, & quem præfractæ tuentur, in causa fuisse Engenium Caracciolum in *Neap. Sacr.* pag. 510. quem nescio quam excogitandi libertate binas illas ex argilla statuas Sannazarii esse, & Pontani scribere non pœnituit provocantem ad Raphaelæ Borghinum, & Georgium Vasarum: quando ne verbum quidem apud Borghinum in lib. qui inscribitur *il Riposo*; & Vasarum sibi omnino adversum non animadvertit: isthæc enim is
in

ipsius Pontani dicendi genus mihi optarem, quo ejus animi faciem, ingeniique dotes expromerem, sed lubentius quivis in tot scriptis ab ipso operibus deprehenderet. Quamvis autem austerum præ se ferret supercilium, sermone erat jucundus, ac perurbanus (a); elucebatque in eo mira eloquentia, ac facundi oris gratia, qua ejus volumina exuberant. Sed nemo Petro Summontio felicior de ejus elegancia sermonis acceptissimam protulit sententiam: *Genus autem dicendi, in quo maxime ætas nostra decipitur, ita ad antiquorum imitationem effinxit, ut nihil te in eo peregrinum offendat, nihil conquisitum, atque, ipse dicere solebat, violatum, sed unumquod-*

in *Vitis Pictor. &c.* tom. I. pag. 352. Florentiæ 1568. adnotavit: *Modanino da Modena, il quale lavorò al detto Alfonso (loquitur de Alphonso I.) una Pietà con infinite figure tonde di terra cotta colorite, le quali con grandissima vivacità furono condotte, e dal Re fatte porre nella Chiesa di Monte Oliveto di Napoli, Monasterio in quel luogo onoratissimo: nella quale opera è ritratto il detto Re in ginocchioni, il quale pare veramente più che vivo. Onde Modanino fu con grandissimi premj remunerato: ex quibus verbis certi sumus non potuisse Alphonsum jubere, ut Modaninus Sannazarii imaginem effingeret, cum Actius eodem anno, quo obiit Alphonfus, in lucem editus sit, ut ex ejus tumuli titulo discimus: quare nemo unus facile mendacio Engenium purgabit. Quod de Sannazarii, idem dicas de Pontani effigie. Hinc cum isthæc non pauca tanti viri gesta collegissem, ejus certo vultu deferi mecum conquererem: at bene mihi fuit, cui Oratorii nostri bibliothecam locupletissimam evolventi pœseon Pontani exemplar occurrit, quod Sannazarius Aldo Manutio dono miserat, vario ornamentorum genere, & ipsis Manutiorum stemmatibus ex auro dives, & præter nitidissimos characteres, atque binas Joviani sui imagines ab ære cavo expressas insigniri umbilicorum instar curaverat: hanc sane uti certam, germanamque effigiem ejusdem magnitudinis huic meo libello præfixi, eo magis securus, quod in fine voluminis litteris majoribus hæc propria manu Sannazarius subscripserat, ALDO SUO ACTIUS SYNCERUS. Si vero nasi extremitatem non acutam, sed parum obtusam excipias, pernosces tamen reliquas partes omnes, uti se ipse descripserat Jovianus, respondere.*

(a) Paullus Jovius in *Elog.* Pontani pag. 60.

quodque plane Romanum videatur (a). Porro ecquis non demiratus est in publica re gerenda, ac tanta negotiorum mole singularem consiliorum præstantiam, & maturitatem? Circa Deum, ac religionem nihil negligentior, & quanti, & quam salubres duxerit, & reueritus sit nostras Christianorum Leges, ac instituta, ipse his verbis tradidit posteritati: *Constantissime quidem teneri, omnique e parte credi oporteat, ac si quis secus sibi persuaferit, deque iis modo aliquo dubitaverit, habeatur in hæreticorum, ac perditorum hominum numero, atque ea necesse est, ut & profitearis, & ubi usus evenerit, asserendis illis digladiare, atque emoriare potius, quam abneges* (b). Nihil sibi capitalius visum est, quam iniustitiæ crimen, illamque vocabat *omnium vitiorum pessimum, ac deterriimum* (c). Quam integer, & frugi fuerit, atque in expetendis opibus temperatissimus, non unum in illis, quæ narrata sunt, specimen dedimus, contentus iis tantummodo, quas *maximo labore, summa integritate, suo tantum unius ingenio, propriisque animi viribus sibi comparaverat* (d). Verum tot virtutum lucem non una vitiorum labes infecit. Pontanus ambitiosi honoris gratia famosum illum dialogum *Asinus* conscripsit, qui plurimum ei famæ detraxit, sicuti norunt, quotquot evolvendum suscipiunt. Audiit etiam maledicentissimus in dialogo *Charon*; in eo siquidem perquam mordax est, & non solummodo sibi notos

(a) Petrus Summontius in epist. ad Franciscum Pudericum patricium Neap. quam legere est in initio dialogi *Asinus*. Franciscus Floridus Sabinus *Apolog. in Latina Lingua calumniatores Scriptorum* pag. 109. Basil. 1540. de Pontano scribit: In dicendo copiam, facilitatem, elegantiam, & proprietatem.

(b) Pontanus de *Obedientia* lib. I. tom. I. pag. 11.

(c) Idem ibid. pag. 12.

(d) Idem de *Rebus Cælestibus* lib. I. pag. 97. tom. 3.

tos lacerat, sed cujuscumque conditionis homines, civitatesque ipsas acerba scribendi licentia proscindit, ita ut de eo dictum sit *nemini lingua pepercisse* (a). Atque nemo unus commendaverit, quod in fingendis quibusdam carminibus sæpe impudentiæ morbo laborat. Omnium vero probrosum, ac turpe in suos benemerentissimos Principes non fervere fidem.

Reliquum est, ut de ejus doctrina, ac scriptis aliqua delibemus, persequi enim omnia disertissimum quemque deterreret: erant siquidem in eo quodvis genus litteræ nec vulgares, sed interiores, & exquisitæ: eloquendi vim, & copiam, quæ est una ex summis virtutibus, plenam dignitatis, ac sapientiæ affectum consentiunt universi, atque ornasse, quæ voluit, omnesque omnium rerum, quæ ad dicendum pertinent, fontes animo, ac memoria continuisse. In ejus stylo emicat eximia suavitas Atticorum, & Romanorum propria, ut felicissimo Augusti ævo natus esse videretur, uti quidam effari non dubitarunt (b). Mirum sane est, quantum Græce didicerit, nam præterquam quod universa sua volumina Græcis vocibus opportunè adperfit, Ptolemæi sententias explicatu sat operosas Latine iterum, & clarius vertit, & commentariis, ut superne dictum est, earum veritatem patefecit: præter hæc Græce cultissimum evasisse prædem habeo præclaram illam epistolam (c), & fortasse cuique no-

tam,

(a) Julius Cæsar Capaccius *elog. illustrum Viror.* pag. 377. Neap. 1608.

(b) Franciscus Floridus Sabinus *ibidem*.

(c) V. tom. 3. post pag. 298.

Jovianus Pontanus Petro Salvatori Valla,

& Joanni Ferrario S.

Est verecundia mea vix dignum esse arbitror, ut alieno labori meum nomen inscribam, tamen Petro Salvatori Valla, & Joanni Ferr-

tam, in qua uber inest Græcarum rerum cognitio, & sententiarum gravitas, quam scripsit annos quatuor & triginta natus Kal. Jan. 1460. misitque Petro Salvatore Vallæ, & Joanni Ferrario iudicium de Herodoti Musis ab Laurentio Valla viro sagaci in Latinum converter-

Ferrario aliquid a Joviano postulantibus difficile dictu esset non concedere. Efflagitastis enim, ut quoniam Halicarnassei Herodoti historiis mirum in modum delectaremini, quas nuper Laurentius Vallenſis in Latinum convertisset, sed morte præventus, incepto operi ultimam nequiverit manum imponere, id brevi saltem testarer epistola, ne tantus labor, a quo susceptus fuerit, id posteris esset incognitum. Feci itaque non invitus, ut rogatu vestro eruditissimi hominis fama consulerem, quem & vivum amavi, & mortuum etiam lacrymis sum proſecutus. Hujus autem suscepti operis ratio hæc fuit, quod cum ille Neapolim se aliquando contulisset salutandi Regis Alphonsi gratia, cui multos ante annos esset cognitus, & de rebus Persarum, ac Græcorum multus inter eos sermo esset exortus, rogatus est a studiosissimo Principe, ut Herodotum, quem ea diligentissime complexum esse sciret, sibi Latinum redderet. Quod cum ille Regi de se benemerito, ac honesta præsertim petenti non denegasset, ne operam suam, ut erat pollicitus, omnino præstaret, immatura mors effecit. Quo mortuo, Rex libros eos, ut erant, Roma sibi deferendos curavit, & in bibliotheca sua diligenter asservari jussit. De hac autem tota conversione quod meum sit iudicium, novistis. Mallem enim unumquemque sua, quam aliena ad nos afferre. Equidem & Ciceronem existimo, si viveret, gravato id animo esse laturum, si quis Oratorem suum Græce loqui faceret, & Demosthenem stomachaturum, si quæ ipse Attice scripsisset, alia quispiam lingua eloqui vellet. Quod autem ad Herodotum ipsum attinet, sane id est, ut existimem tanti viri ingenium non parum omnes admirari debere, qui res tam varias, ac tanta diligentia conquistatas, ea suavitatē, artificisque explicaverit, ut nihil omnino sit, quod ejus laudibus recte detrahi possit; nisi forte id aliquis calumniari velit, quod nonnulla apud eum ita legantur, quam facta potius esse videantur; quæ culpa non magis scriptoris, quam temporum illorum est existimanda; quam ego vel potissimam reor esse causam, cur novem ille Musarum nominibus libros suos inscripserit, quasi ipsa operis inscriptione apud posteros id testatum relinquere cuperet. Nam & temporibus non omnino repugnari potest, & Musis aliquanto etiam liberius, ut scitis, loqui concessum est. Sed de hoc licet alii quoque suum afferant iudicium; nihil enim

verſis expoſtulantibus . Jure igitur ſe ipſe dicit Græcorum ſtudioſiſſimum , eorumque venerari diſciplinæ , ac ingenia ſuſpicere : attamen quidam ex otioſis , & loquacibus Græculis (a) , fortasſe ob invidiam , quæ urebantur , eo quod Pontanus præ iſſis longe Græce ſaperet , ei illudere , ac maledicere minime veriti ſunt : hinc Jovianus eoſdem , conſicto Regis edicto , voce maxima citante præcone , inſectatur , uti habes ex dialogo *Antonius* , in quo ſat ſeſtively colloquuntur *Hospes Siculus* , & *Compater Neapolitanus* ; verba præſtat hic apponere ad legentium voluptatem : *Hospes : Sed præconem hunc audiamus , qui tantam ſibi facit in populo audientiam : Regium videlicet edictum ; numquam vidi turgidiores buccas ; puto ego hominem fermento veſci : quos clamores Dii boni !* Præco : LICERE , FASQUE ESSE JOVIANUM PONTANUM , QUI HABITAT IN PROXIMO , TUTO EGREDI DOMO , TUTO PER URBEM INCEDERE , TUTO ETIAM DE REBUS LATINIS LATINUM HOMINEM DISSERERE , ISTOS VERO GRÆCISSANTEIS HOMINES , ATQUE ITALOGRÆCQS NIHIL EI MALEDICERE , NIHIL INCESSERE , NON OCULIS , NON BARBA , NON SUPERCILIIS , NON DENIQUE ULLA GRÆCA ARTE ILLUDERE . HOC REGEM IPSUM EDICERE . SI QUIS SE-

CUS

enim obſiſto . Satisfeci , ut opinor , cupiditati veſtræ , quod ſi brevior fortasſe ſum , quam erat veſtrum utriusque aviditas , id occupationibus meis attributis . Ad hæc , & Laurentii noſtri , & Herodoti iſſius laudes majores multo ſunt , quam ut eas brevis epiſtola complectatur . Reliquum eſt , ut vos ad legendas hiftorias adhorter , ex quibus , ſi animi quærat voluptas , non eſt ; unde major percipi poſſit , ſi vitæ commoditas , haud ſerme invenietur , ubi plura , melioraque exempla reperiantur . Valete . Neapoli , Kalendis Januariis 1460 .

(a) Pontanus Dialogo *Antonius* tom. 2. pag. 70. ſat facete Græculos deſcribit : *Hos ventris crepitibus ſimiles dicebat Antonius (Panormita) nares tantum offendere , cetera ventium eſſe , ſiquidem ventroſos eſſe , ac putidos .*

CUS. FECERIT, BARBAM EI EVELLERE IMPUNE LICERE, PILEUM AUFERRE, CREPIDULAS ERIPERE. QUOD EDICTUM SANCTUM ESSE OMNES SCIUNTO, IDQUE TUBA HAC TESTOR. Hospes: *Quid obsecro Joviano huic Gracine tam sunt infesti?* Compater: *Quin ipse Græcorum est studiosissimus, eorumque veneratur disciplinas, ac suspicit ingenia, nec est quod Græcos timeat. Esse autem nostrates quosdam adolescentes, eosque nuper e Græcia rediisse, qui cum nec Græce sciant, nec Latine, esse tamen gloriosissimos, quibus si barbam, pileolumque ademeris, nihil omnino Græcum habeant. Eos ait O Græca, O Latina orationis inculcatores esse, ubi cum Græcis fuerint mussitare, cum Latinis autem mirum esse, quam Græce omnia. Hinc illos irasci, O pæne furere, horum timeri audaciam, cervicesque insolentissimas:* Hospes: *Quid ipse didicitne Græcas litteras?* Compater: *Eas adolescens attingit, sed in Italia, nam in Græcia magis nunc Turcaicum discas, quam Græcum (a).*

Scribendi ratio postularet, ut Pontani libros, tum in ligata numeris, tum in soluta oratione recenserem, ac sigulorum argumenta striete hic attexerem; verum & eorum copia, & multiplici varietate rerum me obrutum sensi: & quodvis ingenium perspicax eo in periculo hæreret, ac continuo se ab incepto revocaret: hinc mihi bene consuluisse ducas, quod in hujus libelli fine multa arte perpolitam Sannazarii *Elegiam IX. de Libris Joviani Pontani, cum Petri Volamingii annotationibus*, adnectam: at scio in hoc Volamingii labore quibusdam in locis curam diligentiorē desiderari. Interea subiecto in margine omnium ejus operum indi-

(a) Pontanus ibidem.

dicem subscribam (a), quo constet, quantum operæ impendendum, si uniuscujusque libri argumentum in breve quis cogere velit, & quantum proluxa, quin & molesta legentibus mea abiret oratio. Porro cujus eruditionis, elegantisque doctrinæ documentis referta sint Pontani volumina, vel quibus rectissimis studiis, atque artibus excultum in iis se ostentavit, ejus eloquentiæ virtute indigeret quisquis id præstare audeat: quan-

ta

(a) Joviani libri in soluta oratione.

DE OBEDIENTIA LIBRI V.
DE FORTITUDINE LIB. II.
LIBER DE PRINCIPE.
LIBER DE LIBERALITATE.
LIBER DE BENEFICENTIA.
LIBER DE MAGNIFICENTIA.
LIBER DE SPLENDORE.
LIBER DE CONVIVENTIA.
DE PRUDENTIA LIB. V.
DE MAGNANIMITATE LIB. II.
DE FORTUNA LIB. III.
LIBER DE IMMANITATE.

DE ASPIRATIONE LIB. II.
CHARON DIALOGUS.
ANTONIUS DIALOGUS.
ACTIUS DIALOGUS.
REGIDIUS DIALOGUS.
ASINUS DIALOGUS.
DE SERMONE LIB. VI.
DE BELLO NEAP. LIB. VI.
CENTUM SENTENTIÆ PTOLEMÆI
CUM EXPOSITIONIBUS.
DE REBUS CELESTIBUS LIB.
XIV.

LIBER DE LUNA IMPERFECTUS. Mœrentissimus quisque legat isthæc Petri Summontii tom. 3. post pag. 298. Opus hoc de Luna in Pontani scriptis, ita ut vides, mancum invenimus, cujus reliquum, ut alia etiam nonnulla, post auctoris obitum, amissum est heredum incuria. Nec & his profecto, quæ nunc habemus, eadem non incuria obfuisse, nisi hos id ipsum vitantes periculo statim occurrissemus, ereptisque tamquam e naufragio arctæypis, salva per nos res fuisset. Quare discant præcavere sibi quisunque litteris aliquid mandant, nec se temere, si sapiunt, posteritatis committant negligentia. Vale.

Franciscus Asulanus in epist. ad Averoldum Præsulem Polensem ibid. perquam illustri elogio complexus est omnes Joviani libros: Quid enim unquam majore judicio, & elegantia de obedientia, de utraque fortitudine heroica, & domestica præceptum est? quæ ad fugiendam avaritiam, & liberalitatem colendam magis subsidiaria præcepta dari poterant? quæ ad pondentem virum ab imprudenti secernendum, & magnanimitatem servandam, & fortune vim intelligendam, & immanitatem detestandam majore copia, ingenio, acumine excogitata unquam fuerint? Quæ vel potiora ad legendum, vel ad

ta profecto cogitationum vi & varietate, sententiarum luminibus, ac ubique rerum novitate animos percellit! Ac de eo sane prædicandum non tam vixisse, quam cogitasse, ad quaslibet abstrusiores disciplinas non doctum, sed factum. Ipse de rebus divinis, de prudentum legibus, ac scitis, in primisque quæ ad ethicen spectant, gravem, & frugi sermonem instituit: non illi latere quidquid in astronomicis, atque in medica arte vel opi-

imitandum accommodatiora in scriptis relinqui poterant, quæ illa principis educandi præcepta, quæ ad Alphonsum tum Calabria, ut inquit, Ducem misit? Adde tot dialogos, & de rebus gravissimis disputationes, in quibus cognoscendis majorem fortasse utilitatem capere possumus, quam cum Lucianum bonos omnes insectantem, & dignitati cujusque generis hominum illudentem legimus, ubi multum scurrilitatis, urbanitatis parum deprehendimus, quod veteres item in Aristophane annotarunt, quem propterea etiam multo inferiorem Menandro statuere nisi sunt. Quid de historia dicam? tam ornate, copiose, & prudenter scripta, ut illa sola si exstaret, & reliqua illius opera desiderarentur, auctoris sui nomen in perpetuam memoriam propagare posset. Quæ ex antiquitate monumenta amplioris doctrinæ habemus, quam expositiones centum sententiarum Latine loquentis Ptolemai, & illa omni laude cumulata rerum celestium volumina.

Pontani libri in ligatâ oratione.

URANIA, SIVE DE STELLIS LIBRI V.

METEORORUM LIBER.

DE HORTIS HESPERIDUM LIB. II.

LEPIDINA, SIVE PASTORALES POMPE SEPTEM.

MELISEUS, MÆON, ET ACON.

AMORUM LIB. II.

DE AMORE CONJUGALI LIB. III.

TUMULORUM LIB. II.

DE DIVINIS LAUDIBUS LIBER.

HENDECASYLLABORUM, SEU BAJAKUM LIB. II.

JAMBICI VERSUS DE OBITU LUCII FILII.

VERSUS LYRICI AD RES VARIAS PERTINENTES.

ERIDANI LIBRI II.

Pontanianam poesim his laudibus extollit Jacobus Gaddius *de Scriptoribus* tom. 2. pag. 164. In poesi vero multiplici excelluit adeo Jovianus, ut velut Jupiter, genitores Latinæ poeseos (Lyricam exipio) de regno, folioque dimovere conetur haud omnino temerario, insu-

opinabile est, vel certum, neque tot philosophorum distractæ sententiæ, vel ardua matheseos studia; quin in bellicæ rei scientia ita subactus, ut videatur alitus, atque educatus in castris. Et quisque demirari numquam desinet virum tot tantisque curis districtum tam multa, atque exquisita edidicisse, innumerisque chartis suis illinere potis fuisse, quas sera posteritas quanti nunc faciat, non oratione, ac sermonibus comprobatur, sed factis, dum illæ numquam ad satietatem versantur. Quid de libris suis futurum certis, non coactis auspiciis jam Jovianus ipse divinavit carminibus illis selectissimis in *Urania* (a).

*Fama ipsa assistens tumulo cum vestibus aureis
Ore ingens, ac voce ingens, ingentibus alis
Per populos late ingenti mea nomina plausu
Vulgabit, titulosque feret per sæcula nostros,
Plaudentesque meis resonabunt laudibus auræ,
Vivet, & extento celebrer JOVIANUS in ævo.*

Quæ vero tantus vir scripserat, partim, dum adhuc viveret, typis edita fuere; inde cuncta studio amicorum in plura volumina collecta non semel evulgari curatum est, cum primis dedita omnium sibi carissimi Petri Summontii opera (b). Quædam ipse Jovianus mem-

insanoque conatu. Siquidem in Hendecasyllabis non raro vincit Catullum, in Tumulis plures Poetas, omnes in Naniis. Idem perpauca concedit in Elegiis, & in Poematiis heroicis, qui Hortos Hesperidum, & Uraniam cecinit adeo canorus, & doctus, ut possem cum astrologia, & philosophia conjungens, tribus veluti Gratiis comitatus, elegantiarum, & leporum nutricem Venerem sit felicissime complexus.

(a) Lib. V. pag. 3091.

(b) In bibliotheca Marchionis de Sarno parentis mei volumen exstat editum ab Bernardino Vercellensi Venetiis an. 1501. in quo insunt hi Joviani libri, de Fortitudine, de Principe, dialogi Charon, & Antonius, de Liberalitate, de Beneficentia, de

membranis mandaverat, quibus diu satis poenitendum est nos caruisse; siquidem juvenilibus annis non pauca luserat in Catullum, cui ea ætate impense studuerat, ac supererant exquisiti quidam in hunc vatem *commentarioli*, quos in lucem proferre receperat Summontius ipse (a), sed eos adhucdum neminem vidisse compertum habeo; utinam, si in alicujus forulis lateant,

de Splendore, de Conviventia, de Obedientia. Hanc primam editionem quorundam Pontani operum, quæ simul collecta sunt, fuisse arbitror; nam antea sejunctim typis edita reperies. Nunquam satis commendanda Petri Summontiii sedulitas, qui universos Joviani libros collegit teste Francisco Asulano epist. ad *Aueroldum Prasulem Polensem*, quæ legitur initio Pontani *de Obedientia*: *Horum quidem librorum lectione omnino defraudati fuissimus, nisi Petrus Summontius vir tum ingenii, tum etiam doctrina excellens omnes fere ab interitu, & hominum oblivione vindicasset, diligentissimeque recognitos divulgasset*. Sed profecto gratulandum principem omnium Pontani operum in prorsus oratione editionem absolutam Venetiis fuisse in *ædibus Aldi*, & *Andreae soceri* mens. Jun. 1518. in 3. tom. in 8. distractam, qui mens. Feb. eopse anno nonnulla Joviani carmina; reliqua vero men. Aug. 1533. *heredes Aldi*, & *Andrea* publica luce donarunt unico volum. in 8. quod & Neap. factum fuit jam antea, an. 1505. curante Petro Summontio, præter *Uraniam*, *Meteora*, *Hortos Hesperidum*, & *Eclogas*. Idem Summontius in epist. ad *Athium Syncerum* ibid. rationem affert, cur ea carmina non apposuerit: *Quo minus autem ab heroico initium facerem, illud obstitit, quod Pontano auctore paullo ante ipsius obitum provinciam hanc Aldus Manutius, singularis, & doctrina, & diligentia vir superas, suis ut typis, quibus hanc ætate nostra imprimendi artem illustravit, divinam Uraniam, Meteora, Hortos Hesperidum, Eclogasque exenderet. Quod cum ita esset, nolui ego quasi testatoris violare voluntatem; cum præsertim audiam id nunc Venetiis agi a Manutio.*

(a) Petrus Summontius in epistola ad *Angelum Colotium Bassum* adnexa initio oper. de *Immanitate*: *Est mihi præterea in animo, cognitio jam ubique Pontano nostro, atque ipsius fama extra omnes periculum posita, juvenilibus quosdam ejus lusus, si *Adio* nostro ita videbuntur, in lucem proferre, quorum quidem suppuduisse hominem illud declarat, quod ejus rei nullam, dum vixit, mentionem unquam fecerit. Hi sunt exquisiti quidam commentarioli in *Valerium**

Ca-

teant, publicæ usuræ fiant. Selectas etiam alias lucubrationes cœptas, nec dum finitas reliquit, libellum nempe *de Mundi Sphæra*, in qua universæ astronomiæ institutiones nova quadam ratione explanaverat; addas mirum opus *de Tempore*, quod paullo ante factum inchoaverat (a). Ad hæc Jovianus non dumtaxat suis doctissimis, sapientiæque plenis scriptis de re literaria sedulo mereri optavit; sed sagaci studio veterum scriptorum opera conquirere sategit, non sine uberi bonarum artium emolumento. Hinc ejus argutissimæ diligentiz accepta referimus, quæ Tiberius Donatus vetus grammaticus in Virgilit Maronis opera exaraverat; atque Q. Rhemnii Palæmonis Vicentini *Artem Grammaticam* (b). Demum tantum Pontano debent universi, quantum persolvere difficillimum est, qui quoniam ævo suo mutilum, & sat mendosum Catulli carminum exemplar repertum, pollenti ingenio suo illius damna reparavit, correxitque depravata tanta dignitate, ut merito perquam nitido epigrammate id laboris celebraverit Actius Syncerus (c).

De-

Catullum, cujus illum constat juvenem studiosissimam fuisse. Quod si injuria mortuò fiat edendis iis, qua ille contemnebat, quæque a viri gravitate aliena omnino videri possint, audacia hac nostræ legentium utilitate compensetur: sunt enim talia, ut neminem omnino ea legisse poeniteat.

(a) Idem in epist. ad Jacobum Sannazarium ibid. Non inferam his imperfecta alia; nam libellum *de Mundi Sphæra* ab eo tibi promissum, ex quo tamquam gradum ad universam Astronomiam facturus erat, nova quadam ratione inchoatum reliquit. Omitto etiam mirum opus *de Tempore*, quod non multo ante inceptum scribentis e manu importuna mors extorsit.

(b) Apostolus Zenus in *Voss. Dissert.* pag. 179. tom. 2.

(c) Jacobus Sannazarus Eleg. XIII. lib. I. ad Jovianum *de emendatione Catulli*:

*Doctus ab Elysia redeat si valle Catullus,
Ingratosque trahat Lesbia sola choros:*

Non

Demum non defuere, qui hunc ingentis nominis virum, omnium gentium, omnisque memorie celeberrimum carpere, ejusque famam pessumdare ausi sint: quidam sane immurmurarunt, se in libris *de Fortitudine, de Obedientia, de Splendore agere agnoscere posse, Cbristianus fuerit Pontanus, necne* (a), quando in hisce præsertim ipse curatissime & pietati, & religioni inservit, neque ullum insolens de ea verbum reperire est. Nonnulli etiam illum criminari haud ora erubuere, quod non unas epigraphes perantiquas confinxisset, necnon formulam venditionis domunculæ tamquam veterrimam incerto nomine typis donasset, quæ incipit, PASCUTIUS CAULITA (b). Verum quis ferat exstitisse homines animi in ipsum tam infesti, ac molestissimi, qui Pontanum ex bibliotheca Cassinensium Virorum quosdam Tullii libros in ea latitantes compilasse, inde parum in deterius immutatos pro suis publici fecisse juris jactarent (c)? sed hi in Joviani grande decus se certasse haudprehenderunt, quippe ejus vis eloquentiæ

Non tam mendosi morebit damna libelli,

Gestiet officio quam, Joviane, tuo.

Ille tibi amplexus, atque oscula grata referret,

Mallet, & hos numeros, quam meminisse suos.

Miror Muretum *Comment. ad Catull. Epigr. I.* his verbis arguisse Jovianum: Pontanus in alieno opere tantum sibi permiserat, ut, quæ non probaret ipse, dekeret, sua poneret.

(a) Vide Erasmus Roterdam. *Dial. Ciceron.* pag. 1019. tom. I. Lugduni Batav. 1702.

(b) Antonius Augustinus *Dial. IX.* pag. 179. Antuerpiæ 1754. Adis Dialogum *Actius* pag. 104. tom. 2. in eo Pontanus de *Pascutio Caulita* ediderit.

(c) Mariangelus Accursius, dum tuetur suas diatribas, quibus *Testudo* nomen Romæ 1524. *Jovianum Pontanum*, inquit, *quædam Ciceronis volumina in Cassinatis Montis non incelebri bibliotheca comperisse, quæ mox paullum (sed quod necesse fuit in deteriore formam) commutata, ut ab se composita ediderit.*

tiæ pæne cum Tulliana contendit : ceterum ita fert litterarum ingenium , & conditio , ut , cum valde lucent , invidorum oculos offendant , & perstringant (a). Interea omnium nomine Petri Summontii verbis , qui interiores operum Pontani elegantias , & pretium noverat , illum salutandum reor : *O præstantis ingenii & doctrinæ virum ! o de temporibus nostris optime meritum ! & per quem non invidemus antiquitati* (b) . *Fuit enim revera Jovianus non horum temporum fœtus , sed tamquam revirescentis jam naturæ specimen , & in re litteraria quidam quasi heros* (c) . Utinam , quod omnes boni optant , postulavitque etiam Summontius , *ut* (Neapolitani) *meritam* CONCIVI TANTO more majorum STATUAM in celebri urbis loco ad perpetuum Reipublicæ nostræ decus omnino erigendam curarent (d) .

(a) Quanti pretii sunt , & quam opportuna , quæ ludit carmina idem Accursius ibid. in simulacrum Virtutis , & Invidentiæ :

Quæ tu clara oculos , & jam longeva sacerdos ?

Virtus . Quæ comes est pallida , tristis , iners ?

Invidia . Ora quatit cur , & cava lumina torquet ?

Ut me conspexit livida , quod minor est .


Tu quo juncta modo simul es , temnisque venenum ?

Instat , non obstat laudibus Invidia .

(b) Petrus Summontius in epist. ad Franciscum Pudericum patricium Neap. apposita dialogo Actius tom. 2. post pag. 101.

(c) Idem in epist. ad Neapolitanos suos in initio Pontani oper. de Prudentia tom. 1. post pag. 146.

(d) Verba ex eadem epist. excerpta .



81

ACTII SINCERI SANNAZARII ELEG. IX. LIB. I.

DE STUDIIS SUIS,
ET LIBRIS JOVIANI PONTANI.
CUM NOTIS
PETRI ULAMINGII.

Qui primus patrios potuit liquisse penates,
Et maris, & longæ tædiæ ferre viæ,

Quem

Non poterat præclarius laudari Jo-
annes Jovianus Pontanus, neque ejus
scripta accuratioꝛ cura posteritati
commendari, quam in hac pulcerri-
ma elegia factum est a Sincero nostro;
quo autem plenius maximi viri fata
ac vitam pernoscant lætor, accedat e-
logium nobile, quod Pontano fecit
Paullus Jovius, *Jovianus*, inquit,
Pontanus, vir ad omne genus eloquen-
tiæ natus, Cereto Umbrie oppido me-
tu profugiens, quod ibi pater a facilio-
sis civibus esset interfectus, Neapolim
plena juvenis & inops contendit, ibi
enim liberali Alphonſi Regis studio, con-
dita bibliotheca, literas in honore esse
didicerat. Nec defuit honestus virtuti
locus, Antonio Panbormita eruditi in-
genii viro admirante. Is tam erat ex-
cellentis doctrina nomine Regiî serinii
magister. Aspiravit demum his capitis
Fortuna, usque adeo benigna, ut Fer-
dinandi Regis castro secutus, in de-
mortui Panbormita locum sufficeretur.
Unde illi mox honesta opes, sed obse-
quis fide ac merito, uti scripsit, inso-
ritas, nisi ad optimi muneris proven-
tuum Ariadæ uxoris dotalis hereditas
accessisset. Hac parca dignitate, libe-
riore voluti studio, Musas per omnes
numeros meruit, tanta habilis ingenii
facunditate, ut neque poetis, nequa o-
ratoribus, qui tum maxima florent,
dignum secunda fama locum relinqueret.
Erat austero supercilio, & toto oris ha-
bitu subagressi: sed stylo, & sermone

parutissimus, cum sepiusve vel in seriis
multo cum sale jocaretur. Habitus ta-
men est in omni censura, quanquam
absolute pius, supra æquum mordax,
vel eo quod non homines modo sibi no-
tus, sed gentium & urbium quoque o-
mnium moras acerba scribendi libertate
perfringeret, sicuti ex variis Dialogis,
Charonteque præsertim, intemperanter
offendit. Sed in pangendo carmine,
quem tenenda prosa cunctior, atque su-
blimior multis videtur: quandoquidem
in historia non semper integra gravissi-
mi incessus dignitate, ab ejus muneris
disciplina deflexisse existimari possit,
quum postea ab Hesperidum Hortis ci-
triorum suavissimos odores spirans, at-
que inde divino carmine in altum eve-
ctus, ad illa ipsa excelso ore decantata
fidera propius accesserit. Vixit annos
septuaginta septem. Fuit autem functus
eodem mense, quo Alexander Sextus
Pontifex vita excesserat: tumulatus est
in sacello ab se sepulcri causa exstructo
e regione Davalarum domus, ubi elo-
gium ab se compositum in marmoreo sa-
bulo spectatur. Hac Jovius: neque
eo interiora Lilius Gregorius Gyrar-
dus Dial. 1. de Poëtis sui temporis:
Urania vero, Metæora, Hesperidum Hor-
ti, Eclogæ, Epigrammata, Elegia, &
cetera Joviani Pontani Umbri carmi-
na, & quæ plurima pedestri oratione
scripsit, faciens ut in his tabularum
imaginibus illum inter proceres commo-
rem, quin & cum omni fere anti-
qui-

Quem non mœsta domus, quem non revocare parentes,
 Non potuit fusis blanda puella comis:
 Impius, & scopulis, & duro robore natus, 5
 Atque inter tygres editus ille fuit.
 Non mihi circumstat solidum præcordia ferrum,
 Nec riget in nostro pectore dura silex:
 Ut possim dulcesque lares, limenque puellæ
 Linquere, & ignoto quærere in orbe domum. 10
 Sed Phœbi sacros cogor lustrare recessus,
 Vocalemque undam, Thespiadumque choros:
 Ut fugiam nigras supremo in funere flammæ,
 Et volitem populi docta per ora mei:
 Meque inter claros attollat fama poëtas, 15
 Nec rapiat nomen nigra favilla meum:
 Et nostro celebrata superbiat umbra sepulchro,
 Spernat & e Pariis marmora cæsa jugis:
 Non tamen ut magni tumulum tentare Maronis
 Audeat, aut tantum speret habere decus. 20
 Sed quis tam niveis vellat mea colla lacertis?
 Quis vetet optato membra fovere sinu?
 An tanti fuerit sacro Parnasus hiatu,
 Perque suas passim templa habitata Deas:

Ut

quitate conferam, tamen non idem, ut quibusdam videtur, in omnibus præstat: nonnunquam enim nimis lascivire & vagari videtur, nec plane ubique selectibus adstringit. quod iis minus mirum videri poterit, qui illum sciverint in magnis Regum & Principum negotiis diu versatum, & modo bellorum, modo pacis condiciones & fœdera tractasse, non minus quam Phæbum & Musas coluisse. Quis tamen eo plura? quis doctius? quis elegantius? quis denique absolutius composuit? enucleatius? exquisitius? & licet ejus quidam hoc tempore glorie parum æqui sint affirmatores, non illis tamen ipse concedam, ni meliora vel ipsi fecerint, vel ab aliis facta attulerint, id quod ad hanc ipse diem non vidisse fateor. Joannes Pierius Valerianus, vir longe eruditissimus, elegans

Pontano epitaphium scripsit, cujus initium

*Scriptorum venerabilis Magister
Pontanus cubat hic, &c.*

exstat id libro poematum Pierii primo, videndus Buchnerus T. 2. Orat. p. 358. Est & Basilii Zanchii Meliseus, sive ecloga in ejus funere, haud sane contemnenda, poemat. libro quinto. Habemus Italorum hominum elegia & judicia; qui vero his non acquiescens liberiores censuras desiderat, adeat ille J. C. Scaligerum in Hypercritico, & Erafmum nostrum in Cicero-niano: homo enim fuit Pontanus. Nunc ad Sincerum redeamus, & Pontani scripta per satiram recenscamus, sunt autem ista.

Ut tibi sit nitidos lacrymis corrumpere ocellos ,

Discessumque fleas , cara puella , meum ?

Ah pereat , quicumque leveis sectatur honores ,

Et sequitur famæ nomina vana suæ .

Tecum ego nocturnis dubitem cessare choreis ?

Tecum ego conspersa gaudia inire rosa ?

Deductumque levi crinem perfundere amomo ?

Et noctem insolitis ducere blanditiis ?

Scilicet & Turcas Pontanus in æquora classes ,

Alphonfi & fortes ducat in arma manus .

Qui nunc nascentis canit incunabula mundi ,

Aureaque ætherea sydera fixa domo :

Utque imbres , lapidesque pluant , ut nubibus ignes

Exsiliant , salsas ut mare volvat aquas :

Hesperidumque hortos , excussaue poma draconi ,

Rusticaue ad primos munera missa toros ,

Delicias , Lepidina , tuas , resonansque vicissim

Pastorum argutis carmen arundinibus :

Qualiter & fulvis radiet Sertorius armis ,

Et Pompejanus prælia tentet eques :

Audeat arguto neu quis contendere versu ,

Ille vel æterno digna Marone sonat .

Te pater irriguis audit Sebethus in antris ,

Jurgia

V. 35. *Qui nunc nascentis canit incunabula mundi*, &c.]

Uraniz libri quinque, sive de stellis ; Meteororum liber unus , heroico carmine decantati .

V. 39. *Hesperidumque hortos , excussaue poma draconi*.]

de Hortis Hesperidum , sive de cultura citriorum libri duo , eodem versu , v. Fracastorius carm. 3. p. 273 .

V. 40. *RUSTICAQUE ad prima munera missa toros* ,

DELICIAS , LEPIDINA , tuas , &c.] Lepidina , cujus septem pastorales pompe , cum tribus diverſi argumenti eclogis .

V. 43. *Qualiter & fulvis radiet SERTORIUS armis* ,

Et POMPEJANUS prælia tentet eques .

Bellum Sertorianum , quod grandi carmine cecinit Pontanus in dialogo , cui nomen Antonius .

V. 47. *Te PATER irriguis audit SEBETHUS in antris* ,

JURGIA *ad ingratas dum jacies ipse foves*.] Amorum libri duo , vario numerorum genere scripti , & Laurentio Miniato dicati . Sebethi autem vel præcipue hic mentio est , eo quod ultimam libri secundi elegiam , fictione jucunda atque eleganti , memoratur Sebethis conversio in fluvium .

PATER SEBETHUS .] recte , fuit enim divinis honoribus cultus : Gruterus inscrip. XCIV. 9 .

Jurgia ad ingratas dum jacies ipse fores:
Inde vocas sacrum festas Hymenæon ad aras,

Oprati referens fœdera conjugii:

50

Urque tuis primum surgens complexibus uxor,

Visa sit erepta virginitate queri.

Felix, qui fidos expertus conjugis ignes,

Vidisti sobolis pignora cerra tuæ:

Naniolasque rudes cecinisti, & blanda parentis

55

Oscula, & ad cunas murmura nata suas.

Felix, excultum torfit quæ Fannia vatem,

Quæque illi regnum Cinnama subripuit.

Quamvis diffidii leges patiantur amaras,

Spectabant cineres nomen habere suos.

60

Eridani post hæc sed te quis credat ad amnem

Populea canas fronde ligasse comas?

Et

P. MEVIUS. EUTYCHUS
[EUTNYCUS Manut. Orthogr. p. 705.]
AEDICULAM
RESTITUIT. SEBETHO

Rx tabella marmorea Neapoli in fundamentis murorum eruta. De Sebetho. v. Bern. Tasso *lettera* 121. p. 100. b.

V. 49. *Inde vocas sacrum festa Hymenæon ad aras,*

Oprati referens gaudia conjugii;
Urque tuis primum surgens complexibus
uxor

Visa sit erepta virginitate queri.]
Libri tres de Amore conjugali, quorum tertius filiarum Aureliæ & Eugeniæ epithalamia continet. Alludique autem ad elegiam quartam lib. 1. cuius initium.

Regis. ah Herculæis surgens complexibus
Hebe

Visa est erepta virginitate queri.
v. Pontanus lib. 122. de Obedientia, p. 40.

V. 55. *Naniolasque rudes cecini-*
sti, & blanda parentis

Oscula, & ad cunas murmura na-
ta suas.]

Naniæ sunt duodecim, quæ vel ipso nomine quibusdam persuadeant, quam sint nugaces, & pueriles, sed vel in his ipsis admirari licet foecundum non minus quam facundum summi viri ingenium, qui enim ita nugari potuerit, & blasas, ac balbas patricum blanditias referre tanto cum lepore, in hunc usque diem inventus est nemo. De Fannia quæ sequuntur, deque Cinnama pertinent ad Amorem.

V. 61. *ERIDANI post hæc sed te quis credat ad amnem*

POPULEA canas fronde ligasse comas,

Rx STELLAM cecinisse? &c.]

Eridani nomen duobus elegiarum libris facit Pontanus, quibus celebravit amores Stellæ, mulieris Ferrariensis, e qua & filium sustulit, cuius tymulus cum epitaphio eleganti hodie quoque visitur Neapoli. *voyez M. Misson, voyage d'Italie* T. 1. p. 277. & *Swærtium Delic. orb. Christ.* p. 87. De hoc suo sacello ipse, ni fallor, Pontanus loquitur præfat. libb. de *Brudent.* p. 274. sq. ibidem. l. 31. p. 310. Præfat. lib. 2. p. 325. Præfat. Lib. 3. p. 338. sq. L. 5. p. 391. 423. unde

Et Stellam cecinisse, atque impendisse querelas,
 Spectandos cum jam vix daret illa pedes:
 Bajanosque sinus, myrteraque cognita nymphis,
 Clausaque sulphureis antra recurva jugis:
 Tum superum laudem, mutisque incisa sepulcris
 Nomina, collapsos & reparare rogos:
 Denique Pindaricosque modos, resonantia plectra,
 Et Methymnæ fila novasse lyre:
 Cum tamen interea motus, atque agmina Regum,

Bella-

unde apparet ratio nominis ac tituli: est enim Ferrara ad ramum Padis minimum sita, qui dicitur *Pa morio*. Hos porro libros, ut & versus Sapphicos, non recepisse ultimam auctoris manum jam olim monuit Petrus Summontius, cujus viri candorem nec mirari satis, nec commendare possum.

V. 65. *Bajanosque sinus, &c.*] duo Hendecasyllaborum libri, Bajarum titulo insignes, lepidi, molles, delicati, & quibus non unus Phaleciolorum scriptor invidere possit. Id vero mihi ne credas, audi Scaligerum, censorem minime indulgentem, in *Hypercritis*. *Bajans carminibus elegantibus & lascivis provocant ipsa Catulliana, sunt enim quedam supra illius aleam, plane accommodata illius ingenio redundanti, &c.*

V. 67. *Tum SUPERUM laudem, mutisque incisa sepulcris.*

Nomina.] Hymnorum liber, sive, ut Pontanus inscripsit, de Laudibus Divinis; quod recte reprehenditur a Scaligero, cum non doceat ibi quibus modis laudandus sit Deus, sed laudes ipsas canat. Pontanum interrim primum fuisse usum elegiaci carmine in canendis hymnis observare te velim: cum ab antiquissimis non nisi hexametrum, quod & ipsum antiquissimum est carminis genus, fuerit adhibitum, & sensum recessum ad Iyram. Pios & Christianos multorum habemus. Excellunt, post veteres, M. Hieronymus Vida, Joannes Franciscus Picus, Petrus Bembus; Joannes Aure-

lius Mutius, noster Sannazarius, M. Antonius Muretus, Franciscus Bencius, Salmonius Macrinus, Hercules Strozza, Georgius Fabricius, Berlicomius, alii. Quid autem sibi voluerit cum quatuor suis Hymnorum libris Michael Marullus, haud facile dixerim. Putes illum de novo tentasse paganismum introducere; nec immerito tam acrem super eo censuram instituit J. C. Scaliger. Sed hæc sunt alterius loci. Sequuntur Pontani duo *Tumulorum* libri, in quibus multæ ad istius ætatis historiam faciunt. Primus talis argumenti libellum edidit D. Magnus Aufonius, quem secuti e recentioribus plurimi, J. C. Scaliger, Joannes Secundus, Georgius Buchananus, Theodorus Beza, Nicolaus Grudius, Eobanus Hessus, Caspar Cunrandus, Josephus Scaliger, & qui non?

V. 69. *Denique PINDARICOSQUE modos, &c.*] versus sunt sapphici, sed ab auctore non emendati, ideoque nec inter primos ponendi, dictum ad v. 61. Videtur autem Pontanus plures odas scripsisse, quæ interciderint. Quid enim Pindarus commune habet cum Iyra Lesbia?

V. 71. *Cum tamen interea motus, atque agmina REGUM,*

Bellaque CAMPANA discussis historiæ.]

Scripsit Pontanus *historiam belli Neapolitanæ*, quod Ferdinandus Aragonius cum Joanne Andegavensi gessit, sex libris. Singula autem rerum eventa non satis collegit, aut hinc illinc emen-

Bellaque Campanæ discutis historiæ.
 Quin & jucundo distringis sæcula morfu,
 Dum vaser. in Strygio disputat amne Charon.
 Varronisque tui, Nigidique exempla secutus,
 Grammaticæ haud spretas incipis ire vias.
 Carminis hic numeros nostris depromis ab ausis,
 Dignatus pueri verba referre senex.
 Quid loquar, ut sacros Mariani exhauriat amnes
 Ægidius, verum dum canit ore Deum?

75

80

Aut

emendicavit, sed omnibus fere interfuit ipse. Edidit, qui reliqua Pontani opera, Petrus Summontius, sed nondum omnino expolita, & uti ab ipso scriptore relicta invenerat; quod Paulus Jovius videtur ignorasse, dum inclementius paullo judicat de gravitate Pontani.

V. 73. *Dum vaser in Strygio disputat amne CHARON.*] Tetigit hunc dialogum Jovius, nec summittere; sed si verum fateri volumus, ignoscendum erit Pontano, si quid liberius jocatus fuerit. Vivebat ille sæculo dissolutissimo ac maledicentissimo, & si consecratur cum æqualibus suis, poterit profecto tanquam istius temporis Cato suspici: hanc ipsam quoque mordendi libidinem aliis magnis virtutibus redemit.

V. 75. *Varronisque tui, Nigidique exempla secutus*

Grammaticæ haud spretas incipis ire vias.

alluditur ad duos libros de *Aspiratione*, ad Marinum Tomacellum scriptos. Ceterum quamquam hæc sit lectio omnium editionum Sannazarii, nullum tamen commodum sensum facit: & palam est id haud debere tolli. Hoc enim dicit Sincerus: Pontanum, virum in republica insignem, in literis prope unicum, post scriptam cum magna prudentiæ laude historiam, post elucubrata non omnis tantum carminis genera, sed & illa quæ proxime accederent ad majestatem Maronianam, tamen non esse designatum ad hæc grammaticorum minutas na-

nias descendere, & de *Aspiratione* aliquid commentari, &c. non enim poterat ignorare poeta noster illud Ulpiani apud Athenæum, Grammaticis, si medicos excipias, nihil esse stultius; neque nesciebat, quantopere Grammaticos infestatus sit poeta Ausonius, ut de Græcis epigrammatum scriptoribus nihil dicam.

V. 77. *Carminis hinc numeros nostris depromis ab ausis,*

Dignatus pueri verba referre senex.]

Abhis dialogus est Pontani multa eruditione refertus, in quo inducit Augustinum nostrum Sincerus de numeris poeticis, deque legibus historiæ politissime ac scientissime differentem.

V. 79. — *ut sacros MARIANI exhauriat amnes*

ÆGIDIUS, verum dum canit ore Deum, refer ad dialogum Pontani, cui titulus, *Ægidius*, a celeberrimi tum nominis eremita Augustiniano Ægidio, qui postea ordinis sui præfectus a Julio II. creatus est, Cardinalis autem a Leone decimo; insigne, & prope invidendum illi elogium posuit Paulus Jovius p. 103. mirifice extollens ejus peritiam linguarum, & sacræ theologiæ scientiam rarissimam, eloquentiam in habendis ad populum concionibus inusitatam, ac pene divinam, quæque ibi plura leguntur. Inter poetas Latinos & Etruscos numeratur a Lilio Gyraldo in secundo de poetis sui temporis dialogo. Vide & Pontanum in dedicatione libri de *Immanitate* ad Hier. Carbonem. Ægidii præceptor fuit Marianus, & ipse Augusti-

Aut apta ingratos taxet sub imagine mores,

Qui super infusas spernit Asellus aquas?

Te juvenesque, senesque colunt præcepta ferentem,

Parthenope spreto quæ Cicerone legit:

Ex adytis quicquid Divum sapientia pandit,

Et, Stagira, tui dogmata firma senis,

Quid deceat fortemque virum, quæ Principis artes,

Lar-

Asinius Eremita, sed discipulo eruditio-
ne interior. Ejus cum laude meminit in
epistolis suis Politianus L. 4. Epist. 6.
& Præfat. Miscellan. p. 490. Jovius
in *Elogiis*, Pontanus in *Ægidio*, &
libro primo *Tumulorum*. Ipse porro
Ægidio, quod pene exciderat prope-
ranti, librum suum de *Luna* dedica-
vit Pontanus, cujus tamen, ob he-
redum incuriam, nonnisi exiguum
fragmentum habemus, V. Pontanus
Lib. III. de *Fortuna* p. 564. fqq. & de
Immanitate p. 587. 615.

V. 81. Aut apta ingratos taxet sub
imagine mores,

Qui super infusas spernit ASELLUS
aquas.

Asinus dialogus est Pontani, in quo
figit se quasi præ senio delirantem
immodico ac plane cæco cujusdam a-
sini sui amore captum, illi rete e se-
rico ad excludendos culices & mu-
scas, illi ex argento tintinnabula pa-
rare, sudorem illi odorato citriorum
liquore ablueri, &c. is vero bellulus,
ne non se asinum probet, pedere,
calcitrare, domini manum mordicus
apprehensam tantum non præscindere,
donec debito fustuario admonitus, &
ad molas damnatus, bona tandem fi-
de asinum se esse discat. Invehitur au-
tem Pontanus in cujusdam noti ho-
minis ingratitudinem, justamque in-
dignationem, dum mandare literis cu-
pit, eam sale hujus libelli condit.
Pontani *Asinum* compilavit Trajanus
Boccalinus Cent. 2. *Raggugli*. 93. sed ta-
men asini ferocitate aliorum detorta.

V. 83. Te juvenesque, senesque colunt
præcepta ferentem,

Parthenope spreto quæ CICERONE legit.]

Huc pertinet insignis locus Marian-

geli Accursii, quem producit Vossius
L. 3. de *Histor. Latinis*, Cap. 8. p.
549. Erasmus *Ciceron.* p. 272. Ne
tam animosæ sententiæ veritatem præ-
stare cogatur Sincerus noster, operæ
pretium erit audire Pontanum ipsum,
de consilio scriptioann suarum disse-
rentem ad Hier. Carbonem, in dedi-
catione libri de *Immanitate*. Sic igitur
ille: Quo autem scribendi consilium
omne meum manifestius tibi pateat, sic
habero: de moribus apud Latinos scri-
psisse Ciceronem, quæ id solum mihi se-
ctus videtur, ut actiones, quæ & quas
las esse debeant, ostenderet summa cum
eloquentia, cujus ipse facili habendus
est & magister, & princeps. Ceterum
definiendis virtutibus, explicandis earum
principiis, innumbrandisque imaginibus,
nihil eum prorsus cura aut studii im-
pendisse, ut *πραγματικὸς*, hoc est, *acti-*
vas tantum res visus sit velle edocere,
ac complecti, ac si Senatorii, Consula-
risque hoc tantum esset viri, muneris-
que dignioris, *θεωρητικὸς* autem res
exsequi plebei cujuspiam hominis, ac
conquam in otio marcescentis. Apud
Græcos vero theoreticam hanc institutio-
nem ita exsecutum esse Aristotelem, uti
activa ab disciplina omnino recesserit,
etsi in illo edocendi genere maxime di-
ligens ac consummatus apparet. Post Ci-
cronem & nostris Senecam multa qui-
dem, maximeque vita hominum utilia,
& commoda edidit: ceterum orato-
rio magis more exhortari ad virtutem,
bonestæque ad actiones legentem, quam
ut quæ dicat cantenderit certis ac sibi
constantibus rationibus comprobare, aut
de principiis ipsis acutius disputare &
querere, multa tamen admirabiliter lo-
qui, cohortarique acerrime ad bene vi-

M

ven-

Largificas præstet quæ dare dona manus :
 Parendi leges quæ sint , legesque loquendi ,
 Edat ut argutos lingua disertæ sales : 90
 Quid Fortuna hominî , quid der Prudentia , quantum
 Immanes animos incitus ardor agat :
 Magnanimique viri quæ sint ad singula partes ,
 Sive colat pacem , seu fera bella gerat .
 Nec fugis astrorum causas aperire latenteis , 95
 Et Ptolemæi fata reposita poli .
 Salve sancte senex , varum quem rite parentem
 Præfecit terris Delius Ausoniis .
 Non te Lethæe carpent oblivæ ripæ ,
 Nec totum in cineres vertet avara dies . 100
 Nec tibi plebejæ ponetur in aggere bustum ,
 Niliacas dabitur vincere Pyramidas .
 Quid tibi victrices exspectas , Umbria , palmas ?
 Mœnibus has patriæ rettulit ille meæ .
 Ille suis longum studiis , & laude fruatur : 105
 Me juvet in dominæ consequuisse sinu .

vendum auditores , deterrereque a vi-
 tiis : ut libri ejus , ut præcepta ab
 eo tradita , ut denique quæ ab illo in
 medium afferuntur exempla , stimuli sint
 quidam ad bonèste agendum , civilesque
 ac domesticos ad mores , actionesque vi-
 tæ totius sic administrandas , ut beate
 simul ac tranquille vitam banc ducen-
 tes , felicitate quidem ipsa vel fruamur
 adepti , vel consequendam ad eam quant
 proximo accedamus . Nos igitur summos
 & imitatione dignos viros cum intueremur ,
 ab adolescentia usque id judica-
 vimus , quod post exsecuti etiam sumus ,
 singulari esse laude dignum , plurimum-
 que humano quoque generi collaturum ,
 scriptitandis rebus moralibus tria hæc
 simul complecti , ut cognitio principia-
 rum ac virtutum ipsarum per definitio-
 nes , speciesque suas , ac differentias ,
 quod theoretica est contemplationis : ut
 practica exercitatio , ususque ipse vi-
 vendi , idest , qui & quales actus ipsi
 esse debeant , ostenderetur : utque ad con-
 firmandos animos & exempla adjunge-

rentur , & sententia auctoritatis plena ,
 dictaque ac facta clarissimorum virorum ,
 nostraque dignorum imitatione atque
 observantia . Quod in libris ubique no-
 stris , pro virili tamen , conati sumus
 assequi . Hæc de scopo suo Pontanus :
 potuisset tamen noster modestius , ma-
 jorique cum veneratione loqui de Ci-
 cêrone , neque hoc , ut puto , ægre la-
 tuisse fuisset posteritas . Quæ sequuntur ,
 referenda sunt ad libros Pontani de
 Fortitudine , de Principe , de Liberali-
 tate , de Obedientia , de Sermone , de
 Fortuna , de Prudentia , de Immanita-
 te , de Magnanimitate , de Rebus Co-
 lestibus , & in centum Sententias Pro-
 lemæi . Atque hæc quidem habui , quæ
 notarem ad nobilissimam elegiam .
 Nec tamen omittenda est insignis il-
 lā Sinceri in Pontani scripta pietas ,
 quæ post illius obitum sopita atque
 neglecta e tenebris primus in lucem ,
 tum Francisci Elii consilio , tum o-
 pera Petri Summontii usus , revoca-
 vit .



R Ecepi initio hujus libelli pag. 1. me typis daturum bre-
 ve hoc literatum monumentum inscriptum JOANNIS
 PONTANI VITÆ PARS, &c. quod nunc sane præsto,
 & quid de eo sentiendum sit, aperiā. Illud sibi curavit
 parens meus in patriarum rerum studio conquirendarum ne-
 mini secundus, careque servat: neque mihi parvo adju-
 mento fuit, ut tanti viri vitam conscriberem. Nihil dubii
 est, quin negotium σὺν ἔργον habendum, cum auctor ipse
 id testetur palam: at fetum esse Tristani is continuo baud
 neget, qui cetera, quæ Caracciolus scripserat, numquam per-
 legit, cujus dicendi stylus sat limatior est, & cultior. Si
 vero in nominibus propriis semel, aut iterum oberrat, id
 acceptum lubens referam exscribentium incuriæ: atque si
 præposterus aliquando est ordo historia, quivis animadver-
 tit in epistolis non semper servari: at de utraque culpa in
 adnotationibus te admonitum scias. Orthographiam, sive for-
 mulam recte scribendi, atque distinctionum signa ubique in-
 cusodita indolui, quæ oscitanti librario tribuenda, hinc re-
 stituenda curatum est. Ceterum mihi gaudeo, quod hanc epi-
 stolam antehac ineditam prælo subjiciam, harumque rerum
 cultores æqui bonique facturos reor.

JOANNIS PONTANI

VITÆ BREVIS PARS

PER TRISTANUM CARACCIOLUM

DESCRIPTA.

Quis Joannes Pontanus fuerit, qui postea versus (a) occasio-
 ne Jovianum se dici maluit. Cum primum ad nos ac-
 cesserit, scire ex me desideras: provectum jam, & honestis
 muneribus fungentem, in scientiisque, & doctrina magnum, post-
 que vero obitum maximum per te nosci (b), cum claritas, di-
 ligentiaque amicorum in operibus ejus imprimendis ea fuerit,
 ut

(a) Nomen commutatum ob Academiæ leges, vid. pag. 27.

(b) Reor hic desiderari, non ignoro, aut quid simile.

ut non modo, quæ ipse ediderat, sed longe plura hætenus ignorata eorum labor, & industria orbi omni Latina gaudenti lingua legenda, acceptandaque in auctoris gloriam disseminaverint. Ego enim ingenue fateor de tanto viro plura, quam tu, per ætatem nosse, sed ea quæ (a) magnitudo doctrinæ, vitæque sequentis integritas, ut recordaremur effecit: quippe longe quidem Pontani clariora principia mox secuta ignavia oblitteravit (b): etenim Romanas casulas (c), arcus triumphales, prætoria quam (d) marmorea nobis noscendas dederunt. Venit ergo ad nos pene adolescens tenuissima in re a Perusio (e), ubi exul rudimenta literarum didicerat, nam Ponto patria (f), unde Pontanus (g), in qua propter civiles discordias pater occiderat, diligentia matris ab adversæ factionis sævitia ereptus Perusio deliruerat. Accessit ergo Alphonsus Aragonio Rege primo spe, ut in aula tanti principis se augeret, quam & sua virtus, doctorumque amicitia non vanam fecerunt: nam ex quo appulit, noscendum se literarum amatoribus, & qui suffragari possent dedit. Erat tunc in primis Antonius Panhormita Regis historiarum, moralisque philosophiæ magister, qui doctissimus cum haberetur, doctos etiam alere, & provehere nitebatur: hic cum Pontani indole, & moribus, maximeque nugis, & versiculis, in quibus quantus futurus esset ostendebat, delectaretur, crebroque de illo, deque illius ingenio apud amicos mentionem faceret, evenit ut Julius Fortis acciperet, vir quidem dapilis, & beneficus: erat enim fisci rationibus præpositus, & cum esset Siculus, ejusdemque Antonii conterraneus libenter illi credebatur: cujus persuasione accersitum ad se Pontanum (b) veste honestiori, victuque suæ mensæ liberaliori aliquandiu penes se detinuit: indeque Pontani nomen, utpote clari ingenii celebrari coepit.

Itu-

(a) Vocula quæ redundat, vel reponas eaque.

(b) Sententiam hanc esse puto: In florenti fortuna Pontanum plerisque omnes laudibus prosecutos, in privata oblitos, neque ejus vivendi rationes scriptis mandasse; sed Romanas antiquitates posteritati tradere studuisse.

(c) Vocabulum casulas divinet quisvis, non ego. Num potior vox columnas?

(d) Ne hæreas relicere prætoriaque.

(e) Non Perusio, sed a patria pulsus: v. pag. 9. lit. [b] adnotat. hujus libelli.

(f) Nam Pontus patria. Confinigi etiam potest, non Ponto patria.

[g] Hallucinatur hic Caracciolus: hinc etiam a me in dicta pag. 1. litt. [a], emendata vero invenies in fine hujus libelli.

[h] Fallitur etiam Pseudocaracciolus: vide pag. 11. litt. [a].

Ituroque Panhormitzæ oratori ad Venetos commodum visum est Pontanum secum ducere, qui omne per iter talem se pertulit, qualem postea cognovimus: præcipue tamen Florentiæ, ubi Cosmus Medices vir sagax, & longa ætate, & experientia peritus de eo judicium prætulit. Forte enim, auditis quibusdam nugis a Pontano in Venetos editis, dixerit, si vita permiserit, illustrem illum eloquentia, & doctrina futurum. Reversus ergo a legatione cum oratore, apud quem, reliquumque comitarum eum se gesserat, ut carum, amandumque omnibus se præbuerit; & quocunque ibat, neminem doctorum insalutatam relinquebat, spem de se, quam postea præstitit, ubique seponens. Tot igitur suffragantibus meritis, tempestivum visum est amicis, quos non paucos, nec infimæ sortis homines sibi comparaverat, majoribus illum admoveere negotiis. Itaque in contubernium Maximi ab epistolis assisti curarunt. Erat enim tunc Antonius Ulcinus Celtiber longa ætate sui muneris callentissimus, Regique percarus. Hic, inspecta Pantani facie, auditoque sermone, benignissime admisit, moxque rescriptiones epistolarum, aliaque illi ministerio decencia injungere perseveravit, quæ eo modo exequebatur, ut perpauca a scribarum collegio illum præirent; multos quoque in eodem officio antiquiores ipse præverteret: interea ad quod natura eum edidisse cognoscitur, omne tempus, quo ab epistolarum munere vacare dabatur, scribendo infumebat, carminum præcipue omne genus, prosasque etiam summa laude pertractans. Et jam cum admiratione audientium audiri, celebrarique cœperat. Confluebantque ad eum privato aliquo in loco poetas, historicosque enarrantem plerique decuriones, & nobilitatis principes viri. Cujus morum, & doctrinæ fama ad Alphonsum Regem cum pervenisset, bene consulere Domino Joanni (a) Navario ex fratre nepoti visum est, si virum talem insignem, moribus probatum ad illum instruendum, informandumque aptaret: ibi etsi majori in administratione eundem se gessit, quem solitus fuerat, erat qui & juvenis (b): & omnis familiæ curam gerebat Petrus Torilla vir severus & sui, ut ajuat,

[a] Non Joanni, sed Carolo: vide pag. 15. litt. [a].


[b] Legendum fortasse: qui solitus fuerat, qui erat & juvenis.

ajunt, capitis, cum quo, & reliqua familia ita Pontanus degit, ut non modo amaretur, sed & cui plurimum deferretur; quoad, defuncto Alphonso Rege, Joannem Navarium ad patrem in Celtiberia morantem redire oportuit; inde ad epistolarum officium, quod interim non penitus deseruerat, remeans adeo attente studioseque agere cœpit, ut in pretio haberi cœperint privilegia, & epistolæ illius dictatæ ingenio, & scriptæ manu; in eo ministerio in adventum Hippolytæ Mariæ Calabriæ Ducis scribarum inter primos perseveraverit: ubi ab Antonello Petrucio a secretis principis multum illi delatum est; & rebus sensum, & eloquentiam poscentibus demandatum. Hæc meditans uxorem ducere in animum induxit, a quo hactenus abhorrerat: poscentibusque amicis, cur, quod diu obstinate obnuerat, nunc tam repente aggrederetur? respondit, ne iterum sub cura Joannis (puer is erat quem alebat) ægrota-ret: duxit autem Ariadnam Saxonam (a) forma, & honestate egregiam: approbaverat enim Alphonfus Rex mores, & doctrinam, quæ in contubernio Navarii nepotis olim Pontanus servaverat: cujus nutu Ferdinandus filius ab epistolis (b) & comitem Hippolytæ Mariæ nurui, utpote jam probatum virum, adscribere curavit: ibi ut officio auctus, ita se solito majorem ostendit. Ecce perduxi tibi hominem ab iis, quæ forsitan per ætatem ignorabas: deinceps omne ævum per te bene tenere reor: & quemadmodum maximus a secretis, in rebus bellicis consultor, oratorque ad principes, denique & paterfamilias extiterit: moribus & ea familiaritate, qua tecum vixit, notissimum esse non ambigimus.


[a] Adriane Saxonæ profapia adnumerabatur inter patricios regionis *Porta nove*, ejusque curiæ adscripta, quam vulgo *sedile* dicimus. Fruebatur gentilitia sacra *Ædicula* Apostolorum Petri & Pauli nomine in sat illustri nostræ urbis loco, qui *piazza de' Congiani* appellabatur, ubi videre est stema Gentis Saxonæ, *Engenius Nap. Sacr. pag. 443. Tutinus de orig. sedil. &c. pag. 102.*

[b] Portasse Jovianus rector, & custos Hippolytæ renunciatus est, atque ab epistolis Ferdinandi I. Calabriæ Ducis: at ideo ejus vitæ a me adjectum non est, quod ceteri scriptores id prorsus silentio præteriere; videtur etiam res adversus historiæ ordinem laborare.






Pontani Templi Pars externa.



Polm. XX Noap.

Pars Interna.

Frans. La Marra Sculp.



DE Pontani sacra Æde, quæ opportuna visa sunt, dictum est pag. 42. & seqq. nunc ejus externam principem faciem ordinis genere *Romano*, vel ut ajunt *Composito*, exstructam, summa fide incisam, atque internas etiam partes cum hypogæo appingimus: quod monumentum ob tanti viri famam æternitati servandum. Altera facies externa ad orientem versa, in qua minor est janua, & tertia occidua arctiores, & quatuor pilis ornata ejusdem sunt ordinis, ac structuræ: quarta latior ad boream desideratur, eo quod templum proximo ædificio inhæret.

1. Janua princeps electis marmoribus, & anaglyphis ornata.
2. Lapis dedicationis, quam legas pag. 42.
3. Quatuor fenestræ marmoribus cinctæ.
4. Octo apophthegmata relata pag. 42. & 43.
5. Marmor nuper adjectum cum hoc instaurationis titulo:

CAROLI REGIS AUGUSTISSIMI PROVIDENTIA
RESTITUTUM AN. MDCCLIX.

6. Totius Templi fornix cum corona illud undique complectente.
7. Cenotaphium ex marmore cum ænea Pontani effigie mox apponendum cum hac epigraphæ:

QUAM TU NOSSE CUPIS, VIVAX HEROIS IMAGO
PONTANI EST, HOSPES, CUNCTA TENES, ABEAS.

8. Ara ex marmore nuper erecta cum egregia Pontani dedicatione, antea supra ipsam aram, nunc in antica ejus parte scalpita:

TIBI DEVS OPTIME MAXIME ARAM HANC
IOVIANVS PONTANVS DEDICAT NEC TECVM PACISCITVR
VT SIBI LIBERIS POSTERISQVE SVIS BENEFAXIS
CVM IPSE VOLENS GRATVITO BENEFACIAS CVNCTIS
SED QVIA TIBI VNI AB OMNIBVS DEBEANTVR OMNIA.

9. Scrinium ad sacram supellestem servandam.
10. Paries, in quo non ineligrantes Mariæ V. & bini Jo. Evangelistæ, & Baptistæ imagines depictæ.
11. Introitus in Templum ab orientis plaga marmore cinctum.
12. Fenestra rotundior.
13. Paries, uti tres reliqui undique marmoribus vel ab ipso Pontano, vel ab Antiquis Græce, & Latine inscriptis decori.
14. Grande hypogæum etiam fornicatum.
15. Pars scalæ in ipsum deducentis.
16. Gradus altior undique hypogæum cingens.



In commune desiderium peccarem , si ternos hos reliquos Latinos sepulcrales titulos, quos elegans Pontani cura ex ruderibus tractos collegerat, Templique sui parietibus affixerat minime subjicerem .

I.

D. M
POMPONIS
CRESCENTI
RHENO DANWIO
NEPOTIBUS
ET EVPHRATI . PATRI
EORVM FILIO . HOMINI
SIMPLICISSIMO . POMP
RHENVS . PATER . FECIT
QVI ME NON MERENTEM
PROCVRAVERVNT

II.

D. M
ALFIA MAXIMINÁ
IRILITIO SATVR
NINO COIVGI
ET SIBI LIBER
TIS LIBERTA
BVSQVE POSTE
RISQVE EORVM
III.
MAECENATIA ERVSA
VIXIT ANN. XV.

Brevissimum primum marmor , ac fere palmare inelegantibus , ac minutis characteribus, & quibusdam simul adnexis, certa fide exscriptum, sententiam præsefert satis turbatam: at nisi omnibus veritatis notis dives esset, fucatum crederes: negotium sane, quo exerceantur ingenia. Ambivisse veteres nomen & personis, & urbibus ipsis imponere a fluviis res trita: hinc habes propria nomina Eridanos, Mincios, Tiberios, &c. idque moris durare adhuc novimus. Lapis alter, cui non multa injuria facta est, paullo grandior, litteris aliquanto concinnioribus; at tertius omnium minimus scalptus bonis elementis. Scias autem omnia isthæc vetustatis pignora ad Templi decus parietibus, & Græca ipsa cum interpretamentis inhærentia intueri est.



JACOBI MARTORELLII

REGII GRÆCÆ LINGUÆ PROFESSORIS

IN GRÆCA, ET SAT MUTILA LATINA EPIGRAMMATA.

EXERCITATIO.

ΤΟΝ ΠΑΣΗΣ
 ΤΗΣ ΕΙΔΗΜΟΝΑ ΦΩΤΑ
 ΦΙΛΙΠΠΟΝ· ΠΡΕΣΒΥΝΕΙ^{sic}ΛΟ
 ΙΜΗΣ ΕΜΠΕΡΑΜΟΝ ΣΟΦΙΗΣ
 ΑΥΣΟΝΙΩΝ ΥΠΑΤΟΥ ΠΑΤΕΡΑ· ΚΑΥ
 ΤΟΝ· ΑΝΤΙΓΟΝΟΙΟ ΘΡΕΨΕ ΜΑΚΗ
 ΔΟΝΙΗ· ΔΕΞΑΤΟ ΔΕΙΤΑΛΙΗ

ΤΟΝ ΠΑΣΗΣ ΑΡΕΤΗΣ ΕΙΔΗΜΟΝΑ ΦΩΤΑ ΦΙΛΙΠΠΟΝ
 ΠΡΕΣΒΥΤΗ, ΙΑΟΝΙΗΣ ΕΜΠΕΡΑΜΟΝ ΣΟΦΙΗΣ,
 ΑΥΣΟΝΙΩΝ ΥΠΑΤΟΥ ΠΑΤΕΡΑ ΚΑΥΤΟΝ ΑΝΤΙΓΟΝΟΙΟ
 ΘΡΕΨΕ ΜΑΚΗΔΟΝΙΗ, ΔΕΞΑΤΟ Δ' ΕΙΤΑΛΙΗ.

MVNERE LEGATI FVNCTVM VIRTVTE PHILIPPVM
 OMNIGENA, DOCTRINA INCLYTVM ET IONIA,
 CONSVLIS AVSONIAE ANTIGONI HAVD SINE SORTE
 PARENTEM
 NVTRIVIT MACEDO, NVNC TENET ITALIA.

*Exstat in Gruteri thes. 1098. 8. non uno eorum, qui ex-
 scripserant, errore fœdum, qui Tillemontium deceperunt
 agentem in Constantio to. 4. pag. 343. edit. Ven. hoc epi-
 gramma meminisse Philippi consulis, cum consul sit Anti-
 gonus ex suffectis; quare in fastis Almeloveenii desideratur
 Antigonus. Hinc nemo unus ferat Tillemontium de hoc ele-
 ganti titulo invidiosas jactantem querimonias. Per sibi mul-
 tum veteres blandiebantur in marmoribus scalpere se in Jo-
 nica, uti in hoc Pontianæ Ædis, vel in Pitthagorica
 schola profecisse, vid. Gruteri thes. p. 950. 7. ubi de se fe-*

lix quidam adolescens canit: Dogmata Pithagoræ sensu, studiumque sophorum; Et libros legi, legi pia carmina HOMERI, &c. Pro libros accipias Iliada, & Odyssæam; pro pia carmina, Hymnos: vel in Stoica schola, in eodem Grut. pag. 426. ID. L. IVNII RVSTICI PHILOSOPHI STOICI L. IVNIVS L. L. MYRINVS S. P. P.

Vox Iadōs Homérica est, at ejus filii pene universi in Iōnios immutarunt, præter Lycophronem v. 989. licet ibi Seldenus legat Iōvas, non Iadōvas, & Apollonium Rhodium lib. 1. v. 959. at novimus, quantum is ὠμείζεν; Excipe etiam epigramma 4. Anthol. lib. 4. cap. 27. in quo est Iōnios cum η, at alibi ostendam id carmen a Neapolitanis cūsum, utpote Οὐμπικωτάοις, & Homerastrum in hymn. in Apoll. vi. 147. Miror D' Orvillium multa & docta more suo de πύρει hac Iōnios edifferentem in Charitonem pagg. 533. & 676. non meminisse vocem Iadōnos. Advertas Statium nostratem, utpote in Græca urbe natum lib. 1. Theb. v. 476. usum Aona pro Ionium.

Vox ipsa EI· AONHC a marmorario στυμῇ distracta, contraque orthographiam etiam scalptra adeo torsit Pigbium, & Sirmondum, ut tamquam fullones hunc pannum interpolaverint e suo promptuario desumentes τὸ K, atque τὸ EI eluerint, vid. Grut. hinc factum, ut lepida μεταμορφώσεται Philippus e philosopho sectæ Jaoniæ conversus sit in poetam. Si vocem φῶτα in interpretamento posthabitam videas, ea est Homericus lepos, qui sane Latine aritudo mæra: quare in Iliad. λ. v. 438. Barnesius apposuit: Εἴνασι φῶτός] φῶτός, ἀντὶ τῆς, αὐτῆς. Ætatem lapidis novisse datur, postquam scilicet consulis orientis, atque occidentis distinctio inducta est: eamque etiam ab ipsa characterum deformitate deprehendere est. Gratulandum Neapolitanis, quod tamdiu Græce vixerint, atque ἀπο' litteris infesto tanti nitore carmina pangerent, quodque viri honestissimis magistratibus insignes, longe gentium nati Græcanicum nostrum, imo Atticū vivendi genus feligerent, quod multis deprædicat Strabo pag. 378. Demum gratia sint Pontani manibus, quod ea curate servavit.

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ
 ΑΗΝ ΚΑΤΑΙΔΙΑΚΑΛΥΠΤΕΙ
 ΑΝΔΡΩΝ ΗΡΩΩΝ ΚΟΣΜΗΤΟΡΑ
 ΘΕΙΟΝ ΑΛΚΕΪΒΙΑΔΗΝ
 ΑΥΡΗΛΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΗΣΕΝ

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ ΚΑΤΑ ΓΑΙΑ ΚΑΛΥΠΤΕΙ,
 ΑΝΔΡΩΝ ΗΡΩΩΝ ΚΟΣΜΗΤΟΡΑ ΘΕΙΟΝ,
 ΑΛΚΕΪΒΙΑΔΗΝ.

ΑΥΡΕΛΑ · ΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΙΗΣΕΝ.

PRAECLARI CAPITIS PIGNVS HIC TERRA RECONDIT,
 QVI FVIT HEROVVM DVX, ET DECVS ALMVVM,
 ALCIBIADEM.

AVRELIA ATALANTA
 PATRONO SVO,
 CVIVS VITA BENE ACTA EST,
 FECIT.

METRICA pars selectissimis ex Homero verbis concepta est, atque ab Petronio, Statio, Philostrato, aliisque celebratur schola Homericonaeapolitana. Versus alter, & tertius fulgent novo metri genere, quod Graecis sollemne, vide D'Orvillium in Vanno page. 186. & 247. ubi perquam apposite ait vir summus adjecisse veteres elegiaco carmini jambum pro pentametro etiam ob vocem Αλκιβιάδης. Praeterea consulas adnotat. in Scylacem pag. 17. Oxon. ubi ex Aristotele recitatur epigraphe, in qua singulis hexametris subjiciuntur bini pentametri, qui sex versus antea corru-

ptissimi sanantur: vide etiam Pausan. pag. 361. Lips. qui dat hexametrum, quem sequitur alter pede uno desertus, uti in nostro epigr. nisi mutilum recitaverit. At nemini ignotum reor binos hos versus esse περιβοητάς, cum & in Anthol. lib. 4. c. 25. epigr. 3. & in fin. vitæ Homeri Herodoto tributa sic existant:

Εὐθαδὲ τὴν ἱερὴν κεφαλὴν κατὰ γαῖα καλύπτει,

Ἀνδρῶν ἥρῳων κοσμητορά θεῖον Ὀμηρον.

At Neapolitani pro Ὀμηρον appropinquere Ἀλκιβιάδην, adeo divini vatis amore, & sapientia incosum eorum pectus erat: hinc jure colligas hunc Alcibiadem Neapoli denatum vel summum heroem, vel maximum poetam fuisse, qui eosdem in Homerum versus demeritus est.

Ῥοσὴν πατρῶν, quæ sat bona est, Leichius immutavit in πατρῶν in Miscell. Lipsiens. & Eleedwodius βεβωκότι in βιώσαντι. Muratorius pag. 707. hoc distichon barbaricis temporibus confectum asserit: vide D' Orvillum ibid. p. 415. qui adstruit ἐποίησε nil repugnare: at vir summus non vidit legendum ἐποίησε, nam prima linea τῷ H fungitur vice τῷ jota, sicuti in κοσμητορά ultima lineola τῷ M cum sequenti jota fingit H, quod genus compendii in lapidibus sollemne est.

BINA, quæ sequuntur lapidum fragmina in Templi instauratione reperta sunt, & haud jam pridem ad sternendos marmoribus gradus latissima culpa conscissa ac distracta, litterata facie solo conversa, quo lateret facinus. Idem nefandum lapidicidium in aliis titulis accidisse facile quis doleat, & trascat, atque ab hoc duplici crimine plura discere est.


Supplementum

fragmentum

diffecti marmoris exemplar

HIC QUIESCIT IN SOMNO
PACIS CYRIACVS VIRCLA
RISSIMVS MEDICVS CARVS
VNIVERSIS QUI VIXIT AN
NOS PLVS MINVS QVINQVA
GINTA OCTO MENSES DECE
MDIES NOVEM DEPOSITVS
EST POST DIEM IDVM IVNI

IN SOMNO
CVS VIRCLA
CVS CARVS
QVINQVIXITAN
IS QVINQVA
MENSES DECE
DEPOSITVS
MIDVM IVNI



Si nomina virorum propria excipias, ad legentium lubita immutanda, voces reliquas adjectas tum versuum comparatio, ac proportio, tum sententia ipsa copiose tutantur. Quid nisi τὸ MEDICVS syllaba CVS nobis statim offert in epigram. primo? In secundo nil ambigas de voce ARTEMISION, ibi siquidem hæc Neapolitana fratria degebat ex divite monumento apud Capacium in bist. pag. 73. quin & templum S. Mariæ majoris fuisse Artemidos scimus tam ex nostratibus scriptoribus, quam ex non unis rudetibus, atque ex nomine, quod adhucdum audit via illa ætior propter idem templum, quæ ad boream tendit, via enim Lunæ salutatur. Quanti volumus, est hoc alterum fragmentum ob vocabula demarchus, & fretarchus, Græci patrii magistratus, & nunc primum ab Latiali nos marmore donati. Nil detractum iri novimus veterum civium majestati, quod virum libertum demarchum creaverint; quando id genus hominum honestissimis muneribus fulsisse nullus neget: & nec ad externa provocandum, etenim Jul. Tiberius Tarsus ἀπελευθερος, qui templum Dioscurorum, nunc D. Paulli Apost. edificavit, fuit Augusti procurator, Σεβαστὴ ἐπίτροπος, ut in epistyllo legebatur. Quanta maxima auctoritate valuerint liberti, adi Paneg. Plin. circa fin. ejusque divites commentarios. Utinam quis isthæc quatuor epigrammata longis & laboriosis commentariis mactet ad Neapolitani nominis honestatem. Ceterum si qui huic παρακεκινδυνευμένη bini supplementi conjecturæ obrectaverint, utpote proclivis atque expediti, eis pacate succinendum, quod de se ait Valckenærius in adnotat. in Phœniss. pag. 552. In hac arte nihil difficilius, quam id quod se dicturos omnes putant, postquam audierunt.

In

I N A E D E M

A B

JOVIANO PONTANO

VIRGINI MARIAE

E T

JOANNI EVANGELISTAE

NEAPOLI ERECTAM

C A R M E N

PHILIPPI D' ORVILLII AMSTAELODAMENSIS.

HYmettio, Pontanus, os fragrans thymo,
 Nec fabulosis una de Sirenibus
 Tuis, decorque primus, o Neapoli:
 Pontanus ille Virgini puerperae,
 Viroque, quartus enthea qui pagina
 Decantat Humanae incolam formae Deum,
 Aedem sacrarat, Caelitum dignam pari,
 Geniique testem & elegantis & pii:
 Atque hanc eandem sempiternam legerat
 In mansionem, sibi, suorumque ossibus
 Requiem futuram jure Manium ratus,
 Divumque relligione non violabilem,
 Dum salva rectis cerneret de turribus
 Agris tremendum vortice igneo jugum.
 Non sic merentem vana spes imagine
 Dulci fefellit; nec ruinae proxima
 Labantis illud recta spondent culminis,
 Pariesve, campis paene pendent qualia
 Fauni sacella, vel Dianae rusticae:
 Foedi nec albo Numinum vultus situ,
 Vel ara spondet patrio ritu carens.
 Templum carere sartor aedituo tamen
 Negat, sacrato desidens qui limine

Pro-

PER LO TEMPIO

D A

GIOVIANO PONTANO

A NOSTRA DONNA

E D A

S. GIOVANNI VANGELISTA

ERETTO IN NAPOLI

TRADUZIONE

DEL MARCHESE SALVATORE SPIRITI.

Napoli, quel Pontan, che in bocca i favi
 Avea d' Imetto, e fu tuo pregio, ed una
 Non favolosa già di tue Sirene:
 Quel Pontano alla gran Vergine, e Madre,
 E a lui, che in Patmo dell' Eterno Verbo
 L' alto Mistero, e Vision descrisse,
 Nobil Tempio sacro proprio a tal coppia,
 Di sua pietade, e culto genio in segno:
 Destinò questo istesso alle sue ceneri,
 Ed a quelle de' suoi perpetuo albergo,
 Sperando, che pel dritto de' Defunti,
 E per religion fosse inviolabile
 Insin, che salva tu dall' alte torri
 Rimirassi Vesevo, orror de' campi.
 Ma contra ogni suo merto ei fu deluso
 Da vana speme: e non prometton questo
 Le vicine a cader mura, che stanno,
 Quai de' rustici Dii ne' campi veggonsi
 Ognor le nicchie minacciar rovina;
 Sperar nol fan de' simulacri i volti
 Sfigurati, o l' altar di culto voto.
 Niega però mancar custode al Tempio
 Meschin sartor, che su la soglia affiso

Pro-

Profanat opere, & sentit esuriens deos.
 Araneosa num magis donaria
 Decent peresas inter a blattis togas,
 Vileſque pannos, praemia impurae manus?
 Velata quid quod his requirat janua
 Non ſerta ſorum; aut inſularum purpu-
 ram.

Quin, ut ſoles, (locine contices memor?)
 Age turpe, ſartor rauce, jaſta canticum,
 Hymno putabit ſe celebratum polus!
 Vae Vatis umbrae, ſi quid ab obitus die
 Sapis, ſuſurro vapulas quae tam fe-
 ro!

Polluta dudum ſed reliqueris loca,
 Ad littoris myrreta Campani evolans,
 Inter ſuas qua vivit Aëtius tuus
 Laudes, notiſque ſculpta claris marmo-
 ra.

Quod ſi ſupremo, ſicut ille, codice
 Pinguem ſaginem nil opum tenacibus
 Cautus dediffes, ſqualor omnis abſoret,
 Ac ſolitudo, cymbalumque cum lyra,
 Fraëtaeque voces eviratorum Attidum
 Feſtis diebus perſonarent compita.

Non Zmirna talis in Ilii vatem fuit,
 Aut gloriae tot civitates aemulae;
 Sed Tempia, & Aras thure pingues maſculo,
 Statuaſque certavere civi ponere:
 Quin conditoris atque cuſtodis Dei
 Inſtar, colendos ultimis nepotibus,
 Vultus moneta dedicarunt in ſacra.

An barbararum turba picarum loquax
 Clius Latinae vicit argutum melos?
 Ac Maeſiorum tam feraci ſaeculo
 Coepit Maronum prima laus ſordeſcere?

Quare venuſtis urbibus venuſtior,
 O una tellus, quas ſinu gerit Italia!
 O grata ſedes Virginum choro novem!

Profana il loco, e povertà n' ha in pena.
 Forse che i don votivi han miglior loco
 Fra vili panni da tignuole rosi,
 Perchè offerti già fur da mano impura?
 E di questi il sacro uscio or anche adorno
 Sprezza i ferti di fior, le bende, e gli ostri?
 Deb via com' hai per uso, (o muto rendeti
 Del loco il sacro orror?) deb via scavezza
 Qualche oscena canzona, o rauco sarto,
 Che a par d' inno in sua lode al ciel fia grata!
 Abi del chiaro Poeta ombra infelice,
 Da tal canto sferzata! se rimanti
 Senso alcun dopo morte, la violata
 Sede abbandona, e del Campano lido
 Vanne fra' mirti ad abitar, là dove
 Vive al suon di sue lodi il tuo Sincero
 Tra scelti marmi, e di bei versi ornati.
 Che se Tu, come ei fece, ancor lasciavi
 Pingue retaggio in testamento, ad uso
 Di gente non ingorda; il tuo bel Tempio
 Non si vedria or desolato e squallido;
 Ma ne' giorni festivi a suon di lira
 Molli Eunuchi accordando il dolce canto,
 Risonar si udirebbe ogni contrada.
 Tal non si dimostrò col grande Omero
 Smirna, o tante cittadi emule al vanto;
 Ma d' erger gareggiaro al cittadino
 Templi, Statue, ed Altar ricchi d' incenso:
 Anzi, ond' ei fosse ognor da tutti i posterì
 Creduto Nume tutelar, ne impressero
 Anche in medaglie, avute sacre, il volto.
 Stuol di garrule piche ha forse vinta
 La melodia della Latina Musa?
 O perchè questa età di Mevj abbonda,
 La gloria de' Maroni è avuta a vile?
 O fra quante cittadi Italia accoglie
 Unica, e degna oltre le belle bella!
 O grata stanza alle Castalie Dive!

Felixque Mercurialium mater virum!
 (Caeli favorem non enim parvi facis,
 Nec fas piumve despicias mortalium,)
 Focis honores dentur oblitis sui,
 Aedesque cultu splendeat novo, neque
 Posthac senectam, te cavente, sentiat,
 Sacri per aevum fida custos pulveris.
 Id ore justo fama publica comprobet:
 Id ipsa debes, clara Parthenope, tibi,
 Te siqua privatae cura tangit gloriae;
 Viroque debes, mille qui dotes tuas
 Mirandus aeternavit eloquentiae
 Suada pedestris, & aureae simul fidis
 Potente plectro. Semper ipsa sic novis
 Phoebi perennes concinenda oloribus.



E d' altri ingegni avventurosa madre!
 (Giacchè i doni del ciel non prendi a gioco,
 Nè le pie de' mortali opre dispregi,)
 Rendasi al voto Altar l' onor dovuto,
 E di nuovo al bel Tempio il culto rieda,
 Nè provi d' ora in poi del tempo i danni,
 Vietandol tu, che le degne offsa accogli.
 Sia testimon di tua pietà la fama,
 Partenope, che tanto a te ben dei,
 Se di tuo proprio onor cura ti punge:
 E lo devi al grand' Uom, che i pregi tuoi
 In sermon sciolto, e con l' aurate fila
 Del sonoro suo plettro eterni rese.
 Così tu vinca ognor gli astri maligni,
 E cantino di te novelli Cigni.



FAtendum est me errasse in adnot. pag. 1. litt. (a) putantem Trifanum Caracciolum in MS. asseruisse majores Joannis *Pontani* cognomentum nactus esse, quod patria pulsi ob intestinum bellum Pontum confugerint; cum mens Trifani sit Jovianum acquisivisse id cognominis, propterea quod Ponto natus, *nam*, inquit, *Pontus patria, unde Pontanus*: verum transversum ivisse Caracciolum satis constat; etenim ipse Pontanus *Tumulor.* lib. II. pag. 3402. refert aviam suam dictam Leonardam *Pontanam*: unde autem derivatum sit hoc cognomen ipsemet Jovianus nos docuit in *Dial. Antonius* tom. 2. post. pag. 92.

. *Tulit meritum primæ legionis honorem*

Pontius, a quo etiam deducta est Pontana propago.

Quisnam fuerit hic *Pontius* legionis ductor, familiæ fons & origo, latet; at certi sumus Jovianum haud fuisse hujus cognominis principem.

Denique me sollerti cura usum, quo typographicis erroribus occurrerem, vel ex eo noveris, quod in perquam paucos inciderim, quique sunt præsertim in recitandis Pontani verbis; at scias ejus operum exemplar nil curate in lucem editum.

pag. 5. lin. 17.	<i>Nulla</i>	corr.	<i>Nella</i>
pag. 6.	37. <i>Hos</i>		<i>Has</i>
pag. 78.	10. <i>epigraphes</i>		<i>epigraphas.</i>



Scriptus & in tergo, nec dum finitus Orestes.

Dum Cl. Martorellii exercitatio isthæc typis excud-
batur, ad me deferuntur Anonymi cujusdam doctæ
& laboriosæ animadversiones in priorem (*) Martorel-
lii exercitationem, quas, utpote quæ ad græcorum
epigrammatum sensum valde conducunt, hic ad-
nectere mea interesse putavi.

ANONYMI ANIMADVERSIONES.



*UM magna semper existit apud omnes opinio
de Cl. viro Jacobo Martorellio, & singularis
doctrinæ ejus commendatio; tum hoc præser-
tim tempore magnifice nostri homines de eodem
& loquuntur & sentiunt. Unus enim est per Urbem
Neapolim pervagatus sermo, una omnium illa est sen-
tentia, penitioris Martorellii litteraturæ radios, si
umquam alias, nunc quidem, velut in artum con-
clusos, micuisse vehementius. Marmora enim græca in
Sacello Joviani Pontani Musarum studiis cultissimi,
eruderando nuper reperta, atque ab eodem latine red-
dita; mutili tituli suæ integritati restituti tantam illi
mehercule conciliarunt existimationem, quantam ulli ho-
minum vix fas esset optare. Nam quicumque seu ad-
venæ seu cives eruditi viri in illud Pontani Sacellum
infe-*

(*) Martorellius epigrammata isthæc exeunte anno 1759.
vulgavit cum brevi commentario. Anonymus animadversiones suas
edidit Romæ anno 1760. Posthæc Martorellius priori suo commen-
tario, qua perpoliando, qua addendo, ultimam manum imposuit,
ut priorem ejus editionem cum posteriore hac, quam supra dedi-
mus, conferenti patebit. Hæc adnotasse, non inutile prorsus erat;
ne quis diceret, Anonymum frustra in Martorellium insurgere,
quod is novum metri genus in secundo græco epigrammate sibi vi-
dere visus sit. Nam quæ Martorellius opportune ea de re addidit,
in priore sua editione desiderantur.

inferunt pedes, vetustos illos titulos primum, ut par est, venerantur & suspiciunt; deinde ubi eosdem titulos in amplioribus tabulis marmoreis transcriptos, Martorellique tum vertentis tum restituentis nomine insignitos lustraverint, adeo tanti viri eruditionem, adeo sedulitatem prædicant, ut nihil accedere posse videatur.

Quamquam autem & ego eruditus, tam præclare de Martorellio sentientibus, libentissime adstipuler; tamen, ut verum fatear, novos quosdam, minutulos illos quidem, in Martorellianis interpretationibusprehendere visus sum, quos singulos paucis infra persequar; non quod illi cupiam oppedere, sed quod mihi spes est fore, ut abortos in animo meo scrupulos sedulus aliquis scribendo evellat. Primum ergo marmor sic habet.

Marmor Vetus

Τ Ο Ν Π Α Σ Η Σ Α Ρ Ε
 Τ Η Σ · Ε Ι Δ Η Μ Ο Ν Α · Φ Ω Τ Α
 Φ Ι Λ Ι Π Π Ο Ν · Π Ρ Ε Σ Β Υ Τ Ν Ε Ι · Α Ο
 Ν Ι Η Σ · Ε Ν Π Ε Ρ Α Μ Ο Ν Σ Ο Φ Ι Η Σ
 Α Τ Σ Ο Ν Ι Ω Ν · Τ Π Α Τ Ο Υ · Π Α Τ Ε Ρ Α · Κ Α Τ
 Τ Ο Ν · Α Ν Τ Ι Γ Ο Ν Ο Ι Ο · Θ Ρ Ε Ψ Ε Μ Α Κ Η
 Δ Ο Ν Ι Η · Δ Ε Ξ Α Τ Ο Δ Ε Ι Τ Α Λ Ι Η

Marmor

Novum

ΤΟΝ ΠΑΣΗΣ ΑΡΕΤΗΣ ΕΙΔΗΜΟΝΑ ΦΩΤΑ ΦΙΛΙΠΠΟΝ
 ΠΡΕΣΒΥΤΝ, ΙΑΟΝΙΗΣ ΕΝΠΕΡΑΜΟΝ ΣΟΦΙΗΣ,
 ΑΤΣΟΝΙΩΝ ΤΠΑΤΟΥ ΠΑΤΕΡΑ ΚΑΤΤΟΝ ΑΝΤΙΓΟΝΟΙΟ
 ΘΡΕΨΕ ΜΑΚΗΔΟΝΙΗ, ΔΕΞΑΤΟ Δ' ΕΙΤΑΛΙΗ.

MVNERE LEGATI FVNCTVM VIRTVTE PHILIPPVM
 OMNIGENA, DOCTRINA INCLYTVM ET IONIA,
 CONSVLIS AVSONIAE ANTIGONI HAVD SINE SORTE PARENTEM
 NVTRIVIT MACEDO, NVNC TENET ITALIA.

INTERPRETAMENTUM JAC. MARTORELLII REG. GR. LING. PROF.

VERS.

VERS. 2. Πρέσβυ. *Non video, cur πρέσβυ interpretemur Munere Legati functum, ut Cl. Martorellius vertit. Nam cuiusmodi legatus Pilippus ille fuerit, certe auctor epigrammatis uno saltem verbo mutire debuit; nec committere, ut honorifica Philippi legatio posteros lateret. Quanti tandem laboris erat addere Legatum Cæsaris, vel tale aliquid? Præterea quis, rogo, paulum in græcis litteris versatus ignoret, πρέσβυ cum τῷ T in ultima non Legatum (qui Græcis est πρέσβις cum Jota) notare, sed Senem? Scio quid fortasse Martorellio imposuerit. Legerat is in nuperis quibusdam lexicis, quæ vulgo scholarum usus commendat, nempe Joannis Scapula, & quæ inde derivata sunt, sub themate πρέσβυς utramque statui significationem & Legati & Senis; idcirco ut titulo non vulgari Philip-pum honestaret, τὸ Πρέσβυυ interpretatus est Legatum, sprete scilicet altera Senis notione, quam fortasse vilio-riorem credidit. At, nisi fallor, Senem quam Legatum ille maluisset, si exempla Scapula aliorumque suis ipse oculis lustravisset. Et sane τὸ πρέσβευς, quod in notione Legati ex Aristophane laudat Scapula, non ex πρέσβυς, sed utique ex πρέσβις repetendum docet Suidas. En verba Suidæ: Πρέσβις, πρέσβευς οὐχὶ δὲ ἀπὸ τῆς πρέσβευς εὐθείας. οἱ γὰρ λέγοντες ἀμαρτάνουσι. b. e. Πρέσβις (Legatus format genitivum) Πρέσβευς Is autem non est a recto Πρέσβευς. Qui enim hoc dicunt, errant. Suidæ adde Etymologum Magnum; quorum testimoniis temere abusus est Scapula. Πρέσβις, ὁ ἐκπεμπόμενος πρὸς βασιλέα πρέσβεις πρέσβεις. b. e. Πρέσβις Legatus ad Regem missus in plurali habet Πρέσβεις, Πρέσβεις. Itaque Πρέσβις cum Jota in ultima Legatus est Suidæ & Etymologo. At vero Πρέσβυς cum T nonnisi Senem notat.*

Hesly-

Hesychius: Πρέσβυς, γέρων, Senex. Etymologus: Πρέσβυς, ὁ γεραίός . . . κλίνεται Πρέσβυος κ' Πρέσβεως. Πρέσβυς, Senex . . . habet genitivum casum Πρέσβυος & Πρέσβεως. Cum autem & Πρέσβις & Πρέσβυς in plurisque casibus convenient; inde est, quod Πρέσβεις in plurali numero sint Hesychio & Etymologo Γέροντες & Πρεσβευταί, Senes & Legati: nimirum quia utraque vox, cum formet casum patrium Πρέσβεως, in plurali habet Πρέσβεις. Hoc in more positum veteribus lexicographis fuit, ut si quæ voces sono & scriptura convenirent, tametsi notione discrepant, sub harum alterutra diversas significantias exhiberent. Hesychius: HION ἐπορευόμενον, κ' γνάθον. Ivi, & maxillam. OIS πρόβατον, ἢ τοῖς ἑαυτοῦ, ἢ τοῖς σοῖς, Ovis, vel suis, vel tuis. OISON κόμισον, φέρε ἢ σχοινίον. duc, fer, vel funis. OIΩ, δοκῶ, μόνω. puto, soli. Sunt & sexcenta id genus alia, in quibus sub una eademque voce dissimillimæ connectuntur significationes, quæ a diverso themate repetendæ sunt. Eodem prorsus pacto cum Πρέσβις & Πρέσβυς in plurali numero adeo convenirent, ut una eademque vox esse videretur; liberum Etymologo, Hesychioque fuit sub unum τοῦ Πρέσβεις sonum diversas Legati & Senis significationes cogere. Quam veterum Lexicographorum consuetudinem cum non advertissent Tufanus, Constantinus, Scapula, Schreve-lius, alique, utramque notionem cum utroque vocabulo communicarunt, sed sine testibus, ac tabulis. Sed illuc unde abiit, redeo: Πρέσβυς, & πρέσβις in plurisque casibus amice conspirant; est tamen, ubi utraque vox, oborto veluti dissidio, diversas ineunt vias; exempli causa in accusativo Πρέσβις Legatus format πρέσβιν. Theophylactus Simoc. epist. 20. κ' τὸν πρέσβιν ὡς ἀπαίσιον ἄγγελον ἀπεπέμψατο, Legatum ut inau-
spi-

spicatum nuntium remisit. *At* Πρέβυς Senex habet in accusativo Πρέβου per Υ. In *Antolog.* iv. cap. xxvii. n. 15. Πρέβου Ἀνακρεόντα, Senem Anacreontem. *Ibidem* lib. v. num. 108. πρέβου ἐν ἡθούαις, Senem in juvenibus. Eaque vox nec usquam in natione Legati comparet; nec repertus est adhuc, qui πρέβου alicubi sit Legatum interpretatus, si Martorellium excipias, qui nuperis quibusdam lexicis plus æquo fidens, veterum Scriptorum scrinia excutere neglexit. Utinam in nuperis lexicis carcinomata hæc, & id genus alia ad rectam adolescentum institutionem manu medica recidantur!

IBID. In vetusto marmore sic scalpitur: ΠΡΕΣ-
ΒΥΝΕΙ. ΑΟΝΙΗΣ &c. Cur Martorellius tantum
sibi dicere credidit, ut in recentiore marmore ΠΡΕ-
ΣΒΥΝ ΙΑΟΝΙΗΣ recuderet? Ergo τὸ Ε quo exula-
vit? Enimvero vertisset Cl. Martorellius τὸν πρέβου,
prout ei libitum fuisset; creasset Philippum Legatum,
fecisset ædilem (& quidem melius; Hesychio enim
πρέβυς est quoque Ἀγοράνομος, ædilis) modo a ve-
teri scriptura, quam omnes sartam rectam volunt, vio-
lentas manus abstinuisset. Ceterum si errorem quadra-
tarii in hoc loco cubare credidit, cur pro τῷ ΕΙ quam
minima mutatione ΕΠ non legit? Vel propius ad fi-
dem marmoris ΕΤ' pro integro ἐν, ad hæc, præterea?
ut versus sic incederet: Πρέβου ἐτ' Αοιὺς ἐντρίχμον
σοφίης. Nam si Σοφίᾳ hic ea est, quæ Philosophia
dicitur, quid astinuit addere τὸ Ιαοιῶν? An ut cer-
rior fieret populus, id curans scilicet, Philippum non
ex secta Italica, sed Ionica prodiisse? Profecto ludi-
brium deberet auctor nostri epigrammaris, in id sedu-
lus, quod in brevissimo præsertim carmine impune o-
missi poterat. *Videsis* inscriptionem græcam apud Rei-
nesium

nesium in *Append. omis. num. 47.* ubi quidam Oceanus laudatur πόντης ἐνπέραμος σοφίης. An sedulo hic etiam inquirendum nobis est, ex qua secta prodierit Oceanus, Italica ne, an Ionica, an in utraque suum professus fuerit nomen? Ergo σοφία quidvis aliud in nostro marmore, quam Philolophiam notat. Hesychius: Σοφία πᾶσα τέχνη, καὶ ἐπιστήμη. Quævis ars, ac scientia Σοφία dicitur. Calliope in Antholog. I. in Poët. dicitur invenisse Σοφίην, *b. e.* artem componendi carminis heroici. In quadam veteri inscriptione Nicomedis apud Octavium Falconerium εὐπάλαμος Σοφίη est ars statuaria. Quamobrem sicuti in Antholog. II. cap. 22. quidam Callignotus medicus dicitur Παιωνίης πλεθόμενος σοφίης, Pæonia plenus arte, *b. e.* arte medica, ducta nomenclatura a Pæone medico; sic in nostro epigrammate Ἀοινίη σοφίη est ars Poëtica, mutato nomine ab Aonia Bæotiæ regione; unde ipsæ Musæ Aonides dictæ sunt. Tralatitium porro est, atque apud Poëtas passim obtinet, ut artes vel ab auctoribus suis, vel ab iis, qui supra ceteros in sua quisque professione excelluerunt, cognomina sibi pariant. Ars Medica, quam modo Παιωνίδα σοφίην vocatam in Antholog. vidimus, ibidem lib. IV. cap. 19. ποδάλειον τέχνην dicitur, utique a Podalirio Æsculapii filio. Tiresias Vates describitur ab Ovidio in Ibin v. 264.

. . . . Apollinea clarus in arte Senex.
ubi Ars Apollinea est divinandi peritia, qua se vates ab Apolline donatum testatur apud Horatium II. Satyr. v. Ab Ovidio non longe abit sententia pentametri nostri epigrammatis; πρόσβον ἔτ' Ἀοινίης ἐνπέραμον σοφίης; *b. e.* Senem in Aonia quoque exercitatum arte; ubi Ἀοινίη σοφίη erit Poëtice, seu ars Musarum, quibus Poëta sua carmina accepta referebant. Imo Poëticen,

ticen, quam eleganter Synesius σοφιστικόν, b. e. contubernalem Philosophiae facit, passim dictam esse Σοφίην pluribus, si id agerem, suadere possem; usque adeo, ut Scholiastes Pindari ad Isthm. Od. v. sic commentetur: Σοφούς ἔλεγον τοὺς ποιητάς, Poëtas vocabant Sapientes: nimirum quod ii soli sapere videbantur, si qui in arte poëtica rite versarentur. Atque ea quidem in Poëtica Philippi commendatio impulsit, opinor, Pontanum, ut vetustum hunc titulum inferret in suam aditulum; nempe ut uno sub tecto degerent olim, quorum animos studiorum conjunctione pares idem poëticae spiritus afflaverat. Fuit sane Jovianus in veterum cultura nimius. Nam ut de brachio T. Livii Patavini, quod in suum sacellum comportasse ipse sibi videbatur (condonanda autem isthac nimis facilis credulitas homini colligendis litteratorum reliquiis incitatisimo) ut de eo, inquam, taceam, Alcibiadem, de quo ibidem prostat græca inscriptio, in litteris humanioribus fuisse versatum, non levibus indiciis suadere possem. Jamvero nostro epigrammati, de quo hætenus locuti sumus, inde majus irrogabitur pretium, quod nobis Antigonum Consulem reservavit. Antigonus, inquam, Consul fuit, non vero Philippus ejus pater; ut perperam quis ex Jano Grutero in Append. Magistr. p. mxcviii. 8. & ex Casare Capacio Antiquit. Neapol. cap. x. colligere posset: qui cum præter cetera in eo peccant, quod ΤΠΑΤΟΝ ΠΑΤΕΡΑ pro ΤΠΑΤΟΤ ΠΑΤΕΡΑ, scribunt; tum uterque, Janus, quod dubitarit scripturam hujus epigrammatis esse vix antiquam, Cæsar, quod Philip-pum Consulem Neapolitanorum fecerit, ingentes turbas cient. Meum autem hic non est, ut hasce lites pro dignitate componam; quidquid enim modo prolusi, id ame nonnisi animadversiones in Martorellianam interpretationem

*nem extorserunt. Quae quidem interpretatio cum mihi oneris-
no non probeatur, mei officii partes esse reor, novam ab in-
choato recudere, huc reperta genuina marmoris lectione:*

Τὸν πάσης ἀρετῆς εἰδήμονα φῶτα Φίλιππον
Πρέσβυν ἔτ' Αἰονίης ἐνπέραμον σοφίης.
Αἰσωνίων ὑπάτου πατέρα κλυτὸν Ἀντιγόνοιο
Θρέψε Μακεδονίη, δέξατο δ' Εἰταλίη.

Cunctarum virtutum heros hic ille Philippus
Cultor, & Aonia doctus in arte Senex;
Consulis Aufonidum Antigoni pater inclytus; ortum
Æmathia huic, sedem præbuit Italia.

*Ut φῶτα verterem heroa, fecit Homerus, qui
Iliad. Δ. Machaonem vers. 194. φῶτα, mox vers. 200.
ἥρωα salutat, tum maxime, quod ἐμφατικῶς dicatur, li-
cet haud ignorem simpliciter usurpari aliquando pro vi-
ro, vel etiam homine, ut Callim. in Cer. v. 46.*

.... κακὸν καὶ ἀναλιδέα φῶτα.

Macedonia in hoc epigrammate secundam producit: &
recte quidem. Iis, quæ Berkelius adnotat ad Stepba-
num in v. Μακεδονίη, adde duplex epigramma apud
Pausaniam l. 13. & VII. 8. ubi Macedonia & Ma-
cedones secundam habent productam. Eandem & pro-
ducit Callimachus hymno in Del. v. 167.

Ἰζεται οὐκ αἰέκουσα Μακεδόνι κοίρανεσθαι.

In ultimo pentametro sic scalpitur in marmore litteris
confertis: ΔΕΙΤΑΛΙΗ. Cl. Martorellius Δ' Εἰταλίη le-
git. Factum non improbo. Jota enim longum sæpiissime
cum diphthongo EI alternat. Ceterum potuisset impu-
ne legi ΔΕ Ιταλίη pro consueto Latinorum more, litteras
adscribentium, quas in carminis dimensione συνεκφώνησις
suffuratur. Cujusmodi versus est ille Poetae Odys. Γ. 227.

Βουκόλ' ἐπεὶ οὔτε κακῶ, οὔτ' ἄφρονι φῶτ' ἔοικας.
Verum hæc hætenus. Ad alterum græcum epigram-
ma accedamus.

Mar-

Marmor Vetus.

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ
 ΛΗΝ ΚΑΤΑ ΓΑΙΑ ΚΑΛΥΠΤΕΙ
 ΑΝΔΡΩΝ ΗΡΩΩΝ ΚΟΣΜΗΤΟΡΑ
 ΘΕΙΟΝ ΑΛΚΕΪΒΙΑΔΗΝ
 ΑΤΡΕΑ . ΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΗΣΕΝ

*Marmor**Novum*

ΕΝΘΑΔΕ ΤΗΝ ΙΕΡΑΝ ΚΕΦΑΛΗΝ ΚΑΤΑ ΓΑΙΑ ΚΑΛΥΠΤΕΙ,
 ΑΝΔΡΩΝ ΗΡΩΩΝ ΚΟΣΜΗΤΟΡΑ ΘΕΙΟΝ,
 ΑΛΚΕΪΒΙΑΔΗΝ.
 ΑΤΡΕΑ . ΑΤΑΛΑΝΤΗ
 ΙΔΙΩ ΠΑΤΡΩΝΙ
 ΚΑΛΩΣ ΒΕΒΙΩΚΟΤΙ
 ΕΠΟΙΗΣΕΝ.

PRAECLARI CAPITIS PIGNVS HIC TERRA RECONDIT
 QVI FVIT HEROVΜ DVX , ET DECVS ALMVM ,
 ALCIBIADEM.
 AVRELIA ATALANTA
 PATRONO SVO
 CVIVS VITA BENE ACTA EST
 FECIT.

JAC. MARTORELLIVS LATINE VERTIT. PRIMI TRES VERSVS
 NOVO METRI GENERE CONCEPTI SUNT.

*Hanc inscriptionem recitant Gruterus p. MLXXXIX.
 4. & Capacius Antiq. Neap. cap. XXII. num. x. Epi-
 gramma etsi erroribus scalptoris inquinatum , perspicui-
 tate tamen sua mirifice se se commendat ; nisi quod
 mihi salivam movit Cl. Martorellius in subscriptione
 novi marmoris inquiring : Primi tres versi novo metri
 gene-*

genere concepti sunt . *Qui sint primi tres versus ex recensione Martorellii , libeat hic propius intueri :*

Εὐθαδε τῆν ἱερὰν κεφαλὴν κατὰ γαῖα καλύπτει

Ἀνδρῶν ἠρώων κοσμήτορα θεῶν

Ἀλκιβιάδην .

In inscriptionibus Gruteri , Reinesii , aliorumque occurrunt epigrammata , in quibus nec idem ordo semper sibi constat , nec structura eadem . In Auctore mirabilium Auscult. legi hexasticon , ubi singulis hexametris bini pentametri interferuntur : at contra in Vita L. Paul. Æmil. epigramma Plutarchus profert , in quo pentameter unus cum tribus continuis hexametris copulatur . Apud Hephæstionem in Enchiridio (edit. Trajecti ad Rh. pag. 4.) Parthenius poeta elegiacus , cum Archelaïdi in suo carmine elego locus esse non posset , callide hexametro jambum subiecit : eodem artificio usus est Ibid. pag. 9. Critias poeta in nomine Alcibiadis . Recitatur apud eundem Hephæstionem pag. 64. epigramma Simonidis , quod tres versus non excedit ; quorum primus hexameter est , quem excipit pentameter ; tertius est jambus . Versum jambum pro pentametro legere est apud Aringbūm lib. iv. Rom. Subter. cap. 20. quem temere Reinesius Cl. xvii. Inscript. 147. mutato nomine Φιλησίῃ cum τῷ Φῆλῃ in pentametrum Marte suo recudit . Verum in his exemplis , quae sane plurima afferre possem , si quis novum metri genus se reperire dixerit , haud magnopere repugnaverim . Quidquid enim id est ὃ quocumque nomine censeatur , recte metrum esse dicetur , quum metricis legibus contineatur .

At in nostro Alcibiadis titulo , quid monstri sit hoc novum metri genus Martorellianum adhuc investigare non potui . An dicemus poetam hic affectasse Dithyrambicam audaciam , quae certam legem numerorum indi-